

作猶)贈白頭翁

送許八拾遺歸江寧觀省甫昔時常客遊此縣於許生處乞瓦棺守維阿圖樣志諸篇末

詔許辭中禁。慈顏赴(樊作拜)北堂。(一云天語辭中禁家榮赴北堂)聖朝新孝理。祖席倍輝光。(一云行子倍恩光)內(一作贈)帛擎偏重。宮衣著更香。淮陰清(一云新)夜驛。京口渡江航。春隔雞人晝。秋期鷺子涼。賜書誇父老。壽酒樂城隍。(一云竹引趨庭曙山添扇枕涼十年過父老幾日賽城隍)看畫會饑渴。追蹤恨(一作限)森茫。虎頭金粟影。神妙獨難忘。

因許八奉寄江寧晏上人

不見晏公三十年。封書寄與淚潺湲。舊來好事今能否。老去新詩誰與(一作爲)傳。碁局動隨尋(一作幽)澗竹。袈裟憶上泛湖船。聞君話我爲官在。頭白昏昏只醉眠。

至德二載甫自京金光門出問樊作問道歸鳳翔乾元初從左拾遺移華州掾與親故別因出此門有悲

往事

此道昔歸順。西郊胡正(一作騎)繁。至今殘破膽。應(一作猶)有未招魂。近得(一作侍)歸京邑。移官豈(一作遺)至尊。無才日衰老。駐馬望千門。

寄高三十五詹事適

安穩高詹事。兵戈久索居。時來如(一作知)宦達。歲晚莫情疎。天上多鴻雁。池(一作河)中足鯉魚。相看過半百。不寄一行書。

路逢襄陽楊少府入城戲呈楊員外甫赴華州日許寄員外茯苓一本戲題四韻附呈許員外爲求茯苓

寄語楊員外。山寒少茯苓。歸來稍暄(一云候和)暖。當爲斲青冥。翻動(一作倒)神仙(一作龍蛇)窟。封題鳥獸

形兼將老藤杖。扶汝醉初醒。

題鄭縣亭子

鄭縣亭子澗之濱。戶牖憑高發興新。雲斷岳蓮臨大路。(一作道)天晴(一作清)宮(一作官)柳暗長春。巢邊野雀(一作鵲)羣欺鷲。花底山蜂遠趁人。更欲題詩滿青竹。晚來幽獨恐傷神。

望岳

西岳峻嶒(一云危稜)竦處尊。諸峯羅立(一作列)如(一作似)兒孫。安得仙人九節杖。挂到玉女洗頭盆。車箱入谷無歸(一作回)路。箭栝(晉作闊一作闕)通天有一門。稍待西(吳作秋)風涼冷後。高尋白帝問真源。

至日遣興奉寄北省舊閣老兩院故人(一作補遺二首)

去歲茲辰捧御牀。五更三點入鷓行。欲知趨走傷心地。正想氛氳滿眼香。無路從容陪語笑。有時顛倒著衣裳。何人錯憶(一作認)窮愁日。愁日愁隨(刊作日日愁隨)一線長。

憶昨逍遙供奉班。去年今日侍龍顏。麒麟不動鑪烟上。孔雀徐開扇影還。玉几(一作座)由來天北極。朱衣只在殿中間。孤城此日堪腸斷。愁對寒雲雪(一作白)滿山。

得弟消息二首

近有平陰信。遙憐舍弟存。側身千里道。寄食一家村。烽舉新酣戰。啼垂舊血痕。不知臨老日。招得幾人(一作時)魂。

汝懦歸無計。吾衰往未期。浪傳烏鵲喜。深負鵲鴿詩。生理何顏面。憂端且歲時。兩京三十口。雖在命如絲。

憶弟二首時歸在南陸渾莊

喪亂聞吾弟。饑寒傍濟州。人稀吾(一作書)不到。兵在見何由。憶昨狂催走。無時病去憂。卽今千種恨。惟共水東流。

且喜河南定。不問鄴城圍。百戰今誰在。三年望汝歸。故園花自發。春日鳥還飛。斷絕人烟久。東西消息稀。

得舍弟消息

亂後誰歸得。他鄉勝故鄉。直一作若爲心厄苦。久念一作得與一作汝存亡。汝書猶在壁。汝妾一作室已辭房。舊犬知愁恨。垂頭傍我牀。

秦州雜詩二十首

滿目悲生事。因人作遠遊。遲迴度隴怯。浩蕩及一作入關愁。水落魚龍夜。山空一作通鳥鼠秋。西征問烽火。心折此淹留。

秦州山一作城北寺。勝跡一云傳是隗囂宮。苔蘚山門古。一作故。丹青野殿空。月明垂葉露。雲逐渡溪風。清渭無情極。愁時獨向東。

州圖領同谷。驛道出流沙。降虜兼千帳。居人有萬家。馬驕珠一作朱汗落。胡舞白蹄一作題斜。年少臨洮子。一作至西來亦自誇。

鼓角緣邊郡。川原欲夜時。秋聽殷地發。風散入雲悲。抱葉寒蟬靜。歸來一作山獨鳥遲。萬方一作年聲一概。吾道竟何之。

南使宜天馬。由來萬匹強。浮雲連陣沒。秋草徧一作滿山長。聞說真龍種。仍殘一云空餘老驢驢。哀鳴思戰鬪。迴立向蒼蒼。

城上胡笳奏。山邊漢節歸。防河赴滄海。奉詔發金微一作微。士苦形骸黑。旌疎鳥獸稀。那聞一作堪往來戍。恨解鄴城圍。旌一作林

莽莽萬重山。孤城山一作石谷間。無風雲出塞。不夜月臨關。屬國歸何晚。樓蘭斬未還。烟塵獨一作一長望。

衰颯正摧(一作催)顏。

聞道尋源使。從天此路迴。牽牛去幾許。宛馬至今來。一望幽燕隔。何時郡國開。東征健兒盡。羌笛暮吹哀。今日明人眼。臨池好驛亭。叢篁低地碧。高柳半天青。稠疊多幽事。喧呼閤使星。老夫如有此。不異在郊坰。雲氣接崑崙。涔涔塞雨繁。羌童看渭水。使(一作沽)客向(一作尙)河源。烟火軍中幕。牛羊嶺上村。所居秋草淨。正閉小蓬門。

蕭蕭古塞冷。漠漠秋雲低。黃鵠翅垂雨。蒼鷹饑啄泥。薊門誰自北。漢將獨征西。不意書生耳。(一作眼)臨衰厭(一作見)鼓鞞。

山頭南(一云東)郭寺。水號北流泉。老樹空庭得。清渠一邑傳。秋花危石底。晚景臥鐘邊。(一作前)俛仰悲身世。溪風爲颯(一作肅)然。

傳道東柯谷。深藏數十家。對門藤蓋瓦。映竹水穿沙。瘦地翻宜粟。陽坡可種瓜。船人近相報。但恐失桃花。

萬古仇池穴。潛通小有天。神魚人不見。福地語真傳。近接西南境。長懷十九泉。何時一作當一茅屋。送老白雲邊。未暇泛滄海。悠悠兵馬間。塞門風落木。(一云塞風寒落木)客舍雨連山。阮籍行多興。龐公隱不還。東柯遂疎懶。(一云放)休鑷鬢毛斑。

東柯好崖谷。不與衆峯羣。落日邀雙鳥。晴天養(一作卷)片雲。野人於(一作吟)險絕。水竹會平分。採藥吾將老。兒童未遣聞。

邊秋陰易久。(一作夕)不復辨晨光。簷雨亂淋幔。山雲低度牆。鷓鴣窺淺井。蚯蚓上深(一作高)堂。車馬何蕭索。門前百草長。

地僻秋將盡。山高客未歸。塞雲多斷續。邊日少光輝。警急烽常報。傳聞(一作聲)檄屢飛。西戎外甥國。何得近

(一作近)天威。

鳳林戈未息。魚海路常難。候火雲烽(一作峯)峻。懸軍幕(一作暮)井乾。風連西極動。月通北庭寒。故老思飛將。何時(一作人)議築壇。

唐堯真自聖。野老復何知。曬藥能無婦。應門幸(一作亦)有兒。藏書聞禹穴。讀記憶(一作悟)仇池。爲報鴛鴦舊。鷓鴣在一枝。

□月夜憶舍弟

戍鼓斷人行。秋邊(一作邊秋)雁聲露。從今夜白。月是故鄉明。有弟皆分散(一作羈旅)無家問死生。寄書長不避(樊作達)况乃未休兵。

□宿贊公房京中大雲寺主請此安置

杖錫何來此(一作久)秋風已颯然。雨荒深院菊。霜倒半池蓮。放逐寧違(一作久)性。虛空不離禪。相逢成夜宿。隴月向人圓。

□東樓

萬里流沙道。西征(一云行)一云征西)過北(一作此)門。但添新戰骨。不返舊征魂。(一云但添征戰骨不返死生魂)樓角凌風迴。城陰帶水(一作雨)昏。傳聲看驛使。送節向河源。

□雨晴一云秋霽

天水(一云外)一云際)秋雲薄。從西萬里風。今朝好晴景。久雨不妨農。寒(一云岸)柳行疎翠。山梨結小紅。胡笳樓上發。一雁入高空。

□寓目

一縣蒲萄熟。秋山苜蓿多。關雲常帶雨。塞水不成河。羌女輕（一作搖）烽燧。胡兒制（一作掣）駱駝。自傷遲暮眼。喪亂飽經過。

□ 山寺

野寺殘僧少。山園細路高。麝香眠石竹。鸚鵡啄金桃。亂石（一作水）通人過。懸崖置屋牢。上方重閣晚。百里見秋毫。（一作纖）毫。

□ 卽事

聞道花門破。和親事却非。人憐漢公主。生得渡河歸。秋思拋雲鬢（一作髻）腰支勝（一作賸）寶衣。羣凶猶索戰。迴首意多違。

□ 遣懷

愁眼看霜露。寒城菊自花。天風隨斷柳。客淚墮清（一作晴）笳。水淨樓（一作城）陰直。山昏塞日斜。夜來歸鳥盡。啼殺後棲雅。

□ 天河

常時任顯晦。秋至輒（一作最）分明。縱被微雲掩。終能（一作當）一云輸。永夜清。含星動雙闕。伴月落邊城。牛女年年渡。何曾風浪生。

□ 初月

光細（一二常時）弦豈（刊作初陳作欲）上。影斜輪未安。微升古塞（一作堞）外。已隱暮雲端。河漢不改色。關山空自寒。庭前有白露。暗滿菊花團。（英華作欄）

□ 歸鸞

飛。不獨避霜雪。其如儔侶稀。四時無失序。八月自知歸。春色豈相訪。一作誤。衆雛還識機。故巢儻未毀。會傍主人

擣衣

亦知成不返。秋致拭清砧。已近苦。一作暮。寒月。况經。一作驚。長別心。寧辭搗熨。一作衣。倦。一寄寒垣深。用盡閨中力。君聽空外音。

促織

促織甚微細。哀音。一作聲。何動人。草根吟。一作冷。不穩。牀下夜相親。久客得無淚。放。一作故。妻難及晨。悲絲。一云絃。與急管。感激異天真。

螢火

幸因腐草出。敢近太陽飛。未足臨書卷。時能點客衣。隨風隔幔小。帶雨傍林微。十月清霜重。飄零何處歸。

蒹葭

摧折不自守。一云與。秋風吹若何。暫時花戴。一作載。雪。幾處。一作墮水。葉沈波。體弱春甲。一云風。一云笛。早。叢長夜露多。江湖後搖落。亦。一云只。恐歲蹉跎。

苦竹

青冥亦自守。軟弱強扶持。味苦夏蟲避。叢卑春鳥疑。軒墀曾不重。翦伐欲。一云亦。無辭。幸近幽人屋。霜根結在茲。

除架

束薪已零落。瓠葉轉。一作卷。蕭。一作相。疎。幸結白花了。寧辭青蔓除。秋蟲聲不去。暮雀意何如。寒事今牢落。

人生亦有初。

廢畦

秋蔬擁霜露。豈敢惜凋殘。暮景數枝葉。天風吹汝寒。綠沾泥滓盡。香與歲時闌。生意春如昨。悲君白玉盤。

夕烽

夕烽來不近。(一作止)每日報平安。(一云夕烽明照灼了了報平安)塞上傳光。(一云聲)小雲邊落。(一云數)點殘。照秦通警急。過隴自艱難。(一云燄銷仍再滅烟迴不勝寒)聞道蓬萊殿。千門立馬看。(一云恐照蓬萊殿城中幾道看)

秋笛

清商欲盡奏。苦血霑衣。他日傷心極。征人白骨歸。相逢恐恨過。故作發聲微。不見秋雲動。悲風稍稍飛。

送遠

帶甲滿天地。胡爲君遠行。親朋盡一哭。鞍馬去孤城。草木歲月晚。關河霜雪清。別離已昨日。因見古人情。

觀兵

北庭送壯士。貔虎數尤多。精銳舊無敵。邊隅今若何。妖氛擁白馬。元帥待瑠戈。莫守鄴城下。斬鯨遼海波。

不歸

河間尙征。(一作戰)伐。汝骨在空城。從弟人皆有。終身恨不平。數金憐俊邁。總角愛聰明。面上三年上。春(一作

秋)風草(一作吹)又生。

天末懷李白

涼風起天末。君子意如何。鴻雁幾時到。江湖秋水多。文章憎命達。魑魅喜人過。應共冤魂語。投詩贈汨羅。

獨立

空外一鷺鳥。河間雙白鷗。飄飄搏擊便。容易往來遊。草露亦多溼。蛛絲仍未收。天機近人事。獨立萬端憂。

日暮

日落風亦起。城頭鳥（晉作烏）尾訛。黃雲高未動。白水已揚波。羌婦語還哭。胡兒行且歌。將軍別換馬。（一云換駿馬）夜出擁瑯戈。

空囊

翠柏苦猶食。晨（一云明）霞高（一云朝）可餐。世人共鹵莽。吾道屬艱難。不爨井晨凍。無衣牀夜寒。囊空恐羞澀。留得一錢看。

病馬

乘爾亦已久。天寒關塞深。塵中老盡力。歲晚病傷心。毛骨豈殊衆。馴良猶至今。物微意不淺。感動一沉吟。

蕃劍

致（一云至）此自僻遠。又非珠玉裝。如何有奇怪。每夜吐光芒。虎氣必騰越。（一作上）龍身寧久藏。風塵苦未息。持汝奉明王。

銅瓶

亂後碧井廢。時清瑤殿深。銅瓶未失水。百丈有哀音。側想美人意。應非（一作悲）寒甃沈。蛟龍半缺失。猶得折黃金。

觀安西兵過赴關中待命二首

四（一云西）鎮富精銳。摧鋒皆絕倫。還聞獻（一作就）士卒。足以靜風塵。老馬夜知道。蒼鷹饑（一作秋）著人。臨

危經久戰。用急（一作意）始（一作使）如神。

奇兵不在衆。萬馬救中原。談笑無河北。心肝奉至尊。孤雲隨殺氣。飛鳥避轅門。竟日留歡樂。（一作觀樂）城池未覺喧。

送人從軍

弱水應無地。陽關已近天。今君渡沙磧。累月斷人烟。好武寧論命。封侯不計年。馬寒防失道。雪沒錦鞍韉。

野望

清秋望不極。迢遞起曾陰。遠水兼天淨。孤城隱霧深。葉稀風更落。山迴日初沉。獨鶴歸何晚。昏鴉已滿林。

示姪佐

佐草堂左東柯谷

多病秋風落。君來慰眼前。自聞茅屋趣。只想竹林眠。滿谷山雲起。侵籬澗水懸。（一云阮）宗諸子姪。早覺仲容賢。

佐還山後寄三首

山晚浮（一作黃）雲合。歸時恐路迷。澗寒人欲到。村黑鳥應棲。野客茅茨小。田家樹木低。舊諳疎懶叔。須汝故相攜。

白露黃粱熟。分張素有期。已應春得細。頗覺寄來遲。味豈同金（一作甘）菊。香宜配綠葵。老人佗日愛。正想滑流匙。

幾道泉澆圃。交橫落慢（或作慢）坡。葳蕤秋葉少。（一作小一作菜色）隱映野雲多。隔沼連香芰。通林帶女蘿。甚聞霜薤白。重惠（一云薦）意如何。

從人覓小胡孫許寄

人說南州路。山猿樹樹懸。舉家聞若駭。(一云共愛)爲寄小如拳。預晒愁胡面。初(一作何)調見馬鞭。許求聰慧者。童稚捧應癩。(宋劉昌詩浦筆云合移童稚云云作第四句却於許求句下云爲寄小如拳則意義渾全亦成對偶)

■秋日阮一作陳隱居致雍三十束

隱者柴門(一作荆)內。畦蔬繞舍秋盈筐。承露苑。不待致書求。束比青葛色。圓齊玉筍頭。衰年關鬪冷。味煖併(一作腹)無憂。

■秦州見勅一云除目薛三璩當刊作據授司議郎畢四曜除監察與二子有故遠喜遷官兼述索居凡三十韻

大雅何寥闊。(一作廓)斯人尙典刑。交期余潦倒。材力爾精靈。二子聲同日。諸生困一經。文章開突(一作窔)烏弔切。奧(一作隩)遷擢潤朝廷。舊好何由展。新詩更憶聽。別來頭併白。相見眼終青。伊昔貧皆甚。同憂心(一作歲)不寧。栖遑分半菽。浩蕩逐流萍。俗態猶猜忌。(一作忍)妖氛忽(一作遂)杳冥。獨慚投漢閣。俱(一作但)議哭秦庭。還蜀祇無補。囚梁亦固扃。華彝相混合。宇宙一羶腥。帝力收三統。天威總四溟。舊都俄望幸。清廟肅惟馨。雜種雖(一作難)高壘。(一作壁)長驅甚建瓴。焚香淑景殿。漲水望雲亭。法駕初還日。羣公若會星。宮臣仍點染。柱史正零丁。官忝趨棲鳳。朝迴歎(一作欲)聚螢。喚人看驪裏。不嫁惜娉婷。掘劍知埋獄。提刀見發硎。侏儒應共飽。漁父忌偏醒。旅泊窮清渭。長吟望濁涇。羽書還似急。烽火未全停。師老資殘寇。戎生及近坰。忠臣辭憤激。烈士涕飄零。上(一云小)將盈邊鄙。元勳溢鼎銘。仰思調玉燭。誰定握(一作淬)青萍。隴俗輕鸚鵡。原情類鵲鴿。秋風動關塞。高臥想羲形。

■寄彭州高三十五使君適虢州岑二十七長史參三十韻時患痲病

故(一作古)人何寂寞。今我獨淒涼。老去才難(一作雖)盡。秋來興甚長。物情尤可見。辭客未能忘。海內知名士。

雲端各異方。高岑殊緩步。沈鮑得同（樊作周）。行意愜關飛動。篇終接混茫。舉天悲富駱。近代惜盧王。似爾官仍貴。前賢命可傷。諸侯非棄擲。半刺已翺翔。詩好幾時見。書成無信（一作使）。將男兒行處。是客子鬪（一作問）。身強羈旅推賢聖。沉綿抵咎殃。三年猶瘡疾。一鬼不（一作未）。銷亡。隔日搜脂髓。增寒抱雪霜。徒然潛隙地。有覩屢鮮妝。何太龍鍾極。于今出處妨。無錢居帝里。盡室在邊疆。劉表雖遺恨。龐公至死藏。心微傍魚鳥。肉瘦怯豺狼。隴草蕭蕭白。洮雲片片黃。彭門（一作天彭）。劍閣外。號略鼎湖旁。荆玉簪頭冷。巴牋染翰光。烏麻蒸續曬。丹橘露應嘗。豈異神仙宅。俱兼山水鄉。竹齋燒藥竈。花嶼讀書牀。更得清新否。遙知對屬忙。舊官寧改漢。淳俗本歸（一云不離）。唐濟世宜公等。安貧亦士常。蚩尤終戮辱。胡羯漫猖狂。會待祿氛靜。（一云滅）。論文暫裏糧。

寄岳州賈司馬六丈巴州嚴八使君兩閣老五十韻

衡岳啼猿裏。巴州鳥道邊。故人俱不利。（一作別）。謫宦兩悠（一作茫）。然。開闢乾坤正。（一作大）。榮枯雨露偏。長沙才子遠。釣瀨客星懸。憶昨趨行殿。殷憂捧御筵。討胡愁李廣。奉使待張騫。無復雲臺仗。虛修水戰船。蒼茫城七十。流落劍三千。畫角吹（一作歎）。秦晉（一作塞）。旄頭俯澗澗。小儒輕董卓。有識笑苻堅。浪作禽填海。那將血射天。萬方思助順。一鼓氣無前。陰散陳倉北。晴熏太白巔。亂麻屍積衛。破竹勢臨燕。法駕還雙闕。王師下八川。此時需奉引。佳氣拂周旋。貔虎開金甲。（刊作匣）。麒麟受玉鞭。侍臣諳入仗。廐馬解登仙。花動朱樓雪。城凝碧樹煙。衣冠心慘愴。故老淚潺湲。哭廟悲風急。朝正霽景鮮。月分梁漢米。春得（刊作給）。水衡錢。內藥繁于纈。宮莎（刊作花）。軟勝綿。恩榮同拜手。出入（一作處）。最隨肩。晚著華堂醉。寒重繡被眠。轡齊兼秉燭。書枉滿懷牋。每覺昇元輔。深期列大賢。秉鈞方咫尺。鍛翮再聯翩。禁掖朋從改。（一作換）。微班性命全。青蒲甘受（一作就）。戮。白髮竟誰憐。弟子貧原憲。諸生老伏（常作服）。虔師資謙未達。鄉黨敬何（一作推）。先。舊好腸堪斷。新愁（一作秋）。眼欲穿。翠乾危棧竹。紅膩小湖（一作池）。蓮。賈筆論孤憤。嚴詩賦幾篇。定知深意苦。（一作好）。莫使衆人傳。貝錦無停織。朱絲有斷絃。浦鷗防碎首。

霜鷓不空拳。地僻昏炎瘴。山稠隘石泉。且將棋度日。應用酒爲年。典郡終微眇。治中實棄捐。安排求傲吏。比與展歸田。去去才難得。蒼蒼理又玄。古人稱逝矣。吾道卜終焉。隴外翻投跡。漁陽復控弦。笑爲妻子累。甘與歲時遷。親故行稀少。兵戈動接聯。他鄉饒夢寐。失侶自迍邐。多病加（一作成）淹泊。長吟阻靜便。如公盡雄俊。志在必騰鶩。（一作云公如盡憂患何事有陶甄樊云如公盡雄俊何事負陶甄）

寄張十二山人彪三十韻

獨臥嵩陽（一作張）客。三違潁水春。艱難隨老母。滲澹向時人。謝氏尋山屐。陶公漉酒巾。羣兇彌宇宙。此物在風塵。歷下辭姜被。關西得孟隣。早通交契密。晚接道流新。靜者心多妙。（一云好）先生藝絕倫。草書何太苦。（一云應甚苦）詩興不無神。曹植休前輩。張芝更後身。數篇吟可老。一字買堪貧。將恐曾防寇。深潛（一作情）託所親。寧聞倚門夕。盡力潔殮晨。疎懶爲名誤。驅馳喪我真。索居猶（一作尤）寂寞。相遇益悲（一作俊吳作愁）辛。流轉（一作云轉徙）依邊徼。逢迎念席珍。時來故舊少。亂後別離頻。世祖修高廟。文公賞從臣。商山猶入楚。渭水不離（一作知）秦。（一作刊作湍水不流秦）存想青龍秘。騎行白鹿馴。耕巖非谷口。結草卽（一作欲）河濱。肘後符應驗。囊中藥未陳。旅（一作放）懷殊不愜。良覲渺無因。自古皆悲恨。浮生有屈伸。此邦今（一作全）尙武。何處且依仁。鼓角凌天籟。關山信（樊作倚）月輪。官場（一作據）羅鎮（一作錦）。磧火近洮岷。蕭瑟論兵（一作功）地。蒼茫鬪將辰。大軍多處所。餘孽尙紛綸。高興知籠鳥。斯文起（一作豈）獲麟。窮秋正搖落。迴首望松（一作湘）筠。

寄李十二白十二韻

昔年有狂客。號爾謫仙人。筆落驚（一作聞）風雨。詩成泣鬼神。聲名從此大。汨沒一朝伸。文彩承殊渥。流傳必絕倫。龍舟移棹晚。獸錦奪袍新。白日來深殿。青雲滿後塵。乞歸優詔許。遇我宿心親。未負（一作遂）幽棲志。兼全寵辱身。劇（一作戲）談憐野逸。嗜酒見天真。醉舞梁園夜。行歌泗水春。才高心不展。道屈善無隣。處士禰衡俊。諸生原憲

貧。稻梁求未足。意以謗何頻。五嶺炎蒸地。三危放逐臣。幾年遭鵬鳥。獨泣一作立向麒麟。二云不獨立麒麟蘇武先還漢。黃公豈事秦。楚筵辭醴日。梁獄上書辰。已用當時法。誰將此義一作議陳。老吟秋月下。病起暮江濱。莫怪恩波隔。乘槎與一作得問津。

蜀相此下一百四首在成都作

丞相祠堂何處尋。錦官城外柏森森。映階碧草自春色。隔葉黃鸝空一作多好音。三顧頻煩吳作繁天下計。兩朝開濟老臣心。出師未捷一作用身先死。長使英雄淚滿襟。

卜居

浣花流一作之水水西頭。主人爲卜林塘幽。已知出郭少塵事。更有澄江銷客愁。無數蜻蜓齊上下。一雙鸂鶒對沉浮。東行萬里堪乘興。須向山陰上小舟。

一室

一室他鄉遠一作老。空林暮景懸。正愁聞塞笛。獨立見江船。巴蜀來多病。荆蠻去幾年。二云千應同王粲宅。留井峴山前。

梅雨

南京西一作犀浦道。四月熟黃梅。湛湛一作醺醺長江去。冥冥細雨來。茅茨疎易溼。雲霧密難開。竟日蛟龍喜。盤渦與岸迴。

爲農

錦里煙塵外。江村八九家。圓荷浮小葉。細麥落一作墮輕花。卜宅從茲老。爲農去國賒。遠慚勾漏令。不得問丹

有客草堂本作賓至

幽棲地僻經過少。老病人扶再拜難。豈有文章驚海內。漫勞車馬駐江干。竟日淹留佳客坐。百年羸癯腐儒餐。不嫌野外無供給。乘興還來看藥欄。

狂夫

萬里橋西一（一云新）草堂。百花潭水卽滄浪。風含翠篠娟娟靜。雨裏紅蕖冉冉香。厚祿故人書斷絕。恆飢稚子色淒涼。欲填溝壑唯疎放。自笑狂夫老更狂。

賓至草堂本作有客

患氣經時久。臨江卜宅新。喧卑方避俗。疎快頗宜人。有客過茅宇。呼兒正葛巾。自鋤稀菜甲。小摘爲情親。

王十五司馬弟出郭相訪兼遺營茅屋貲

客裏何遷次。江邊正寂寥。肯來尋一老。愁破是今朝。憂我營茅棟。攜錢過野橋。他鄉唯表弟。還往莫辭遙。

堂成

背郭堂成蔭白茅。緣江路熟俯青郊。楹林礙日吟風葉。籠竹和煙滴露梢。暫止（一作下）飛鳥將數子。頻來語鸞定新巢。旁人錯比揚雄宅。懶惰（一作慢）無心作解嘲。

田舍

田舍清江曲（一作上）柴門古道旁。草深迷市井。地僻懶衣裳。襤（唐顧陶作楊）柳枝枝弱。枇杷樹樹（顧陶作對對）香。鷓鴣西日照。曬翅滿魚梁。

進艇

南京久客耕南畝。北望傷神坐（一作臥）北窗。晝引老妻乘小艇。晴看稚子浴清江。俱飛蛺蝶元相逐。並蒂芙蓉

本自雙。茗飲蔗漿攜所有。盜襲無謝玉爲缸。

□西郊

時出碧鷄坊。西郊向草堂。市橋官柳細。江路（晉作岸）野梅香。傍架齊書帙。看題減（晉作檢）藥囊。無人覺（一云競一云與）來往。疎懶意何長。

□所思

苦憶荊州醉司馬。（崔吏都濤）謫官（一云居）樽俎（一云酒）定常開。九江日落醒何處。一柱觀頭眠幾回。可憐懷抱向人盡。欲問平安無使來。故憑錦水將雙淚。好過瞿塘灩澦堆。

□江村

清江一曲抱村流。長夏江村事事幽。自去自來（一作歸）堂上燕。相親相近水中鷗。老妻畫紙爲（一作成）碁局。稚子敲針作釣鉤。多病所須唯藥物。（一云但有故人供祿米供焚作分）微軀此外更何（一作無）求。

□江漲

江漲柴門外。兒童報急流。下牀高數尺。倚杖沒中洲。細動迎風燕。輕搖逐浪鷗。漁人縈小楫。容易拔（一作捩）船頭。

□野老

野老籬前（一作邊）江岸迴。柴門不正逐江開。漁人網集澄潭下。賈客船隨返照來。長路關心悲劍閣。片雲何意（一作事）又云行雲幾處。傍琴臺。王師未報收東郡。城闕秋生畫角哀。（兩京同南都得云城闕也）

□雲山

京洛雲山外。音書靜不來。神交作賦客。力盡望鄉臺。衰疾江邊臥。規朋日暮迴。白鷗元水宿。何事有餘哀。

遣興

干戈猶未定。弟妹各何之。拭淚霑襟一作巾。血梳頭滿面絲。地卑荒野。大天遠暮江遲。衰疾那能久。應無見汝時。（一云期）

北鄰

明府豈辭滿。藏身方告勞。青錢買野竹。白幘岸江臯。愛酒晉山簡。能詩何水曹。時來訪老疾。步履到蓬蒿。

南鄰

錦里先生烏角巾。園收芋粟（一云粟）不全貧。慣看賓客（一云門戶）兒童喜。得食階除鳥雀馴。秋水纔深（一云池雖）四五尺。野航（魯直作艇）恰受兩三人。白沙翠竹江村（一作山）暮（一作路）相對（一作送）柴門（一作籬南）月色新。

出郭

霜露晚淒淒。高天逐望低。遠煙鹽井上。斜景雪峯西。故國猶兵馬。他鄉亦（一云正）鼓鼙。江城今夜客。還與舊烏啼。

過南鄰朱山人水亭

相近竹參差。相過人不知。幽花欹滿樹。小水細通池。歸客村非遠。殘樽席更移。看君多道氣。從此數追隨。

恨別

洛城一別四（一云三）千里。胡騎長驅五六（一云六七）年。草木變衰行劍外。兵戈阻絕老江邊。思家步月清宵立。憶弟看雲白日眠。聞道河陽近乘勝。司徒急爲破幽燕。

寄賀蘭鈺

朝野歡娛後。乾坤震靜中。相隨萬里日。總作白頭翁。歲晚仍分袂。江邊更轉蓬。勿云俱異域。飲啄幾回同。

寄楊五桂州譚因州參軍段于之任

五嶺皆炎熱。宜人獨桂林。梅花萬里外。雪片一冬深。聞此寬相憶。我邦復好音。江邊送孫楚。遠附白頭吟。

逢唐興劉主簿弟

分手開元末。連年絕尺書。江山且相見。戎馬未安居。劍外官人冷。關中驛騎疏。輕舟下吳會。主簿意何如。

和裴迪登新津寺寄王侍郎王時牧蜀

何限一作恨倚山木。吟詩秋葉黃。蟬聲集古寺。鳥影度寒塘。風物悲遊子。登臨憶侍郎。老夫貪佛一作賞一云費。日。隨意宿僧房。

敬簡王明府

葉縣郎官宰。周南太史公。神仙才有數。流落意無窮。驥病思偏秣。鷹愁一作秋怕苦籠。看君用高義。恥與萬人同。

重簡王明府

甲子西南異。冬來只薄寒。江雲何夜盡。一作靜蜀雨幾時乾。行李須相問。窮愁豈有一云自寬。君聽鴻雁響。恐致稻粱難。

建都十二韻

蒼生未蘇息。胡馬半乾坤。議在雲臺上。誰扶黃屋尊。建都分魏闕。下詔闢荆門。恐失東人望。其如西極存。時危當雪恥。計大豈輕論。雖倚三階正。終愁萬國翻。牽裾恨不死。漏網辱殊恩。永負漢庭哭。遙憐湘水魂。窮冬客江劍。一云劍外。隨事有田園。風斷青蒲節。霜埋翠竹根。衣冠空穰穰。關輔久一云遠昏昏。願枉一云願駐一云願駐。

長安日。光輝照北原。

■歲暮

歲暮遠爲客。邊隅還用兵。煙塵犯雪嶺。鼓角動江城。天地日流血。朝廷誰請纓。濟時敢愛死。寂寞壯心驚。

■和裴迪登蜀州東亭送客逢早梅相憶見寄

東閣官梅動詩興。還如何遜在揚州。此時對雪遙相憶。送客逢春（一作花）可（樊作更）自由。幸不折來傷歲暮。若爲看去亂鄉（一作春）愁。江邊一樹垂垂發。朝夕催人白頭。

■寄贈王十將軍承俊

將軍膽氣雄。臂懸兩角弓。纏結青驄馬。出入錦城中。時危未授鉞。勢屈難爲功。賓客滿堂上。何人高義同。

■暮登四一云西安寺鐘樓寄裴十迪

暮倚高樓對雪峯。僧來不語自鳴鐘。孤城返照紅將斂。近市浮烟翠且重。多病獨愁常閔寂。故人相見未從容。知君苦思緣詩瘦。大（一云太）向交游萬事慵。

■散愁二首

久客宜旋旆。興王未息戈。蜀星陰見少。江雨夜聞多。百萬傳深入。寰區望匪它。司徒（光弼）下燕趙。收取舊山河。聞道并州鎮。尙書（王思禮）訓士齊。幾時通薊北。當日報關西。懸關丹心破。霑衣皓首啼。老魂招不得。歸路恐長迷。

■奉酬李都督表丈早春作

力疾坐清曉。來時（一云詩律隨云采詩）悲早春。轉添愁伴客。更覺老隨人（荆作身）紅入桃花嫩。青歸柳葉新。望鄉應未已。四海尙風塵。

客至喜崔明府相過

舍南舍北皆春水。但見一作有羣鷗日日來。花徑不曾緣客掃。蓬門今始爲君開。盤殮市遠無兼味。樽酒家貧只舊醅。肯與鄰翁相對飲。隔籬呼取盡餘盃。

遣意二首

嘯枝黃鳥近。泛渚白鷗輕。一逕野花落。孤村春水生。衰年催釀黍。細雨更一作夜移橙。漸喜交游絕。幽居不用名。

簷影微微落。津流脈脈斜。野船一作松明細火。宿雁聚圓一作寒沙。雲掩初弦月。香傳小樹花。鄰人有美酒。稚子夜一作也能賒。

漫成二首

野日荒荒一作野月茫茫白。春一云江流泯泯清。渚蒲隨地有。村逕逐門成。只作披衣慣。常從漉酒生。眼邊無俗物。多病也身輕。

江臯已仲春。花下復清晨。仰面貪看鳥。回頭錯應人。讀書難字過。對酒滿壺頻。近識峨眉老東山隱者。知予懶是真。

春夜喜雨

好雨知時節。當春乃一云及發生。隨風潛入夜。潤物細無聲。野徑雲俱黑。江船火獨明。曉看紅溼處。花重錦官城。

春水

三月桃花浪一云水。江流復舊痕。朝來沒沙尾一云岸。碧色動柴門。接縷垂芳餌。連筒灌小園。已添無數鳥。

爭浴故相喧。(英華云不知無數鳥何意更相喧)

春水生二絕

二月六日春水生。門前小灘(一云籬)渾欲平。鷓鴣鷓鴣莫漫喜。吾與汝曹俱眼明。
一夜水高二尺強。數日不可更禁當。南市津頭有船賣。無錢卽買繫籬旁。

江亭

坦腹江亭上。長吟野望時。水流心不競。雲在意俱遲。寂寂春將晚。欣欣物自私。故林歸未得。排悶強裁詩。(草堂本一云江東猶苦戰回首一顰眉)

村夜

蕭蕭風色暮。(樊作風色蕭蕭暮)江頭人不行。村春雨外急。鄰火夜深明。胡羯何多難。漁樵寄此生。中原有兄弟。萬里正含情。

早起

春來常早起。幽事頗相關。帖石防隕岸。開林出遠山。一丘藏曲折。緩步有躋攀。童僕來城市。瓶中得酒還。

可惜

花飛有底急。老去願春遲。可惜歡娛地。都非少壯時。寬心應是酒。遣興莫過詩。此意陶潛解。吾生後汝期。

落日

落日在簾鉤。溪邊春事幽。芳菲綠岸圃。樵爨倚灘舟。啁雀爭枝墜。飛蟲滿院遊。濁醪誰造汝。一酌(一云酌罷)散千憂。(一云一酌罷人憂)

獨酌

步屣（一作履一作倚仗）深林晚。開樽獨酌遲。仰蜂粘落絮。（一作蕊）行（戶郎切）蟻上枯梨。薄劣慚真隱。幽偏得自怡。本無軒冕意。不是憊當時。

徐步

整履（一作屐晉作屣）步青蕪。荒庭日欲晡。芹泥隨燕觜。花蘂（一作蕊粉）上蜂鬚。把酒從衣溼。吟詩信杖扶。敢論才見忌。實有醉如愚。

寒食

寒食江村路。（一作樹）風花高下飛。汀煙輕冉冉。竹日淨暉暉。田父（一云舍）要皆去。鄰家鬧（晉作問）不違。地偏相識（一作失）。盡雞犬亦忘歸。（一作機）

高袖

柎樹色冥冥。江邊一蓋青。通根開藥圃。接葉製茅亭。落景陰猶合。微風韻可聽。尋常絕醉困。臥此片時醒。

惡樹

獨遶虛齋徑。常持小斧柯。幽陰成頗雜。惡木翦還多。枸杞因（一作固）吾有。雞棲奈汝何。方知不材者。（一作木）生長漫婆娑。

石鏡

蜀王將此鏡。送死置空山。冥冥憐香骨。提攜近玉顏。衆妃無復歎。千騎亦虛還。獨有傷心石。埋輪月宇間。

琴臺

茂陵多病後。尙愛卓文君。酒肆人間世。琴臺日暮雲。野花留寶靨。蔓草見羅裙。歸鳳求皇意。寥寥不復聞。

聞斛斯六官未歸

故人南郡去。去索作碑錢。本賣文爲活。翻令室倒懸。荆扉深蔓草。土鏗冷疏烟。老罷休無賴。歸來省醉眠。

遊修覺寺

野寺江天豁。山扉花竹幽。詩應有神助。吾得及春遊。徑石相(一云深)縈帶。川雲自(一云晚)去留。禪枝宿衆鳥。漂轉暮歸愁。

後遊

寺憶新(一云曾)遊處。橋憐再渡時。江山如有待。花柳更無私。野潤烟光薄。沙暄日色遲。客愁全爲減。捨此復何之。

題新津北橋樓得郊字

望極春城上。開筵近鳥巢。白花簷外朵。青柳檻前梢。池水觀爲政。廚烟覺遠庖。西川供客(一作遠)眼。(一云醉客)唯有(一云偏愛)此江郊。

江漲

江發蠻夷漲。山添雨雪流。大聲吹地轉。高浪蹴天浮。魚鼈爲人得。蛟龍不自謀。輕帆好去便。吾道付滄洲。

晚晴

村晚驚風度。庭幽過雨霑。夕陽薰細草。江色映疏簾。書亂誰能帙。盃乾可自添。時聞有餘論。未怪老夫潛。

朝雨

涼氣晚(一云曉)蕭蕭。江雲亂眼飄。風鷺藏近渚。雨燕集深條。黃綺終辭(一作投)漢。巢由不見堯。草堂樽酒在。幸得過清朝。(一作宵)

江上值(一作置)水如海勢聊短述

爲人性僻耽佳句。語不驚人死不休。老去詩篇渾漫興。春來花鳥莫深愁。新添水檻供垂釣。故著浮槎替入舟。焉得思如陶謝手。令渠述作與同遊。

送裴五赴東川

故人亦流落。高義動乾坤。何日通燕塞。相看老蜀門。東行應暫別。北望苦銷魂。凜凜悲秋意。非君誰與論。

赴青城縣出成都寄陶王二少尹

老恥妻孥笑。二云老被樊籠役。貧嗟出入勞。客情投異縣。詩態憶吾。一作君。曹。東郭滄江。一作滄浪。合。西山白雪高。文章差底病。迴首與滔滔。

因崔五侍御寄高彭州一絕

百年已過半。秋至轉饑寒。爲問彭州牧。何時救急難。

野望因過常少仙

野橋齊度馬。秋望轉悠哉。竹覆青城合。江從灌口來。入村樵徑引。嘗果栗皴。一作園。開。落盡高天日。幽人未遣迴。

寄杜位位京中宅近西曲江詩尾有述

近聞寬法離。一作別。新州。想見懷歸尙百憂。逐客雖皆萬里去。悲君已是十年流。干戈况復塵。一云行。隨眼。鬢髮還應雪。一云白。滿頭。玉壘題書心緒亂。何時更得曲江遊。

奉簡高三十五使君

當代論才子。如公復幾人。驂騑開道路。鷹隼出風塵。行色秋將晚。交情老更親。天涯喜相見。披豁對。一作道。吾真。吳若本作君恐誤。

送韓十四江東覲省

兵戈不見老萊衣。歎息人間萬事非。我已無家尋弟妹。君今何處訪庭闈。黃牛峽靜灘聲轉。白馬江寒樹影稀。此別應須各努力。故鄉猶恐未同歸。

贈杜二拾遺

高適

傳道招提客。詩書自討論。佛香時入院。僧飯屢過門。聽法還應難。尋經剩欲翻。草元今已畢。此外吳作後更何言。

酬高使君相贈

古寺僧牢落。空房客（一作得）寓居。故人供祿米。鄰舍與園蔬。雙樹容聽法。三車肯載書。草元吾豈敢。賦或似（一二云比）相如。

草堂卽事

荒村建子月。獨樹老夫家。霧（一二云雪）裏江船渡。風前逕竹斜。寒魚依密藻。宿鷺起圓沙。蜀酒禁愁得。無錢何處賒。

魏十四侍御就敝廬相別

有客騎驄馬。江邊問草堂。遠尋留藥價。惜別到（一二云倒）文場。入幕旌旗動。歸軒錦繡香。時應念衰疾。書疏（一作迹）及滄浪。

徐九少尹見過

晚景孤村僻。行軍數騎來。交新徒有喜。禮厚媿無才。賞靜憐雲竹。忘歸步月臺。何當看花藥。欲發照江梅。

范二員外邈吳十侍御郁特枉駕闕展待聊寄此

暫往比鄰去。(晉作至)空聞二妙歸。幽棲誠簡略。衰白已光輝。野外貧家遠。村中好客稀。論文或不媿。肯重款柴扉。

王十七侍御掄許攜酒至草堂奉寄此詩便請邀高三十五使君同到

老夫臥穩朝慵起。白屋寒多暖始開。江鶴(一作鶴)巧當幽徑浴。鄰鷄還過短牆來。繡衣屢許攜家醞。卓蓋能忘折野梅。戲假霜威促山簡。須成一醉(一作醉裏)習池迴。

王竟攜酒高亦同過共用寒字

臥病荒郊遠。通行小徑難。故人能領客。攜酒重相看。自媿無鮭(一作蝦)菜。空煩卸馬鞍。移時勸山簡。頭白恐風寒。(高每云汝年幾不必小於我故此句戲之)

陪李七司馬阜江上觀造竹橋卽日成往來之人免冬寒入水聊題短作簡李公二首

伐竹爲橋結構同。褰裳不涉往來通。天寒白鶴歸華表。日落青龍見水中。顧我老非題柱客。知君才是濟川功。合歡(考異作觀)却笑千年事。驅石何時到海東。

把燭成橋(一作橋成)夜迴舟坐客(一作客坐)時。天高雲去盡。江迴月來遲。衰謝多扶病。招邀屢有期。異方乘此興。樂罷不無悲。

李司馬橋了承高使君自成都迴

向來江上手紛紛。三日成功事出羣。已傳童子騎青竹(一作馬)。總擬橋東待使君。

少年行二首

莫笑田家老瓦盆。自從盛酒長(一作養)兒孫。傾銀注瓦(瓦英華作玉辯證云當依古本)驚人眼。共醉終同臥竹根。

巢鷦養（西溪叢語作引）雛（英華作兒）渾去蓋。江花結子已（一作也）無多。黃衫年少來宜（叢語作宜來）數。不見堂前東逝波。

野人送朱櫻

西蜀櫻桃也。自紅。野人相贈滿筠籠。數迴細寫愁仍破。萬顆勻圓訝許同。憶昨賜露門下省。退朝擎出大明宮。金盤玉筋無消息。此日嘗新任轉蓬。

卽事

百寶裝腰帶。眞珠絡臂鞵。笑時花近眼。舞罷錦纏頭。

贈花卿

錦城絲管日紛紛。半入江風半入雲。此曲祇應天上有（樂府作去）人間能得幾回聞。

少年行

馬上（一云騎馬）誰家薄媚（一云白面）郎。臨塔（英華作軒）下馬坐（一作踏）人牀。不通姓字轟豪（一作疎）甚。指點銀瓶索酒嘗（一云酒未嘗）。

觀李固請司馬弟山水圖三首

簡易高人意（一云體）匡牀竹火爐。寒天留遠客。碧海掛新圖。雖對連山好。貪看絕島孤。羣仙不愁思。冉冉下蓬壺。

方丈渾連水。天台總映雲。人間長見畫。老去（一作身老）恨空聞。范蠡舟偏小。王喬鶴不羣。此生隨萬物。何路出塵氛。

高浪垂繚屋。崩崖欲壓牀。野橋（一作樓）分子細。沙岸繞微茫。紅浸珊瑚短。青懸薜荔長。浮查並坐得（一云相

並坐) 仙老暫相將。

題桃樹

小徑升堂舊不斜。五株桃樹亦從遮。高秋總餒(一作餽)貧人實。來歲還舒滿眼花。簾戶每宜通乳鷺。兒童莫信打慈鷗。寡妻羣盜非今日。天下車書正(一作已)一家。

蕭八明府隄 一作實 處覓桃栽

奉乞桃栽一百根。春前爲送浣花村。河陽縣裏雖無數。濯錦江邊(一作頭)未滿園。

從韋二明府續處覓綿竹

華軒藹藹他年到。綿竹亭亭出縣高。江上舍前無此物。幸分蒼翠拂波濤。

憑何十一少府篋覓椹木栽

草堂暫西無樹林。(一作木)非子誰復見幽心。飽聞椹木三年大。與致溪邊十畝陰。

憑韋少府班覓松樹子

落落出羣非欒柳。青青不朽豈楊梅。欲存老蓋千年意。爲覓霜根數寸栽。(一云來)

又于韋處乞大邑瓷盃

大邑燒瓷輕且堅。扣如哀(一作寒)玉錦城傳。君家白盃勝霜雪。急送茅齋也可憐。

詣徐卿覓果栽

草堂少花今欲栽。不問綠李與黃梅。石筍街中却歸去。果園坊裏爲求來。

贈別何鬻

生死論交地。何由見一人。悲君隨鷺雀。薄宦走風塵。綿谷元通漢。沱江不向秦。五陵花滿眼。傳語故鄉春。

贈別鄭鍊赴襄陽

戎馬交馳際。柴門老病身。把君詩過日。(俗本作目)念此別驚神。(二云念別意驚神)地闊峨眉晚。(一云曉晉作遠)天高峴首春。爲於耆舊內。試覓姓龐人。

重贈鄭鍊絕句

鄭子將行罷使臣。囊無一物獻尊親。江山路遠羈離日。裘馬誰爲感激人。

奉和嚴中丞西城晚眺十韻以下一百二十八首在成都及綿漢梓州作

汲黯匡君切。廉頗出將頻。直詞才不世。雄略動(一作用)如神。政簡移風速。詩清立意新。層城臨暇(一作媚)景。絕域望餘春。旗尾蛟龍會。樓頭鸞雀馴。地平江動蜀。天闊樹浮秦。帝念深分閫。軍須遠算縉。花羅封峽蝶。瑞錦送麒麟。辭第輸高義。觀圖憶古人。征南多興緒。事業闔相親。

嚴中丞枉駕見過嚴自東川除西川勅令兩川都節制

元戎小隊出郊坰。問柳尋花到野亭。川合東西瞻使節。地分南北任流(一作孤)萍。扁舟不獨如張翰。白(一作阜)帽還應(一作應廉)似管寧。寂寞(二云今日)江天雲霧裏。何人道有少微星。

廣州段功曹到得楊五長史譚書功曹却歸聊寄此詩

衛青開幕府。楊僕將樓船。漢節梅花外。春城海水邊。銅梁書遠及。珠浦使將旋。貧病他鄉老。煩君萬里傳。

得廣州張判官叔卿書使還以詩代意

鄉關胡騎遠。(一作滿)宇宙蜀城偏。忽得炎州信。遙從月峽傳。雲深驃騎幕。夜隔孝廉船。却寄雙愁眼。相思(一作望)淚點懸。

送段功曹歸廣州

南海春天外。功曹幾月程。(一云行) 峽雲籠樹小。湖日落(一作蕩) 船明交趾丹砂重。韶州白葛輕。幸君因旅
(一作估) 客。時寄錦官城。

絕句漫興九首

眼見(一云前) 客愁愁不醒。無賴春色到江亭。卽遣花開(一作飛) 深(一作從) 造次便覺(一作教) 鶯語太丁寧。

手種桃李非無主。野老牆低還似(一作是) 家。恰似春風相(入聲) 欺得。夜來吹折數枝花。

熟(一作耐) 知(晉作孰如) 茅齋絕低小。江上鷺子故來頻。銜泥點污琴書內。更接飛蟲打著人。
二月已破三月來。漸老逢春能幾迴。莫思(草堂作辭) 身外無窮事。且盡生前有限杯。

腸斷春江(一云江春) 欲盡(一作白) 頭。杖藜徐步立芳洲。顛狂柳絮隨風去。輕薄桃花逐水流。
懶慢無堪不出村。呼兒日在掩柴門。蒼苔濁酒林中靜。碧水春風野外昏。

糝徑楊花鋪白氈。點溪荷葉疊(一作累) 青錢。(一云鈿) 筍(一作竹) 根稚(一作雉) 子無人見。沙上鳧雛傍母眠。

舍西柔桑葉可拈。江畔細麥復纖纖。人生幾何春已夏。不放香醪如蜜甜。
隔戶(一云戶外) 楊柳弱嫋嫋。恰似十五女兒腰。誰謂朝來不作意。狂風挽斷最長條。

江畔獨步尋花七絕句

江上被花惱不徹。無處告訴只顛狂。走覓南鄰愛酒伴。經旬出飲獨空牀。(斛斯融吾酒徒)
稠花亂蕊畏(一云裏) 江濱。行步欹危實(一云獨) 怕春。詩酒尙堪驅使在。未須料理白頭人。

江深竹靜兩三家。多事紅花映白花。報答春光知有處。應須美酒送生涯。

東望少城花滿烟。百花高樓更可憐。誰能載酒開金盞。(一作鎖)喚取佳人舞繡筵。
黃師塔前江水東。春光懶困倚微風。桃花一簇開無主。可愛深紅愛(一云映晉作與)淺紅。
黃四娘家花滿溪。千朵萬朵壓枝低。留連戲蝶時時舞。自在嬌鶯恰恰啼。
不是愛花即肯(一作欲)死。(一作不是看花即索死)只恐花盡老相催。繁枝容用紛紛落。嫩葉(一作蕊)商量
細細開。

三絕句

楸樹馨香倚釣磯。斬新花藥未應飛。不如醉裏風吹(一云春風)盡可(一作何)忍醒時雨打稀。
門外鷓鴣去(一作久)不來。沙頭忽見眼相猜。自今已後知人意。一日須來一百回。
無數春筍滿林生。柴門密掩斷人行。會須上番(去聲)看成竹。客至從噴不出迎。

戲爲六絕句

庾信文章老更成。凌雲健筆意縱橫。今人嗤點流傳賦。不覺前賢畏後生。
王楊(一作楊王)盧駱當時體。輕薄爲文哂未休。爾曹身與名俱滅。不廢江河萬古流。
縱使盧王操翰墨。劣于漢魏近風騷。龍文虎脊皆君馭。歷塊過都見爾曹。
才力應難誇數公。凡今誰是出羣雄。或看翡翠蘭若上。未掣鯨魚碧海中。
不薄今人愛古人。清詞麗句必爲鄰。竊攀屈宋宜方駕。恐與齊梁作後塵。
未及前賢更勿疑。遞相祖述復先誰。別裁僞體親風雅。轉益多師是汝師。

江頭五詠

丁香

丁香體柔弱。亂結枝猶墊。細葉帶浮毛。疎花披素豔。深栽小齋後。庶近幽人占。晚墮蘭麝中。休懷粉身念。

麗春

百草競春華。麗春應最勝。少須(晉作頃)好顏色。(草堂作顏色好)多漫枝條剩。紛紛桃李枝。處處總能移。如何貴此重。(晉作稀如可貴重)却怕有人知。

梔子

梔子比衆木。人間誠未多。於身色有用。與道氣傷(一作相)和。紅取風霜實。青看雨露柯。無情移得汝。貴在映江波。

鸚鵡

勞。故使籠寬織。須知動損毛。看雲莫悵望。失水任呼號。六翮曾經剪。孤飛卒(一作只)未高。且無鷹隼慮。留滯莫辭勞。

花鴨

花鴨無泥滓。塔前(一作中庭)每緩行。羽毛知獨立。黑白太分明。不覺羣心妬。休牽衆眼驚。稻粱霑(一作知)汝在。作意莫先鳴。

畏人

早花隨處發。春鳥異方啼。萬里青江上。三年(一云峯)落日低。畏人成小築。褊性合幽棲。門逕(一云逕沒)從榛草。無心走(一作待)馬蹄。

遠遊

賤子何人記。迷芳(荆作方)著處家。竹風連野色。江沫擁春沙。種藥扶衰病。吟詩解歎嗟。似聞胡騎走。失喜問京華。

野望

西山白雪三奇（一作城一作年）。戍南浦清江萬里橋。海內風塵諸弟隔。天涯涕淚一身遙。唯將遲暮供多病。未有涓埃答聖朝。跨馬出郊時極目。不堪人事日（一作白）蕭條。

官池春雁二首

自古稻粱多不足。至今鶻鵠亂爲羣。且休悵望看春水。更恐歸飛隔暮雲。青春欲盡急還鄉。紫塞寧論尙有霜。翅在雲天終不遠。力微繒繳絕須防。

水檻遣心二首

去郭軒楹敞。無村草堂作材。眺望際澄江。平少岸。幽樹晚多花。細雨魚兒出。微風燕子斜。城中十萬戶。此地兩三家。

生。蜀天常夜雨。江檻已朝晴。葉潤林塘密。衣乾枕席清。不堪秣老病。何得尙晉清向。浮名淺把涓涓酒。深憑送此生。

屏跡三首

用拙存（一作誠）吾道。幽居近物情。桑麻深雨露。燕雀半生成。村鼓時時急。漁舟箇箇輕。杖藜從白首。心跡喜雙清。

晚起家何事。無營地轉幽。竹光團（一作圍）野色。舍（一云山）影漾江流。失學從兒懶。長貧任婦愁。百年渾得醉。一月不梳頭。

衰顏（一作年）甘屏迹。幽事供高臥。鳥下竹根行。龜開萍葉過。年荒酒價乏。日併園蔬課。猶酌甘泉歌。（一云獨酌酣且歌一云獨酌酌甘泉）歌長擊樽破。

寄題杜二錦江野亭

嚴武

漫向江頭把釣竿。懶眠沙草愛風湍。莫倚善題鸚鵡賦。何須不著鷓鴣冠。腹中書籍幽時曬。肘後醫方靜處看。與發會能駛駿(一云五)馬。終須(晉作當)重(一作直)到使君灘。

奉酬嚴公寄題野亭之作

拾遺曾奏數行書。懶性從來水竹居。奉引濫騎沙苑馬。幽棲真釣錦江魚。謝安不倦登臨費。(一作賞)阮籍焉知禮法疏。枉沐(一云何日)旌麾出城府。草茅無(一作荒)徑欲教鋤。

中丞嚴公雨中垂寄見憶一絕奉答二絕

雨映行宮(一作官)一作雲非是。辱贈詩元戎肯赴野人期。(一云元戎欲動野人知)江邊老病雖無力。強擬晴天理約絲。

何日雨晴雲出溪。白沙青石先(一云洗)無泥。只須伐竹開荒徑。倚(一作拄)杖穿花聽馬嘶。(一云鳥啼)

謝嚴中丞送青城山道士乳酒一瓶

山瓶乳酒下青雲。氣味濃香幸見分。鳴鞭走送憐漁父。洗盞開嘗對馬軍。(軍州謂驅使騎爲馬軍)

嚴公仲夏枉駕草堂兼攜酒饌得寒字○草堂本一作鄭公枉駕攜饌訪水亭

竹裏行廚洗玉盤。花邊立馬簇金鞍。非關使者徵求急。自識將軍禮數寬。百年地闢(今本作僻)柴門迴。五月江深草閣寒。看弄漁舟移白日。老農何有罄交歡。

嚴公廳宴同詠蜀道畫圖得空字

日臨公館靜。畫滿(一作列)地圖雄。劍閣星橋北。松州雪嶺東。華夷山不斷。吳蜀水相通。興與烟霞會。清樽幸不空。

奉送嚴公入朝十韻

鼎湖瞻望遠。象闕憲章新。四海猶多難。中原憶舊臣。與時安反側。自昔有經綸。感激張天步。從容靜塞塵。南圖迴羽翮。北極捧星辰。漏鼓還思晝。宮鸞罷轉春。空留玉帳術。愁殺錦城人。閣道通丹地。江潭隱白蘋。此生那老蜀。不死會歸秦。公若登台輔。臨危莫愛身。

酬別杜二

嚴武

獨逢堯典日。再覩漢官儀。未効風霜勁。空慚雨露私。夜鐘清萬戶。曙漏拂千旗。並向殊（一作斜）庭謁。俱承別館追。斗城憐舊路。渦水惜歸期。峯樹還相伴。江雲更對垂。試迴滄海棹。莫（一作更）妬敬亭詩。祇是書應寄。無忘酒共持。但令心事在。未肯鬢毛衰。最恨巴山裏。清猿惱夢思。

送嚴侍郎到綿州同登杜使君江樓得心字

野興每難盡。江樓延賞心。歸朝送使節。落景惜登臨。稍稍烟集渚。微微風動襟。重船依淺瀨。輕鳥度層陰。檻峻背幽谷。窗虛交茂林。燈光散遠近。月彩靜高深。城擁朝來客。天橫醉後參。窮途衰謝意。苦調短長吟。此會共能幾。諸孫賢至今。不勞朱戶閉。自待白河沈。

奉濟驛重送嚴公四韻

遠送從此別。青山空復情。幾時杯重把。昨夜月同行。列郡謳歌惜。三朝出入榮。江村獨歸處。寂寞養殘生。

巴西驛亭觀江漲呈竇使君草堂本作竇十五使君

宿雨南江漲。波濤亂遠峯。孤亭凌噴薄。萬井逼春容。霄漢愁高鳥。泥沙困老龍。天邊同客舍。攜我豁心胸。

九日登梓州城

伊昔黃花酒。如今白髮翁。追歡筋力異。望遠歲時同。弟妹悲歌裏。朝廷（一作乾坤）醉眼中。兵戈與關塞。此日意

無窮。

巴嶺答杜二見憶

嚴武

臥向巴山落月時。兩鄉千里夢相思。何但步兵偏愛酒。也知光祿最能詩。江頭赤葉楓愁客。籬外黃花菊對誰。跋馬望君非一度。冷猿秋雁不勝悲。

九日奉寄嚴大夫

雲間。九日應愁思。經時冒險艱。不眠持漢節。何路出巴山。小驛香醪嫩。重巖細菊斑。遙知簇鞍馬。迴首白

黃草

黃草峽西船不歸。赤甲山下行人稀。秦中驛使無消息。蜀道兵戈有是非。萬里秋風吹錦水。誰家別淚濕羅衣。莫愁劍閣終堪據。聞道松州已被圍。

懷舊

地下蘇司業。情親獨有君。那因喪。一作衰。亂後。便有。一云更作。死生分。老罷知明鏡。悲來望白雲。自從失詞伯。不復更論文。公前名預緣避御諱。改為源明。

所思得台州鄭司戶慶消息

泉。鄭老身仍竄。台州信所。一作始。傳。為農山澗曲。臥病海雲邊。世已疎儒素。人猶乞酒錢。徒勞望牛斗。無計斷龍

不見近無李白消息

不見李生久。伴狂真可哀。世人皆欲殺。吾意獨憐才。敏捷詩千首。飄零酒一杯。匡山讀書處。頭白好。一云始。歸

來。

題元武禪師屋壁

何年顧虎頭。滿壁（一作座）畫瀛（曾作滄）州。赤日石林氣。青天江海（一云水）流。錫飛常近鶴。杯度不驚鷗。似得廬山路。真隨惠遠遊。

客夜

客睡何曾著。秋天不肯明。卷簾殘月影。高枕遠江聲。計拙無衣食。途窮仗友生。老妻書數紙。應悉未歸情。

客亭

秋窗猶曙色。落木（一作木落）更天（一作高）風。日出寒山外。江流宿霧中。聖朝無棄物。老病已成（一云衰）翁。多少殘生事。飄零似轉蓬。

秋盡

秋盡東行且未迴。茅齋寄在少城隈。籬邊老却陶潛菊。江上徒逢袁紹盃。雪嶺獨看西日落（一云暮）劍門猶阻北人來。不辭萬里長爲客。懷抱何時得好開（一云好一開）。

陪王侍御宴通泉東山野亭

江水東流去。清樽日復斜。異方同宴賞。何處是京華。亭景臨山水。村烟對浦沙。狂歌過于（一云形）勝。得醉卽爲家。

野望

金華山北（一云南）涪水西。仲冬風日始淒淒。山連越巒蟠三蜀。水散巴渝下五溪。獨鶴不知何事舞。飢鳥似欲向人啼。射洪春酒寒仍綠。目極傷神誰爲攜。

聞官軍收河南河北一云收兩河

劍外忽傳收薊北。初聞涕淚滿衣裳。却看妻子愁何在。漫卷詩書喜欲狂。白日一云首放歌須縱酒。青春作伴好還鄉。卽從巴峽穿巫峽。便下襄陽向洛陽。余田園在東京

涪江泛舟送韋班歸京得山字

追餞同舟日。傷春一云心一水間。飄零爲客久。衰老羨君還。花遠一云雜重重樹。雲輕處處山。天涯故人少。更益一作憶鬢毛斑。

春日梓州登樓二首

行路難如此。登樓望欲迷。身無却少壯。跡有但晉作但有羈栖。江水流城郭。春風入鼓鞀。雙雙新燕子。依舊已銜泥。

天畔登樓眼。隨春一云風入故園。戰場今始定。移晉云侈柳更能存。厭蜀交遊冷。思吳勝事繁。應須理舟楫。長嘯下荆門。

鄭城西原送李判官兄武判官弟赴成都府

憑高送所親。久坐惜芳辰。遠水非無浪。他山自有春。野花隨處發。官一作妖柳著行新。天際傷愁別。離筵何太頻。

泛江送魏十八倉曹還京因寄岑中允參范郎中季

遲日深春一云江水。輕舟送別筵。帝鄉愁緒外。春色淚痕邊。見酒須相憶。將詩莫浪傳。若逢岑與范。爲報各衰年。

送路六侍御入朝

童稚情親四（一云三）十年。中間消息兩茫然。更爲後會知何地。忽漫相逢是別筵。不分（草堂本作憤）桃花紅勝錦。生憎柳絮白於（一作如）綿。劍南春色還無賴。觸忤愁人到酒邊。

泛江送客

二月頻送客。東津江欲平。烟花山際重。舟楫浪前輕。淚逐勸盃下（一作落）愁連吹笛生。離筵不隔日。那得易爲情。

上牛頭寺

青山意不盡。袞袞上牛頭。無復能拘礙。真成浪出遊。花濃春寺靜。竹細野池幽。何處啼鶯切。移時獨未休。

望牛頭寺

牛頭見鶴林。梯逕繞幽深。（一云秀麗）何深（一作流）山外。天河宿（蔡作沒）殿陰。傳燈無白日。布地有黃金。休作狂歌老。迴看不住心。

上兜率寺

兜率知名寺。真如會法堂。江山有巴蜀。棟宇自齊梁。庾信哀雖久。何顓好不忘。白牛車遠近。且欲上慈航。

望兜率寺

樹密當山徑。江深隔寺門。霏霏雲氣重。（一云動）閃閃浪花翻。不復知天大。空餘見佛尊。時應清盥（一云興）罷。隨喜給孤園。

甘園

春日清江岸。千甘二頃園。青雲羞（一作著）葉密。白雪避花繁。結子隨邊使。開筒近至尊。後於桃李熟。終得獻金門。

數陪李梓州泛江有女樂在諸舫戲爲豔曲二首贈李草堂作章諸方輿勝覽作清
上客迴空騎。佳人滿近船。江清歌扇底。野曠舞衣前。玉袖凌風竝。金壺隱浪偏。競將明媚色。偷眼豔陽天。(一云

年)
白日移歌袖。清霄近笛牀。翠眉縈度曲。雲鬢儼分行。立馬千山暮。迴舟一水香。使君自有婦。莫學野鴛鴦。

登牛頭山亭子

路出雙林外。亭窺萬井中。江城孤照日。山(一作春)谷遠含風。兵革身將老。關河信不通。猶殘數行淚。忍對百花

陪李梓州王閬州蘇遂州李果州四使君登惠義寺

春日無人境。虛空不住天。鶯花隨世界。樓閣寄(一作倚)山巔。遲暮身何得。登臨意惘(一云寂)然。誰能解金印。
瀟灑共安禪。(一云三車將五馬若箇合安禪)

送何侍御歸朝李梓州泛舟筵上作

舟楫諸侯餞。車輿使者歸。山花相映發。水鳥自孤飛。春日垂霜鬢。天隅把繡衣。故人從此去。(一云遠)寥落寸心

江亭送眉州辛別駕昇之得燕字

柳影含雲幕。(一云重)江波近酒壺。異方驚會面。終宴惜征途。沙晚低風蝶。天晴喜浴鳧。別離傷老大。意緒日荒

涪城縣香積寺官閣

寺下春江深不流。山腰官閣迴添愁。含風翠壁孤雲細。背日丹楓萬木稠。小院迴廊春(一作清)寂寂。浴鳧飛鷺

晚悠悠。諸天合在藤蘿外。昏黑應須到上頭。

戲題寄上漢中王三首時王在梓州初至斷酒不飲篇有戲述

西漢親王子。成都老客星。百年雙白鬢。一別五秋一作飛。螢忍斷盃中物。祗王作眠看座右銘。不能隨卓蓋。自醉逐浮萍。

策杖時能出。王門異昔遊。已知嗟不起。未許醉相留。蜀酒濃無敵。江魚美可求。終思一酩酊。淨掃雁池頭。

羣盜無歸路。衰顏會遠方。尙憐詩警策。猶記一作憶酒顛狂。魯衛彌尊重。徐陳略喪亡。空餘枚一作故。更在應念早升堂。

陪章留後侍御宴南樓得風字

絕域長夏晚。茲樓清宴同。朝廷燒棧北。鼓角滿一作漏。天東屢食將軍第。一云邸仍騎一云驕御史驄。本無丹竈術。一作訣那免白頭翁。寇盜狂歌外。形骸痛飲中。野雲低渡水。簷雨細隨風。出號江城黑。題詩蠟炬一作燭。紅此身醒復醉。不擬哭途窮。

臺上得涼字

改席臺能迴。留門月復光。雲行一作霄遺暑濕。山谷進風涼。老去一杯足。誰憐屢舞長。何須把官燭。似惱鬢毛蒼。

送王十五判官扶侍還黔中得開字

大家東征逐子迴。風生洲渚錦帆開。青青竹筍迎船出。日日一云白白江魚入饌來。離別不堪無限意。艱危深仗濟時才。黔陽信使應稀少。莫怪頻頻一作頻煩勸酒杯。

倦夜

竹涼侵臥內。野月滿一作徧。延隅重露成涓滴。稀星乍有無。暗飛螢自照。水宿鳥相呼。萬事干戈裏。空悲清夜徂。

悲秋

涼風動萬里。羣盜尙縱橫。家遠傳書日。秋來爲客情。愁窺高鳥過。老逐衆人行。始欲投三峽。何由見兩京。

對雨

莽莽天涯雨。江邊獨立時。不愁巴道路。恐濕漢旌旗。雪嶺防秋急。繩橋戰勝遲。西戎甥舅禮。未敢背恩私。

警急

才名舊楚將。妙略擁兵機。玉壘雖傳檄。松州會解圍。和親知拙計。公主漫無歸。青海今誰得。西戎實飽飛。

王命

漢（一云漢）北豺狼滿。巴西道路難。血埋諸將甲。骨斷使臣（一作君）鞍。牢落新燒棧。蒼茫舊築壇。深懷喻蜀意。

勸哭望王官（一云京巒）

征夫

十室幾人在。千山空自多。路衢唯見哭。城市不聞歌。漂梗無安地。銜枚有荷戈。官軍未通蜀。吾道竟如何。

有感五首

將帥蒙恩澤。兵戈有歲年。至今勞聖主。何以報皇天。白骨新交戰。雲臺舊拓邊。乘槎斷消息。無處覓張騫。

幽薊餘蛇（變作封）豕。乾坤尙虎狼。諸侯春不貢。使者日相望。慎勿吞青海。無勞問越裳。大君先息戰。歸馬華山陽。

洛下舟車入。天中貢賦均。日聞紅粟腐。寒待翠華春。莫取金湯固。長令宇宙新。不過行儉德。盜賊本王臣。丹桂風霜急。青梧日夜凋。由來強幹地。未有不臣朝。受鉞親賢往。卑宮制詔遙。終依古封建。豈獨聽簫韶。盜滅人還亂。兵殘將自疑。登壇名絕假。報主（一云執玉）爾何遲。領郡輒無色。之官皆有詞。願聞哀痛詔。端拱問

瘡痍。

送元二適江左

亂後今相見。秋深復遠行。風塵爲客日。江海送君情。晉室丹陽尹。公孫白帝城。經過自愛惜。取次莫論兵。（元常應孫吳科舉）

章梓州水亭

時漢中王兼道士席謙在會用同荷字韻

城晚通雲霧。亭深到芰荷。吏人橋外少。秋水席邊多。近屬淮王至。高門薊子過。荊州愛山簡。吾醉亦長歌。

翫月呈漢中王

夜深露氣清。江月滿江城。浮（一作游）客轉危坐。歸舟應獨行。關山同一照。（海錄作點）烏鵲自多驚。欲得淮王術。風吹暈已生。

戲作寄上漢中王二首

玉新誕明珠

雲裏不聞雙雁過。掌中貪見一珠新。秋風嫋嫋吹江漢。只在他鄉何處人。謝安舟楫風還起。梁苑池臺雪欲飛。杳杳東山攜漢妓。洽洽修竹待王歸。

投簡梓州幕府兼簡韋十郎官

幕下郎官安穩無。從來不奉一行書。固知貧病人須棄。能使韋郎跡也疎。

登高

風急天高猿嘯哀。渚清沙白鳥飛迴。無邊落木蕭蕭下。不盡長江滾滾來。萬里悲秋常作客。百年多病獨登臺。艱難苦恨繁霜鬢。潦倒新停濁酒盃。

九日

去年登高鄴縣北。今日重在涪江濱。苦遭白髮不相放。羞見黃花無數新。世亂鬱鬱久爲客。路難悠悠常傍人。酒闌却憶十年事。腸斷驪山清路塵。

遣憤

聞道花門將。論功未盡歸。自從收帝里。誰得總戎機。蜂蠶終懷毒。雷霆可振威。莫令鞭血地。再濕漢臣衣。

章梓州一云使君橘亭餞或都寶少尹得涼字

秋日野亭千橘香。玉盃錦席高雲涼。主人送客何所作。音佐行酒賦詩殊未央。衰老應爲難離別。云難爲應離別。賢聲此去有輝光。預傳籍籍新京尹。青史無勞數。一作缺。趙張。

送陵州路使君赴任

王室比荆作此。多難。高官皆武臣。幽燕通使者。岳牧用詞人。國待賢良急。君當拔擢新。佩刀成氣象。行蓋出風塵。戰伐乾坤破。瘡痍府庫貧。衆寮宜潔白。萬役但平均。霄漢瞻佳士。樊作家事。泥途任此身。秋天正搖落。迴首大江濱。

薄暮

江水長流。一云最深。地。山雲薄暮時。寒花隱亂草。宿鳥擇。一云探。深枝。舊國見何日。高秋心苦悲。人生不再好。鬢髮白。一作自。成絲。

西山三首

彝界荒山頂。蕃州積雪邊。築城依。一作連。白帝。轉粟上青天。蜀將分旗鼓。羌兵助。一作動。井泉。一作鎧鉞。西南背和好。殺氣日相纏。

辛苦三城戍。長防萬里秋。烟塵侵火井。雨雪閉松州。風動將軍幕。(一云蓋)天寒使者裘。漫(平聲)山賊營壘。(一云成壁壘)迴首得無憂。

子弟猶深入。關城未解圍。蠶崖鐵馬瘦。灌口米船稀。辯士安邊策。元戎決勝威。今朝烏鵲喜。欲報凱歌歸。

薄遊

浙浙(一云漸漸)風生砌。團團日隱牆。遙(一云滿)空秋雁滅。(一云過)半嶺暮雲長。(一云張)病葉多先墜。寒花只暫香。巴城添淚(一作月)眼。今夜復清光。

贈韋贊善別

扶病送君發。自憐猶不歸。祗應盡客淚。復作掩荆扉。江漢故人少。音書從此稀。往還二十載。歲晚寸心違。

送李卿暉

王子思歸日。長安已亂兵。霑衣問行在。走馬向承明。暮景巴蜀僻。春風江漢清。晉山雖自棄。魏闕尙含情。

絕句

江邊踏青罷。迴首見旌旗。風起春城暮。高樓鼓角悲。

城上荊作空城

草蒲巴西綠。空城山谷作城空。白日長。風吹花片片。春動(一作蕩)水(一云春送雨)茫茫。八駿隨天子。羣臣從武皇。遙聞出巡守。早晚偏遐荒。

舍弟占歸草堂檢校聊示此詩

久客應吾道。相隨獨爾來。孰知江路近。頻爲草堂迴。鵝鴨宜長數。柴荆莫浪開。東林竹影薄。臘月更須栽。

傷春五首以下九十六首居閬州及再至成都作

天下兵雖滿。春光（一作青春）日自濃。西京疲百戰。北闕任羣兇。關塞三千里。烟花一萬重。蒙塵清露急。御宿且

（一作有）誰供。殷復前王道。周邊舊國容。蓬萊足雲氣。應合總從龍。鷺入新年語。花開滿故枝。天青風捲幔。草碧水通池。牢落官軍速。蕭條萬事危。鬢毛元自白。淚點向來垂。不是無兄弟。其如有別離。巴山春色靜。北望轉逶迤。

日月還相鬪。星辰屢合（一作亦屢）圍。不成誅執法。焉得變危機。大角纏兵氣。鉤陳出帝畿。煙塵昏御道。耆舊把天衣。（一二云固無口白馬幾至著青衣）行在諸軍闕。來朝大將稀。賢多隱屠釣。王肯載同歸。

再有朝廷亂。誰知消息真。近傳王在洛。復道使歸秦。奪馬悲公主。登車泣貴嬪。蕭關迷北上。滄海欲東巡。敢料安危體。猶多老大臣。豈無嵇紹血。霑灑屬車塵。

聞說初東幸。孤兒却走多。難分太倉粟。競棄魯陽戈。胡虜登前殿。王公出御河。得無（一作忍爲）中夜舞。誰（一作宜）憶大風歌。春色生烽燧。幽人泣薜蘿。君臣重脩德。猶足見時和。

送梓州李使君之任故陳拾遺射洪人也篇末有云

籍甚黃丞相。能名自穎川。近看徐刺史。還喜得吾賢。五馬何時到。雙魚會早傳。老思筇竹枝。（一二云筇杖拄）冬要錦衾眠。不作臨歧恨。唯聽舉最先。火雲揮汗日。山驛醒心泉。遇害陳公殞。于今蜀道憐。君行射洪縣。爲我一潸然。

王閬州筵奉酬十一舅惜別之作

萬壑樹聲滿。千崖秋氣高。浮舟（一作雲）出郡郭。別酒寄江濤。良會不復久。此生何太勞。窮愁但（一作唯）有骨。羣盜尙如毛。吾舅惜分手。使君寒贈袍。沙頭暮黃鵠。失侶自（一作亦）哀號。

放船

送客蒼溪縣。山寒雨不開。直愁騎馬滑。故作泛舟迴。青惜峯巒過。黃知橘柚來。江流大（作天）自在。坐穩與悠哉。

奉待嚴大夫

殊方又喜故人來。重鎮還須濟世才。常怪偏裨終日待。不知旌節隔年迴。欲辭巴徼啼鸞合。遠下荆門去鷁催。身老時危思會面。一生襟袂一懷。

奉寄高常侍

一云寄高三十五大夫

汶上相逢年頗多。飛騰無那故人何。總戎楚蜀應全末。方駕一云價。曹劉不啻過。今日朝廷須汲黯。中原將帥憶廉頗。天涯春色催遲暮。別淚遙添錦水波。

奉寄章十侍御

時初罷梓州刺史東川留後赴朝廷

淮海維揚一俊人。金章紫綬照青春。指麾能事迴天地。訓練強兵動鬼神。湘西不得歸關羽。河內猶宜借寇恂。朝覲從容問幽仄。勿云江漢有一作老垂綸。

將赴荆南寄別李劍州

使君高義驅今古。寥落三年坐劍州。但見文翁能化俗。一作蜀焉知李廣未封侯。路經澗瀨雙蓬鬢。天入滄浪一釣舟。戎馬相逢更何日。春風迴首仲宣樓。

奉寄別馬巴州

時甫除京兆功曹在東川

勳業終一作真。歸馬伏波功曹非。一云無復漢蕭何。甫曾任華州司功扁舟繫纜沙邊久。南國浮雲水上多。獨把魚竿終遠去。難隨鳥樊作鳥翼一相過。知君未愛春湖色。興在驪駒白玉珂。

泛江

方舟不用楫。極目摠無波。長日容盃酒。深江淨綺羅。亂離還奏樂。飄泊且聽歌。故國流青渭。如今花正多。

陪王使君晦日泛江就黃家亭子二首

愁。山豁何時斷。江平不肯流。稍知花改岸。始驗鳥隨舟。結束多紅粉。歡娛恨白頭。非君愛人客。晦日更添（一作禁）

有。逕金沙軟。無人碧草芳。野畦連蛺蝶。江檻俯鴛鴦。日晚煙花亂。風生錦繡香。不須吹急管。衰老易悲傷。

南征

春岸桃花水。雲帆楓樹林。偷生長避地。適遠更霑襟。老病南征日。君恩北望心。百年歌自苦。未見有知音。

久客

橫。羈旅知交態。淹留見俗情。衰顏聊自哂。小相最相輕。去國哀王粲。傷時哭賈生。狐狸何足道。豺虎正（一作亂）縱

春遠

營。肅肅花絮晚。菲菲紅素輕。日長唯鳥雀。春遠獨柴荆。數有關中亂。何曾劍外清。故鄉（一作園）歸不得。地入亞夫

暮寒

霧隱平郊樹。風含廣岸波。沉沉春色靜。慘慘暮寒多。戍鼓猶長擊。林鶯遂不歌。忽思高宴會。朱袖拂雲和。

雙鷺

旅食驚雙鷺。（一作雙飛鷺）銜泥入此堂。應同避燥濕。且復過（一作遇）炎涼。養子風塵際。來最道路長。今秋天地在。吾亦離殊方。

百舌

百舌來何處。重重祗報春。知音兼衆語。整翮豈多身。花密藏難見。（一云難相見）枝高聽轉新。過時如發口。君側

有說人。

□地隅

江漢山重阻。風雲地一隅。年年非故物。處處是窮途。喪亂秦公子。悲涼（一云秋）楚大夫。平生心已折。行路日荒蕪。

□游子

巴蜀愁誰語。吳門興杳然。九江春草外。三峽暮帆前。厭就成都卜。休爲吏部眠。蓬萊如可到。衰白問羣仙。

□歸夢

道路時通塞。江山日寂寥。偷生唯一老。伐叛已三朝。雨急青楓暮。雲深黑水遙。夢歸歸未得。（一作夢魂歸亦得）不用楚辭招。

□江亭王閬州筵餞蕭遂州

離亭非舊國。春色是他鄉。老畏歌聲斷。（一云短）愁隨（吳作從）舞曲長。二天開（一云悲）龍餞。五馬爛生（一作輝）光。川路風煙接。俱宜（一云看）下鳳皇。

□絕句二首

遲日江山麗。春風花草香。泥融飛鷺子。沙暖睡鴛鴦。
江碧鳥逾白。山青花欲燃。今春看又過。何日得歸年。

□滕王亭子在玉臺觀內王調露年中任閬州刺史

君王臺榭枕巴山。萬丈丹梯尚可攀。春日鸞啼修竹裏。仙家犬吠白雲間。清江錦（一作碧）石傷心麗。嫩藥濃花滿目班。人到于今歌出牧。來遊此地不知還。

玉臺觀滕王造

中天積翠玉臺（一云虛）遙。上帝高居絳節朝。遂有馮夷來擊鼓。始知嬴女善吹簫。江光隱見鼉鼉窟。石勢參差（一云差池）烏鵲橋。更肯（一云有）紅顏生羽翼。（吳作翰）便應黃髮老漁樵。

滕王亭子

寂寞春山路。君王不復行。古牆猶竹色。虛閣自松聲。鳥雀荒村暮。雲霞過客情。尙思歌吹入。千騎把霓旌。

玉臺觀滕王造

浩劫因王造。（一云起）平臺訪古遊。綵雲蕭史駐。文字魯恭留。宮闕通羣帝。乾坤到十洲。人傳有笙鶴。時過此（一云北）山頭。

渡江

春江不可（一作用）渡。二月已風濤。舟楫欹斜疾。（一作甚）魚龍偃臥高。渚花兼（陳作張）素錦。汀草亂青袍。戲問垂綸客。悠悠見（一作是）汝曹。

喜雨

南國旱（一作早）無雨。今朝江出雲。入空纔漠漠。灑迴已紛紛。巢鷺高飛盡。林花潤色分。晚來聲不絕。應得夜深聞。

送韋郎司直歸成都

竄身來蜀地。同病得韋郎。天下干（一作兵）戈滿。江邊歲月長。別筵花欲暮。春日鬢俱蒼。（一云春鬢色俱蒼）爲問南溪竹。（一云筍）抽梢合過牆。（余草堂在成都西郭）

將赴成都草堂途中有作先寄嚴鄭公五首

得歸茅屋赴成都。直（一云真）爲文翁再剖符。但使閭閻還揖讓。敢論松竹久荒蕪。魚知丙穴由來美。酒憶郫筒不用酤。五馬舊曾諳小徑。幾回書札待潛夫。

處處青江帶白蘋。故園猶得見殘春。雪山斥堠無兵馬。錦里逢迎有主人。休怪兒童延俗客。不教鵝鴨惱比隣。習池未覺風流盡。况復荊州賞更新。

竹寒沙碧浣花溪。菱（一作橘）刺藤梢咫尺迷。過客徑須愁出入。居人不自解東西。書籤藥裹封蛛網。野店山橋送馬蹄。豈（一作肯）藉荒庭春草（一作新月）色。先判一飲醉如泥。

常苦沙崩損藥欄。也從江檻落風湍。新松恨不高（一作長）千尺。惡竹應須斬萬竿。生理祇憑黃閣老。衰顏（一作容）欲付（一作赴）紫金丹。三年奔走空皮骨。信有人間行路難。

錦官（一作館）城西生事微。錦官生事城西微。烏皮几在還思歸。昔去爲憂亂兵入。今來已恐隣人非。側身天地更懷古。迴首風塵甘息機。共說總戎雲鳥陣。不妨遊子芰荷衣。

別房太尉墓閬州

他鄉復行役。駐馬別孤墳。近淚無乾土。低空（一云空山）有斷雲。對碁陪謝傅。把劍覓徐君。唯見林花落。鸞啼送客聞。

自閬州領妻子却赴蜀山行三首

汨汨（一作揖揖）又作涘涘音墊。避羣盜悠悠經十年。不成向南國。復作遊西川。物役水虛照。魂傷山寂然。我生無倚着。盡室畏途邊。

長林偃風色。迴復（一云首）意猶迷。衫囊翠微潤。馬銜青草嘶。棧（一云逕）懸斜避石。橋斷却尋溪。何日干（一作兵）戈盡。飄飄愧老妻。

行色遞隱見。人煙時有無。僕夫穿竹語。稚子入雲呼。轉石驚魑魅。捫弓落狢廳。眞供一笑樂。似欲慰窮途。

山館草堂本作移居公安山館

安。南國晝多霧。北風天正寒。路危行木杪。身遠（樊作迴）宿雲端。山鬼吹燈滅。廚人語夜闌。鷄鳴問前館。世亂敢求

行次鹽亭縣聊題四韻奉簡嚴遂州蓬州兩使君諮議諸昆季

夫聽。馬首見鹽亭。高山擁縣青。雲溪花淡淡。（一云漠漠）春郭水泠泠。全蜀多名士。嚴家聚德星。長歌意無極。好爲老

倚杖鹽亭縣作

看花雖郭內。（一云外）倚杖卽溪邊。山縣早休市。江橋春聚船。狎（一云野）鷗輕白浪。（一云日）歸雁喜青（一

陪王漢州留杜綿州泛房公西湖

舊相思。追後春池賞不稀。闕庭分未到。舟楫有光輝。鼓化蓴絲熟。刀鳴鱸縷飛。使君雙卓蓋。灘淺正相依。

舟前小鵝兒漢州城西北角官池作

何。鵝兒黃似酒。對酒愛新鵝。引頸噴船逼。（一作過）無行亂眼多。翅開遭宿雨。力小困滄波。客散層城暮。狐狸奈若

得房公池鵝

房相西池鵝一羣。眠沙泛浦白於（一作如）雲。鳳皇池上應回首。爲報籠隨王右軍。

答楊梓州

悶到房公池水頭。坐逢楊子鎮東州。却向青溪不相見。迴船應載阿戎遊。

登樓

花近高樓傷客心。萬方多難此登臨。錦江春色來（一云水流）天地。玉壘浮雲變古今。北極朝廷終不改。西山寇盜莫相侵。可憐後主還祠廟。日暮聊爲梁甫吟。

春歸

苔逕臨江竹。茅簷覆地花。別來頻甲子。倏忽（一作歸到）又春華。倚杖看孤石。傾壺就淺沙。遠鷗浮水靜。輕鷺受風斜。世路雖多梗。吾生亦有涯。此身（一云且應）醒復醉。乘興卽爲家。

歸鴈

東來萬里客。亂定（一云走）幾年歸。腸斷江城雁。高高正（一作向）北飛。

贈王二十四侍御契四十韻

往往雖相見。飄飄媿此身。不關輕絨冕。俱是避風塵。一別星橋夜。三移斗柄春。敗亡非赤壁。奔走爲黃巾。子（一作爾）去何瀟灑。余藏異隱淪。書成無過鴈。衣故有懸鶉。恐懼行裝數。伶俚臥疾（一作病）頻。曉鷺工迸淚。秋月解傷神。會面嗟鰲黑。含悽話苦辛。接輿還入楚。王粲不歸秦。錦里殘丹竈。花溪得釣綸。消（一作宵）中祇自惜。晚起索誰親。伏柱聞周史。乘槎有漢臣。鴛鴻不易狎。龍虎未宜馴。客則（一云卽）挂冠至。交非傾蓋新。由來意氣合。直取性情真。浪跡同生死。無心恥賤貧。偶然存蔗芋。幸各對松筠。蠶飯依他日。窮愁怪此辰。女長裁褐穩。男大卷書勻。滿口江如練。蠶崖雪似銀。名園當翠嶺。野棹沒青蘋。屢喜王侯宅。時邀（一作逢）江海人。追隨不覺晚。款曲動彌旬。但使芝蘭秀。何煩（一作須）棟宇隣。山陽無俗物。鄭驛正留賓。出入竝鞍馬。光輝參（一作忝）席珍。重遊先主廟。更歷少城園。石鏡通幽魄。琴臺隱絳唇。送終惟糞土。結愛獨荆榛。置酒高林下。觀碁積水濱。區區甘累跼。稍稍息勞筋。網聚

粘圓。絲繁。素細。專長（一云概）歌敲柳瘦。小睡凭藤輪。農月須知課。田家敢忘勤。浮生難去食。良會惜清晨。列國兵戈暗。今王德教淳。要聞除瘼楡。休作畫麒麟。洗眼看輕薄。虛懷任屈伸。莫令膠漆地。萬古重雷陳。

寄董卿嘉榮十韻

聞道君牙帳。防秋近赤霄。下臨千雪嶺（一作千仞雪）却背五繩橋。海內久戎服。京師今晏朝。犬羊曾爛熳。宮闕尚蕭條。猛將宜嘗膽。龍泉必在腰。黃圖遭污辱。月窟可焚燒。會取干戈利。無令斥候驕。居然雙捕虜。自是一嫖姚。落日思尋騎。高（一作秋）天憶射雕。雲臺畫形像。皆爲掃氛妖。

寄司馬山人十二韻

關內昔分袂。天邊今轉蓬。驅馳不可說。談笑偶然同。道術曾留意。先生早擊蒙。家家迎薊子。處處識壺公。長嘯峨嵋北。潛行玉壘東。有時騎猛虎。虛室使仙童。髮少何勞白。顏衰肯更紅。望雲悲轆轤。畢景羨冲融。喪亂形仍役。淒涼信不通。縣旌要路口。倚劍短亭中。永作殊方客。殘生一老翁。相哀骨可換。亦遣馭清風。

寄李十四員外布十二韻

新除司議郎兼萬州別駕雖尙伏枕已聞理裝

名參漢望苑。職述景題輿。巫峽將之郡。荆門好附書。遠行無自苦。內熱比何如。正是炎天闊。那堪野館疎。黃牛平駕浪。畫鶴上凌虛。試待盤渦歇。方期解纜初。悶能過小徑。自（一作日）爲摘嘉蔬。渚柳元幽僻。村花不掃除。宿陰繁素奈。過雨亂紅蕖。寂寂夏先晚。泠泠風有餘。江清心可瑩。竹冷髮堪（一云宜）梳。直作移巾几。秋帆發敝廬。

歸來

客裏有所過（一作適）歸來知路難。開門野鼠走。散帙壁魚乾。洗杓開新醞。低頭拭小盤（一云著小冠）憑誰給麪。麩細酌老江干。

王錄事許修草堂費不到聊小詒

爲嘖王錄事。不寄草堂贊。昨屬愁春雨。能忘欲漏時。

寄邛州崔錄事

邛州崔錄事。聞在果園坊。坊名在成都。久待無消息。終朝有底忙。應愁江樹遠。怯見野亭荒。浩蕩風塵一作煙外。誰知酒熟香。

過故斛斯校書莊二首老儒艱難時病於庸蜀歎其沒後方授一官○英華注云公名顯

此老已云沒。鄰人嗟亦休。一云歎未休。竟無宣室召。徒有茂陵求。妻子寄他食。園林非昔遊。空堂總帷在。浙浙野風秋。

鷺入非傍舍。鷗歸祗故池。斷橋無復板。臥柳自生枝。遂有山陽作。多慚鮑叔知。素交零落盡。白首淚雙垂。

立秋雨院中有作

山雲行絕塞。大火復西流。飛雨動華屋。蕭蕭棟棟秋。窮途愧知己。暮齒借前籌。已費清晨謁。那成長者謀。解衣開北戶。高枕對南樓。樹溼風涼進。江喧水氣浮。禮寬心有適。節爽病微瘳。主將歸調鼎。吾還訪舊邱。

軍城早秋

嚴武

昨夜秋風入漢關。朔雲邊雪一作月滿西山。更催飛將追驕虜。莫遣一作放沙場匹馬還。

奉和

秋風嫋嫋動高旌。玉帳分弓射虜營。已收滴博雲間戍。更奪胡三省作次取蓬婆雪外城。

院中晚晴懷西郭茅舍

幕府秋風日夜清。澹雲疎雨過高城。葉心朱實看一作堪時落。階面青苔先生復。有樓臺銜暮景。不勞鐘鼓報新晴。浣花溪裏花饒笑。肯信吾兼一作今吏隱名。

到村

碧澗雖多雨。秋沙先（去聲陳作亦）少泥。蛟龍引子過。荷芰逐花低。老去參戎幕。歸來散馬蹄。稻粱須就列。榛草即相迷。蓄積思江漢。疎頑（吳作頑疎）惑（一作感）町畦。稍（吳作暫）酬知己分。還入故林栖。

宿府

清秋幕府井梧（一作桐）寒。獨宿江城蠟炬（一作燭）殘。永夜角聲悲自語。中天月色好誰看。風塵荏苒音書絕。關塞蕭條行路難。已忍伶俜十年事。強移栖息一枝安。

遣悶奉呈嚴吳本有鄭字公二十韻

白水魚竿客。清秋鶴髮翁。胡爲來（一作居）幕下。祗合在舟中。黃卷真如律。青袍也（一音夜）自公。老妻憂坐痹。幼女問頭風。平地專欹倒。分曹失異同。禮甘衰力就。義忝上官通。疇昔論詩早。光輝仗鉞雄。寬容存性拙。翦拂念途窮。露裊思藤架。煙霏想桂叢。信然龜觴網。直作鳥窺籠。西嶺紆村北。南江遶舍東。竹皮寒舊翠。椒實雨新紅。浪簸船應坼。杯乾甕即空。藩籬生野徑。斤斧任樵童。束縛酬知己。蹉跎効小忠。周防期稍稍。太簡遂忽忽。曉入朱扉啓。昏歸畫角終。不成尋別業。未敢息微躬。烏鵲愁銀漢。鶯鶯怕錦幃。會希全物色。時放倚梧桐。

送舍弟頻草堂本作穎赴齊州三首

岷嶺南蠻北。徐關東海西。此行何日到。送汝萬行啼。絕域惟高枕。清風獨杖藜。危時暫相見。衰白意都迷。風塵暗不開。汝去幾時來。兄弟分離苦。形容老病催。江通一柱觀。日落望鄉臺。客意長東北。齊州安在哉。諸姑今海畔。兩弟亦山東。去傍干戈覓。來看道路通。短衣防戰地。匹馬逐秋風。莫作俱流落。長瞻碣石鴻。

嚴鄭公塔下新松得霑字

弱質豈自負。移根方爾瞻。細聲聞（一作侵）玉帳。疎翠近珠簾。未見紫煙集。虛蒙青露霑。何當一百丈。欲蓋擁高

簷。

嚴鄭公宅同詠竹得香字

綠竹半含籜。新梢纔出牆。色侵書帙晚。陰過酒樽涼。雨洗娟娟淨。風吹細細香。但令無翦伐。會見拂雲長。

奉觀嚴鄭公廳事岷山沱江畫圖十韻得忘字

沱水流（一作臨）中座。岷山到（一作對）此（一作北）堂。白波吹（一作侵）粉壁。青嶂插雕梁。直訝杉松冷。兼疑菱荇香。雪雲虛點綴。沙草得微茫。嶺雁隨毫末。川蜺飲練光。霏紅洲藥亂。拂黛石蘿長。暗谷（一作谷暗）非關雨。丹楓（一作楓丹）不爲霜。秋成（一作作城）元圃外。景物洞庭旁。繪事功殊絕。幽襟興激昂。從來謝太傅。邱壑道難忘。

晚秋陪嚴鄭公摩訶池泛舟得溪字

湍駛風醒酒。船迴（一作行）霧起隄。高城秋自落。雜樹晚相迷。坐觸鴛鴦起。巢傾翡翠低。莫須驚白鷺。爲伴宿青溪。

初冬

垂老戎衣窄。歸休寒色（一云氣）深。漁舟上急水。獵火著高林。日有習池醉。愁來梁甫吟。干戈未偃息。出處遂何心。

至後

冬至至後日初長。遠在劍南思洛陽。青袍白馬有何意。金谷銅駝非故鄉。梅花欲開不自覺。棣萼一別永相望。愁極本憑詩遣興。詩成吟詠轉淒涼。

正月三日歸溪上有作簡院內諸公

野外堂依竹。籬邊水向城。蟻浮仍臘味。鷗泛已春聲。藥許隣人齎。書從稚子擎。白頭趨幕府。深覺負平生。

敝廬遺興奉寄嚴公

野水平橋路。春沙映竹村。風輕粉蝶喜。花暖蜜蜂喧。把酒且一作宜深酌。題詩好細論。府中瞻暇日。江上憶詞源。源。跡忝一作寄朝廷舊。情依節制尊。還思長者轍。恐避席爲門。

春日江村五首

農務村村急。春流岸岸深。乾坤萬里眼。時序百年心。茅屋還堪賦。桃源自可尋。艱難賤一作淺陳作味。生理飄泊到如今。

迢遞來三蜀。蹉跎有一作又六年。客身逢故舊。發興自林泉。過懶從衣結。頻遊任履穿。藩籬無限景。陳川本並作頗無限。恣意買一作向江天。

種竹交加翠。栽桃爛熳紅。經心石鏡月。到面雪山風。赤管隨王命。銀章付老翁。豈知牙齒落。名玷薦賢中。扶病垂朱紱。歸休步紫苔。郊扉存一作在晚計。幕府媿羣材。燕外晴絲卷。鷗邊水葉開。錦家送魚鼈。問我數能來。羣盜哀王粲。中年召賈生。登樓初有作。前席竟爲榮。宅入先賢傳。才高處士名。異時懷二子。春日復含情。

絕句六首

日出籬東水。雲生舍北泥。竹高鳴翡翠。沙僻舞鸚鵡。一作鷓鴣鷄。
藹藹花蘂亂。飛飛蜂蝶多。幽棲身懶動。客至欲如何。
鑿井交樓葉。吳若本注交樓若井綆也。開渠斷竹根。扁舟輕裊纜。小逕曲通村。
急雨梢溪足。斜暉轉樹腰。隔雲黃鳥竝。翻藻白魚跳。
舍下笱穿壁。庭中藤刺一作到簷。地晴絲冉冉。江白草纖纖。
江動月移石。溪虛雲傍花。鳥棲知故道。帆過宿誰家。

絕句四首

堂西長筍別開門。塹北行椒却背村。梅熟許同朱老喫。松高擬對阮生論。（朱阮劍外相知）
欲作魚梁雲復（一作覆）湍。因驚四月雨聲寒。青溪先有蛟龍窟。竹石如山不敢安。

兩箇黃鸝鳴翠柳。一行白鷺上青天。窗含西嶺千秋雪。門泊東吳萬里船。（西山白雪四時不消）
藥條藥（一作棗）甲潤青青。色過棕亭入草亭。苗滿空山慚取譽。根居隙地怯成形。

哭嚴僕射歸觀以下一百十九首行過夷渝州居雲安夔州作

素幔隨流水。歸舟返舊京。老親如宿昔。部曲異平生。風送（一作逆）蛟龍雨。（一作匣）天長驃騎營。一哀三峽暮。
遣後見君情。

宴戎州楊使君東樓

勝絕驚身老。情忘發興奇。座從歌妓密。樂任主人爲。重碧拈（一作酌）一作擎一作拓。春（一作筒）酒輕紅擘荔
枝。樓高欲愁思。橫笛未休吹。

渝州候嚴六侍御不到先下峽

聞道乘驄發。沙邊待至今。不知雲雨散。虛費短長吟。山帶烏蠻闕。江連白帝深。船經一柱觀。留眼（一作滯）共登
臨。

撥悶一云贈嚴二別駕

聞道雲安麴米春。纔傾一盞卽醺人。乘舟取醉非難事。下峽消愁定幾巡。長年三老遙憐汝。振袖開頭（一作鳴
鏡）捷有神。已辦青錢防雇直。當令美味入吾唇。

聞高常侍亡忠州作

歸朝不相見。蜀使忽傳亡。虛歷金華省。何殊地下郎。致君丹檻折。哭友白雲長。獨步詩名在。祗令故舊傷。

□ 宴忠州使君姪宅

出守吾家姪。殊方此日歡。自須遊阮巷。(一作舍)不是怕湖。(一作溪)灘。樂助長歌逸。(一作送)杯。(一作林)饒旅思寬。昔曾如意舞。牽率強爲看。

□ 禹廟

禹廟空山裏。秋風落日斜。荒庭垂橘柚。古屋畫龍蛇。雲氣生虛壁。(一云嘘清壁)江聲走白沙。早知乘四載。疏鑿(一云流落)控三巴。

□ 題忠州龍興寺所居院壁

忠州三峽內。井邑聚雲根。小市常爭米。孤城早閉門。空。(一作豈)看過客淚。莫覓主人恩。淹泊仍愁虎。深居賴獨園。

□ 旅夜書懷

細草微風岸。危檣獨夜舟。星垂平野闊。月湧大江流。名豈文章著。官應老病休。飄飄。(一作零)何所似。天地(一作外)一沙鷗。(星垂俗本多作星隨)

□ 別常徵君

兒扶猶杖策。臥病一秋強。白髮少新洗。寒衣寬總長。故人憂見及。此別淚相忘。各逐萍流轉。來書細作行。

□ 十二月一日三首

今朝臘月春意動。雲安縣前江可憐。一聲何處送書雁。百丈誰家上水。(一作瀨)船。未將梅藥觀愁眼。要。(一作更)取楸。(一作椒)花媚遠天。明光起草人所羨。肺病幾時朝日邊。

寒輕市上山烟碧。日滿樓前江霧黃。負鹽出井此谿女。打鼓發船何郡郎。新亭舉目風景切。茂陵著書消渴長。春花不愁不爛熳。楚客唯聽棹相將。

卽看鷺子入山扉。豈有黃鸝歷翠微。短短桃花臨水岸。輕輕柳絮點人衣。春來準擬開懷久。老去親知見面稀。他日一盃難強進。重嗟筋力故山違。

又雪

南雪不到地。青崖露未消。微微向如薄。脈脈去人遙。冬熱鴛鴦病。峽深豺虎驕。愁邊有江水。焉得北之朝。

奉漢中王手札

國有乾坤大。王今叔父尊。剖符來蜀道。歸蓋取荆門。峽險通舟過。江長注海奔。主人留上客。避暑得名園。前後絨書報。分明饌玉恩。天雲浮絕壁。風竹在華軒。已覺良宵永。何看駭浪翻。入期朱邸雪。朝傍紫微垣。枚乘文章老。河間禮樂存。悲秋宋玉宅。失路武陵源。淹薄俱崖口。東西異石根。夸音迷咫尺。鬼物傍。昏。犬馬誠爲戀。狐狸不足論。從容草奏罷。宿昔奉清鱗。

贈崔十三評事公輔

飄飄（吳作飄）西極馬。來自渥洼池。颯颯定（一作寒一作鄧）山桂。低徊風雨枝。我聞龍正直。道屈爾何爲。且有元戎命。悲歌識者誰。（吳作知）官聯辭冗長。行路洗欷危。脫劍主人贈。去帆春色隨。陰沉鐵鳳闕。教練羽林兒。天子朝侵早。雲臺仗數移。分軍應供給。百姓日支離。黠吏因封已。公才或守雌。燕王買（一作賈）駿骨。涓老得熊羆。活國名公在。拜壇羣寇疑。冰壺動搖碧。野水失蛟螭。入幕諸彥集。渴賢高選宜。騫騰坐可致。九萬起於斯。復進出矛戟。昭然開鼎彝。會看之子貴。歎及老夫衰。豈但江會決。還思霧一披。暗塵生古鏡。拂匣照西施。舅氏多人物。無慚困翮垂。

長江二首

衆水會滄萬。瞿塘爭一門。朝宗人共挹。盜賊爾誰尊。孤石隱如馬。高蘿垂飲猿。歸心異波浪。何事卽飛翻。浩浩終不息。乃知東極臨。一作深。衆流歸海意。萬國奉君心。色借瀟湘闊。聲馳灑澗深。荆作沈。未辭添霧雨。接上遇。一作過。衣襟。

承聞故房相公靈輶自閩州啓殯歸葬東都有作二首

遠聞房太守。一作尉。歸葬陸渾山。一德與王後。孤魂久客間。孔明多故事。安石竟崇班。他日嘉陵涕。仍霑楚水還。

丹旆飛飛日。初傳發閩州。風塵終不解。江漢忽同流。劍動新趙云善本作親。身匣書歸故國樓。盡哀知有處。爲客恐長休。

雲安九日鄭十八攜酒陪諸公宴

寒花開已盡。菊藥獨盈枝。舊摘人頻異。輕香酒暫隨。地偏初衣袂。山擁更登危。萬國皆戎馬。酣歌淚欲垂。

答鄭十七郎一絕

雨後過畦潤。花殘步履遲。把文驚小陸。好客見當時。

將曉二首

石城除擊柝。鐵鎖欲開關。鼓角悲荒塞。星河落曙山。巴人常小梗。蜀使動無還。垂老孤帆色。飄飄犯百一作白。登。

軍吏回官燭。舟人自楚歌。寒沙蒙薄霧。落月去清波。壯惜身名晚。衰慚應接多。歸朝日簪笏。筋力定如何。

懷錦水居止二首

軍旅西征僻。風塵戰伐多。猶一作獨。聞蜀父老。不忘舜謳歌。天險終難立。柴門豈重過。朝朝巫峽水。遠逗錦江

波。
萬里橋南（當作西）宅。百花潭北莊。層軒皆面水。老樹飽經霜。雪嶺界天白。錦城曠日黃。惜哉形勝地。回首一茫

□子規

峽裏雲安縣。江樓翼瓦齊。兩邊山木合。終日子規啼。眇眇春風見。蕭蕭夜色淒。客愁那聽此。故作傍人低。（一作故傍旅人低）

□立春

春日春盤細生菜。忽憶兩京梅發時。盤出高門行白玉。菜傳纖手送青絲。巫峽寒江那對眼。杜陵遠客不勝悲。此身未知歸定處。呼兒覓紙一題詩。

□漫成一絕

江月去人只數尺。風燈照夜欲三更。沙頭宿鷺聯拳靜。（一作起）船尾跳魚撥（一作跋）刺鳴。

□老病

老病巫山裏。稽留楚客中。藥殘他日裏。花發去年叢。夜足露沙雨。春多逆水風。合分雙賜筆。猶作一飄蓬。

□南楚

南楚青春異。暄寒早。早分。無名江上草。隨意嶺頭雲。正月蜂相見。非時鳥共聞。杖藜妨躍馬。不是故離羣。

□寄常徵君

白水青山空復春。徵君晚節傍風塵。楚妃堂上色殊衆。海鶴堤前鳴向人。萬事糾紛猶絕粒。一官羈絆實藏身。開州入夏知涼冷。不似雲安毒熱新。

寄岑嘉州州據蜀江外

不見故人十年餘。不道故人無素書。願逢顏色關塞遠。豈意出守江城居。外江三峽且相接。斗酒新詩終日一作。疎謝朓每篇堪諷誦。馮唐已老聽吹噓。泊船秋夜經春草。伏枕青楓限玉除。眼前所寄選何物。贈子雲安雙鯉魚。

移居夔州郭

伏枕雲安縣。遷居白帝城。春知催柳別。江與一作已放船清。農事聞人說。山光見鳥情。禹功饒斷石。且就土微平。

船下夔州郭宿雨濕不得上岸別王十二判官

依沙宿舸舫。石瀨月娟娟。風起春燈亂。江鳴夜雨懸。晨鐘雲外晉作岸溼。勝地石堂烟。柔櫓輕鷗外。含悽覺汝賢。

雨不絕

鳴雨既過漸細晉作細雨。微映空搖颺如絲飛。塔前短草泥不亂。院裏長條風乍稀。舞石旋應將乳子。行雲莫自溼仙衣。眼邊江舸何忽促。未待晉作得安流逆浪歸。

崔評事弟許相迎不到應慮老夫見泥雨怯出必愆佳期走筆戲簡

江閣要賓許馬迎。午時起坐自天明。浮雲不負青春色。細雨何孤白帝城。身過花間露溼好。醉於馬上往來輕。虛疑皓首衝泥怯。實少銀鞍傍險行。

宿江邊閣

暝色延山逕。高齋次水門。薄巖雲際宿。孤月浪中翻。鸛鶴追飛靜。一作盡豺狼得食喧。不眠憂戰伐。無力正乾

坤。

夜宿西閣曉呈元二十一曹長

城暗更籌急。樓高雨雪微。稍通綃幕霧。遠帶玉繩稀。門鵲晨光起。牆（一作喜）（一作橋）烏宿處飛。寒江流甚細。有意待人歸。

西閣口號呈元二十一

山木抱雲稠。寒江饒上頭。雪崖纔變石。風幔不依樓。社稷堪流涕。安危在運籌。看君話王室。感動幾銷憂。

西閣雨望

樓雨霑雲幔。山寒（一作高）著水城。逕添沙面出。湍減石稜生。菊蘂淒疎放。松林駐遠情。滂沱朱檻溼。萬（一作方）慮傍（一作倚）簷楹。

不離西閣二首

江柳非時發。江花冷色頻。地偏應有瘴。臘近已含春。失學從愚子。無家住（一作任）老身。不知西閣意。肯別定留（一作何）人。

西閣從人別。人今亦故亭。江雲飄素練（一作葉）石壁斷（一作斬）空青。滄海先迎日。銀河倒列星。平生耽勝事。吁駭始初經。

西閣三度期大昌嚴明府同宿不到

問子能來宿。今疑索故要。匣琴虛夜夜。手板自朝朝。金吼霜鐘徹。花催臘（一作蠟）炬銷。早臆江檻底。雙影漫飄飄。

西閣二首

巫山小搖落。碧色見松林。百鳥各相命。孤雲無一作非。自心層軒俯江壁。要路亦高深。朱紱猶紗帽。新詩近玉琴。功名不早立。衰病一作疾。調知音。哀世非一作無。王粲終然一作朝。學越吟。懶心似江水。日夜向滄洲。不道含香賤。其如鑷白休。經過調一作凋。碧柳蕭索一作瑟。倚朱樓。畢娶何時竟。消中得自由。豪一作榮。華看古往。服食寄冥搜。詩盡人間興。兼須入海求。

□ 閣夜

歲暮陰陽催短景。天涯霜雪霽寒宵。五更鼓角聲悲壯。二峽星河影動搖。野哭幾晉作千。家聞戰伐。夷歌數晉作是。處起漁樵。臥龍躍馬終黃土。人事依依漫一作音塵日。作音書頗。寂寥。

□ 西閣夜

恍惚寒山暮。逶迤白霧昏。山虛風落石。樓靜月侵門。擊柝可憐子。無衣何處村。時危關百慮。盜賊爾猶存。

□ 瀼西寒望

水色含羣動。朝光切太虛。年侵一作終。頻悵望。興遠一蕭疎。猿挂時相學。鷗行炯自如。瞿塘春欲至。定卜瀼西居。

□ 入宅三首赤甲白鹽二山

奔峭背赤甲。斷崖當白鹽。客居愧遷次。春酒漸多添。花亞欲移竹。鳥窺新捲簾。衰年不敢恨。勝概欲相兼。亂後居難定。春歸客未還。水生魚復音腹。浦雲暖麝香山。半樊作殆。頂梳頭白。過眉拄杖斑。相看多使者。一問函關。

宋玉歸州宅。雲通白帝城。吾人淹老病。旅食豈才名。峽口風常急。江流氣不平。只應與兒子。飄轉任浮生。

□ 赤甲

卜居赤甲遷居新。兩見巫山楚水春。炙背可以獻天子。美芹由來知野人。荊州鄭薛寄書近。蜀客欵岑非我鄰。笑

接郎中評事飲。病從深酌道吾真。

卜居

歸羨遼東鶴。吟同楚執珪。未成遊碧海。著處覓丹梯。雲障（陳作嶂）寬江左（一云北）。春耕破濃西。桃紅客若至。定似昔（一作晉）人迷。

暮春題灑西新賃草屋五首

久嗟三峽客。再與暮春期。百舌欲無語。繁花能幾時。谷虛雲氣薄。波亂日華遲。戰伐何由定。哀傷不在茲。此邦千樹橘。不見比封君。養拙干戈際。全生麋鹿羣。畏人江北草。旅食灑西雲。萬里巴渝曲。三年實飽聞。緜雲陰復白。錦樹曉（晉作晚）來青。身世雙蓬鬢。乾坤一草亭。哀歌時自短。醉舞爲誰醒。細雨荷鋤立。江猿吟翠屏。

壯年（晉作志）學書劍。他日委泥沙。事主非無祿。浮生卽有涯。高齋依藥餌。絕域改春華。喪亂丹心破。王臣未一家。

欲陳濟世策。已老尙書郎。未息豺虎鬪。空慚鴛鴦行。時危人事急（晉作惡）。風逆（晉作急）。羽毛傷。落日悲江漢。中宵淚滿床。

園

仲夏流多水。清晨向小園。碧溪搖艇閣。朱果爛枝繁。始爲江山靜。終防古井噴。畦疏繞茅屋。自足媚盤飧。

豎子至

櫛梨且（一作纔）綴碧。梅杏半傳黃。小子幽園至。輕籠熟奈香。山風猶滿把。野露及新嘗。欲寄（一作欵枕）江湖客。提攜日月長。

□示獠奴阿段

山木蒼蒼落日曛。竹竿裊裊細泉分。郡人入夜爭餘瀝。豎（一作稚）子尋源獨不聞。病渴三更迴白首。傳聲一注溼青雲。曾驚陶侃胡奴異。怪爾常穿虎豹羣。

□秋野五首

秋野日疏（一作荒）蕪。寒江動碧虛。繫舟蠻井絡（一作路）。卜宅楚村墟。棗熟從（一作行）人打。葵荒欲自（一作且）鋤。盤飧老夫食。分減及溪（一作樵）魚。

易識浮生理。難教一物違。水深魚極樂。林茂鳥知歸。吾老甘貧病。榮華有是非。秋風吹几杖。不厭此（一作北）山薇。

禮樂攻吾短。山林引興長。掉頭紗帽仄。曝背竹書光。風落收松子。天寒割密房。稀疎小紅翠。駐屐近微香。遠岸秋沙白。連山晚照紅。潛鱗輸駭浪。歸翼會高風。砧響家家發。樵聲箇箇同。飛霜任青女。賜被（一作南宮）身許麒麟畫。年衰鴛鴦羣。大江秋易盛。空峽夜多聞。逕隱千重石。帆留一片雲。兒童解蠻語。不必作參軍。

□溪上

峽內淹留客。溪邊四五家。古苔生迤（一作溼又作窄）地。秋竹隱疎花。寒俗人無井。山田飯有沙。西江使船至。時復問京華。

□樹間

岑寂雙甘樹。婆娑一院香。交柯低几杖。垂實礙衣裳。滿歲如松碧。同時待菊黃。幾迴霑葉（一作落）露。乘月坐胡床。

□課小豎鉏斫舍北果林枝蔓荒穢淨訖移床二首（一云秋日閑居三首）

病枕依茅棟。荒鉏淨果林。背堂資僻遠。在野興清深。山雉防求敵。江猿應獨吟。洩雲高不去。隱几亦無心。衆壑生寒早。辰林卷霧齊。青蟲懸就日。朱果落封泥。薄俗防人。一作狸。面全身學馬蹄。吟詩坐。一作重。迴首。隨意葛巾低。

籬弱門何向。沙虛岸只。一作自。摧。日斜魚更食。客散鳥還來。寒水光難定。秋山響易哀。天涯稍曛黑。倚杖更。一作獨。徘徊。

寒雨朝行視園樹

柴門雜樹向千株。丹橘黃甘此地無。江上今朝寒雨歇。籬中秀。一作邊新。色畫屏。紆。桃溪李逕年雖故。一作古。梔子紅椒豔復殊。鑲石藤梢元自落。倚。刊作到。天松骨見來枯。林香出實垂將盡。葉蒂辭。一作離。枝不重。蘇。愛日恩光蒙借貸。清霜殺氣得憂虞。衰顏更。一作動。覓藜床坐。緩步仍須竹杖扶。散騎未知雲閣處。啼猿僻在楚山隅。

季秋江村

喬木村墟古。疎籬野蔓懸。清。一作素。琴將暇日。白首望霜天。登俎黃甘重。支床錦石圓。遠遊雖寂寞。難見此山川。

小園

由來巫峽水。本自楚人家。客病留因藥。春深買爲花。秋庭風落果。灑岸雨頽沙。問俗營寒事。將詩待物華。

自灑西荆扉且移居東屯茅屋四首

白鹽危嶠北。赤甲古城東。平地一川穩。高山四面同。烟霜淒野日。秔稻熟天風。人事傷蓬轉。吾將守桂叢。東屯復灑西。一種住青溪。來往皆。陳作兼。茅屋淹留爲稻畦。市喧宜近利。西居近市。林僻此無蹊。若訪衰翁。

語。須令賸客迷。

道北馮都使。高齋見一川。子能渠細石。吾亦沼清泉。枕帶（一作席）還相似。柴荆卽有焉。斫畚應費日。解纜不知年。

牢落西江外。參差北戶間。久遊巴子國。（吳作宅）臥病楚人山。幽獨移佳境。清深隔遠關。寒空見鷺鷥。迴首憶（晉作想）朝班。

□ 茅堂檢校收稻二首

香稻二秋末。平田百頃間。喜無多屋宇。幸不礙雲山。御袂侵寒氣。嘗新破旅顏。紅鮮終日有。玉粒未吾慳。稻米炊能白。秋葵煮復新。誰云滑易飽。老藉軟俱勻。種幸房州熟。苗同伊闕春。無勞映渠盃。自有色如銀。

□ 東屯月夜

抱疾漂洋老。防邊舊穀屯。春農親異俗。歲月在衡門。青女霜楓重。黃牛峽水喧。泥留虎鬪跡。月挂客愁村。喬木澄稀影。輕雲倚細根。數驚聞雀噪。暫睡想猿蹲。日轉東方白。風來北斗昏。天寒不成寢。無夢寄（一作有）歸魂。

□ 東屯北疇

盜賊浮生困。誅求異俗貧。空村惟見鳥。落日未（一作不）逢人。步壑風吹面。看松露滴身。遠山迴白首。戰地有黃塵。

□ 從驛次草堂復至東屯二首一本東屯下有茅屋二字

峽（陳作山）內（一作裏）歸田客。（一作舍）江邊借馬騎。非尋戴安道。似向習家池。峽險風烟僻（陳作台）天寒橘柚垂。築場看斂積。一學楚人爲。

短景難高臥。衰年強此身。山家蒸粟暖。野飯射麋新。世路知交薄。門庭畏客頻。牧童斯（一作須）在眼。田父實爲

□ 暫住白帝復還東屯

復作歸田去。猶殘穫稻功。築場憐穴蟻。拾穗許村童。落杵光禪白。除（一作殊）芒子粒紅。加飧可扶老。倉庾（一作廩）慰飄蓬。

□ 刈稻了詠懷

稻穫空雲水。川平對石門。寒風疎落（荆作草）木。旭日散雞豚。野哭初聞戰。樵歌稍出村。無家問消息。作客信乾坤。

□ 上白帝城

城峻隨天壁。樓高更（一作望）女牆。江流思夏后。風至憶襄王。老去聞悲角。人扶報夕陽。公孫初恃險。躍馬意何長。

□ 上白帝城二首

江城含變態。一上一回新。天欲今朝雨。山歸萬古春。英雄餘事業。衰邁久風塵。取醉他鄉客。相逢故國人。兵戈猶擁蜀。賦斂強（一作尙）輸秦。不是煩形勝。深慚（一作愁）畏損神。

白帝空祠廟。孤雲自往來。江山城宛轉。棟宇客徘徊。勇略今何在。當年亦壯哉。後人將酒肉。虛殿日塵埃。谷鳥鳴還過。林花落又開。多慚病無力。騎馬入青苔。

□ 武侯廟

遺廟丹青落（一作古）空山草木長。猶聞辭後主。不復臥南陽。

□ 八陣圖

功蓋三分國。名成八陣圖。江流石不轉。遺恨失吞吳。

□ 謁先主廟

慘澹風雲會。乘時各有人。力侔分社稷。志屈偃經綸。復漢留長策。中原仗老臣。雜耕心未已。歐(於口切嘔同)血事酸辛。霸氣西南歇。雄圖歷數屯。錦江元過楚。劍閣復通秦。舊俗存祠廟。空山立(一作泣)鬼神。虛簷交(一作扶)鳥道。枯木半龍鱗。竹送清(樊作青)溪月。苔移玉座春。閭閻兒女換。歌舞歲時新。絕域歸舟遠。荒城繫馬頻。如何對搖落。况乃久風塵。孰(荆作勢)與關張並。功臨耿鄧親。應(一作繼)天才不小。得士(晉作士)契無鄰。遲暮堪帷幄。飄零且釣緡。向來憂國淚。寂寞洒衣巾。

□ 白鹽山

卓立羣峯外。蟠根積水邊。他皆任厚地。爾(一作我)獨近高天。白榜千家邑。清秋萬估(一作里)船。詞人取佳句。刻畫竟誰傳。(英華作刷練始堪傳)

□ 灩澦堆

巨積(陳作石)水中央。江寒出水長。沈牛答雲雨。如馬戒舟航。天意存傾覆。神功接混茫。干戈連解纜。行止憶垂堂。

□ 灩澦

灩澦既沒孤根深。西來水多愁太陰。江天漠漠鳥雙去。風雨時時龍一吟。舟人漁子歌迴首。估客胡商淚滿襟。寄語舟航惡年少。休翻灩澦井橫(一云模又作擲)黃金。

□ 白帝

白帝城中雲出門。(一作城頭雲若屯)白帝城下雨翻盆。高江急峽雷霆鬪。翠(一作古)木蒼藤日月昏。戎(一

作去)馬不如歸馬逸。千家今有百(一作十)家存。哀哀寡婦誅求盡。慟哭秋原何處村。

□白帝城樓

江度寒山閣。城高絕塞樓。翠屏宜晚對。白谷會深遊。急急能鳴雁。輕輕不下鷗。犇陵春色起。漸擬放扁舟。

□曉望白帝城鹽山

徐步移斑杖。看山仰白頭。翠深開斷壁。紅(一作江)遠結飛樓。日出清(一作寒)江望。暄和散旅愁。春城見松雪。始擬進歸舟。

□白帝城最高樓

城尖徑昃(一作翼)旌旆愁。獨立縹緲之飛樓。峽坼雲霾龍虎臥(吳作睡)江清日抱鼉鼉遊。扶桑西枝對(一作封)斷石。弱水東影隨長流。杖藜歎世者誰子。泣血迸空迴白頭。

□白帝樓

漠漠虛無裏。連連睥睨侵。樓光去日遠。峽影入江深。臘破思端綺。春歸待一金。去年梅柳意。還欲攪邊心。

□陪諸公上白帝城吳有頭字宴越公堂之作

此堂存古製。城上俯江郊。落構垂雲雨。荒塔蔓草茅。柱穿蜂溜蜜。棧缺燕添巢。坐接春盃氣。心傷豔藥梢。英靈如過隙。宴衍願投膠。莫問東流水(一作水清淺)生涯未卽拋。

□峽隘

聞說江陵府。雲沙靜(一作淨)眇然。白魚如切玉。朱橘不論錢。水有遠湖樹。人今何處舡。青山各(陳作若)在眼。却望峽中天。

□諸葛廟

久遊巴子國。屢入武侯祠。竹日斜虛寢。溪風滿薄帷。君臣當共濟。賢聖亦同時。翊戴歸先主。并吞更出師。蟲蛇穿畫壁。巫覡醉蛛絲。歛憶吟梁父。躬耕也（一作起）未遲。

□ 峽口二首

峽口大江間。西南控百蠻。城欽連粉堞。岸斷更青山。開闢多（一作當）天險。防隅一水關。亂離聞鼓角。秋氣動衰顏。

時清關失險。世亂戟如林。去矣英雄事。荒哉割據心。蘆花留客晚。楓樹坐猿深。疲茶煩親故。諸侯數賜金。（主人柏中丞頻分月俸）

□ 天池

天池馬不到。嵐壁鳥纔通。百頃青雲杪。層波白石中。鬱紆騰秀氣。蕭瑟浸寒空。直對巫山出（一作峽）兼疑夏禹功。魚龍開闢有。菱芡（一作芰）古人同（一云豐）聞道奔雷黑。初看浴日紅。飄零神女雨。斷續楚王風。欲問支機石。如臨獻寶宮。九秋驚雁序。萬里狎漁翁（一作樵童）更是無人處。誅勞（一作茅）任薄躬。

□ 瞿塘兩崖

三峽傳何處。雙崖壯此門。入天猶石色。穿水忽雲根。揉攢鬚髯古。蛟龍窟宅尊。羲和冬（一作驂）馭近。愁畏日車翻。

□ 夔州歌十絕句

中巴之東巴東山。江水開闢流其間。白帝高爲三峽鎮。夔州（一作瞿塘）險過百牢關。

白帝夔州各異城。蜀江楚峽混殊名。英雄割據非天意。霸王并吞在物情。

羣雄競起問（刊作聞）前朝。王者無外見今朝。比訝漁陽結怨恨。元聽舜日舊簫韶。

赤甲白鹽俱刺天。閭閻繚繞接山巔。楓林橘樹丹青合。複道重樓錦繡懸。
濃東瀼西一萬家。江北江南（晉作江南江北）春冬花。背飛鶴子遺瓊蕊。相趁鳧雛入蔣牙。
東屯稻畦一百頃。北有澗水通青笛。晴浴狎鷗分處處。雨隨神女下朝朝。

蜀麻吳鹽自古通。萬斛之舟行若風。長年三老長歌裏。白晝（一作買）攤錢高浪中。（江鄰幾雜志白馬灘前高浪中）

憶昔咸陽都市合。山水之圖張賣時。巫峽曾經寶屏見。楚宮猶對碧峯疑。

武侯祠堂（一作生祠）不可忘。中有松柏參天長。干戈滿地客愁破。雲日如火炎天涼。

閩風元圃與蓬壺。中有高堂（晉作唐）天下無。借問夔州壓何處。峽門江腹擁城隅。

上卿翁請修武侯廟遺像缺落時崔卿權夔州

大賢爲政即多聞。刺史眞符不必分。尙有西郊諸葛廟。臥龍無首對江濱。

偶題以下一百四十三首居夔州作

文章千古事。得失寸心知。作者皆殊列。名聲豈浪垂。騷人嗟不見。漢道盛於斯。前輩飛騰入。餘波綺麗爲。後賢兼舉列。（二云制一云利別木作例）歷代各清規。法自儒家有心從弱歲。疲永懷江左逸。多病（一作謝）鄴中奇。駉驥皆良馬。騏驎帶好兒。車輪徒已斲。堂構惜（一作肯）仍虧。漫作潛夫論。虛傳幼婦碑。（一作詞）緣情慰漂蕩。抱疾屢遷移。經濟慚長策。飛棲假一枝。塵沙傍蜂蠆。江峽繞蛟螭。蕭瑟唐虞遠。聯翩楚漢危。聖朝兼盜賊。異俗更喧卑。鬱鬱星辰劍。蒼蒼雲雨池。兩都開幕府。萬寓插軍麾。南海殘銅柱。東風避月支。音書恨烏鵲。號怒怪熊羆。稼穡分詩興。柴荆學士宜。故山迷白閣。秋水隱（一作憶）黃陂。不敢要佳句。愁來賦別離。

秋興八首

玉露凋傷楓樹林。巫山巫峽氣蕭森。江間波浪兼天湧。塞上風雲接地陰。叢菊兩（一作重）開他日淚。孤舟一繫故園心。寒衣處處催刀尺。白帝城高急暮砧。

夔府孤城落日斜。每依南（一作北）斗望京華。聽猿實下三聲淚。奉使虛隨入月查。畫省香爐遠伏枕。山樓粉堞隱悲笳。請看石上藤蘿月。已映洲前蘆荻花。

千家山郭靜朝暉。日日（一作百處）江樓坐翠微。信宿漁人還汎汎。清秋鷺子故飛飛。匡衡抗疏功名薄。劉向傳經心事違。同學少年多不賤。五陵衣馬自輕肥。

聞道長安似弈棋。百年世事不勝（一作堪）悲。王侯第宅皆新主。文武衣冠異昔時。直北關山金鼓振。征西車馬（樊作騎）羽書遲（一作馳）魚龍寂寞秋江冷。故國平居有所思。

蓬萊宮闕對南山。承露金莖霄漢間。西望瑤池降王母。東來紫氣滿函關。雲移雉尾開宮扇。日繞龍鱗識聖顏。一臥滄江驚歲晚。幾迴青鎖照（一作點）朝班。

瞿唐峽口曲江頭。萬里風煙接素秋。花萼夾城通御氣。芙蓉小苑入邊愁。朱簾繡柱圍黃鶴（通作鵠）錦纜牙樯起白鷗。迴首可憐歌舞地。秦中自古帝王州。

昆明池水漢時功。武帝旌旗在眼中。織女機絲虛月夜（一作夜月）石鯨鱗甲動秋風。波漂菰米沉雲黑。露冷蓮房墜粉紅。關塞極天唯鳥道。江湖滿地一漁翁。

昆吾御宿自逶迤。紫閣峯陰入漢（晉作漾）陂（一云紫閣峯陰入漾陂昆吾御宿自逶迤）香稻（草堂本作紅豆一作紅稻一作紅飯）啄餘（一作殘）鸚鵡粒。碧梧棲老鳳凰枝。佳人拾翠春相問。仙侶同舟晚更移。綵筆昔遊（一作曾）干氣象。白頭吟望苦低垂。

支離東北風塵際。漂泊西南天地間。三峽樓臺淹日月。五溪衣服共雲山。羯胡事主終無賴。詞客哀時且未還。庾信平生最蕭瑟。暮年詩賦動江關。

搖落深知宋玉（一作爲主）悲。風流儒雅亦吾師。悵望千秋一灑淚。蕭條異代不同時。江山故宅空文藻。雲雨荒臺豈夢思。最是楚宮俱泯滅。舟人指點到今疑。

羣山萬壑赴荆門。生長明妃尚有村。一去紫臺連朔漠。獨留青塚向黃昏。畫圖省識春風面。環珮空歸月夜魂。千載（一作歲）琵琶作胡語。分明怨（一作愁）恨曲中論。

蜀主窺吳幸三峽。崩年亦在永安宮。翠華想像空（一作寒）山裏。玉殿虛無野寺中。古廟杉松巢水鶴。歲時伏獵走村翁。武侯祠屋常鄰近。一體君臣祭祀同（殿今爲寺廟在東宮）。

諸葛大名垂宇宙。宗臣遺像肅清高。三分割據紆籌策。萬古雲霄一羽毛。伯仲之間見伊呂。指揮若定失蕭曹。福（一作運）移漢祚難恢復（一作終難復）志決身殲軍務勞。

諸將五首

漢朝陵墓對南山。胡虜千秋尙入關。昨日玉魚蒙葬地。早時金盃出人間。見愁汗馬西戎逼。曾閃朱旗北斗殷。多少材官守涇渭。將軍且莫破愁顏。

韓公本意築三城。擬絕天驕拔漢旌。豈謂盡煩回紇馬。翻然遠救朔方兵。胡來不覺潼關隘。龍起猶聞晉水清。獨使至尊憂社稷。諸君何以答升平。

洛陽宮殿化爲烽。休道秦關百二重。滄海未全歸禹貢。薊門何處盡堯封。朝廷衰職雖多預（一作誰爭補）天下軍儲不自供。稍喜臨邊王相國。肯銷金甲事春農。

迴首扶桑銅柱標。冥冥氛祲未（一作不）全銷。越裳翡翠無消息。南海明珠久寂寥。殊錫曾爲大司馬。總戎皆插

侍中貂。炎風朔雪天。地只在忠臣。（陳作良）翊聖朝。

錦江春色逐人來。巫峽清秋萬壑哀。正憶往時嚴僕射。共迎中使望鄉臺。主恩前後三持節。軍令分明數舉盃。西蜀地形天下險。安危須仗出羣材。

□秋日夔府詠懷奉寄鄭監審李賓客之考一百韻

絕塞烏蠻北。孤城白帝邊。飄零仍百里。消渴已三年。雄劍鳴開匣。羣書滿繫船。（草堂本云一作所向皆窮轍餘生日繫船）亂離心不展。（一作轉）衰謝日蕭然。筋力妻孥問。菁華歲月遷。登臨多物色。陶冶賴詩篇。峽束滄江起。巖排石（一作古樹）石楠也。圓拂雲靈楚氣朝。（川作潮）海蹴（一作視）吳天。黃井爲鹽速。燒畝度地偏。有時驚疊嶂。何處覓平川。鸚鵡雙雙舞。獼猴壘壘懸。碧蘿長似帶。錦石小如錢。春草何曾歇。寒花亦可憐。獵人吹戍火。野店引山泉。喚起搔頭急。扶行幾屐穿。兩京猶薄產。四海絕隨肩。幕府初交辟。郎官幸備員。瓜時猶（一作仍一作拘）旅寓。萍泛若資緣。藥餌虛狼藉。秋風灑靜便。開襟驅瘴癘。明目掃雲煙。高宴諸侯禮。佳人上客前。哀箏傷老大。華屋豔神仙。南內開元曲。常時弟子傳。法歌聲變轉。滿座涕潺湲。（都督柏中丞筵聞梨園弟子李仙奴歌）弔影夔州僻。回腸杜曲煎。卽今龍廐水。莫帶犬戎羶。（西京龍廐門苑馬門也渭水流苑馬門內）耿賈扶王室。蕭曹拱御筵。乘威滅蜂蠹。戮力効（川作教）鷹鷂。舊物森猶在。凶徒惡未悛。國須行戰伐。人憶止戈鋌。奴僕何知禮。恩榮錯與權。胡星一彗孛。（川作閭）黔首（川作首惡）遂拘繫。哀痛絲綸切。煩苛法令蠲。業成陳始王。兆喜出于畋。宮禁經綸密。台階翊戴全。熊羆載呂望。鴻鴈美周宣。側聽中興主。長吟不世賢。音徽一柱數。道里下牢千。（鄭在江陵李在夷陵）鄭李光時論。文章並我先。陰何尙清省。沈宋歛聯翩。律比崑崙竹。音知燥溼絃。風流俱善價。懷當久忘筌。置驛常如此。登龍蓋有焉。雖云隔禮數。不敢墜周旋。高視收人表。虛心味道元。馬來皆汗血。鶴唳必青田。羽翼商山起。蓬萊漢閣連。管寧紗帽淨。江令錦袍鮮。東郡時題壁。南湖日扣舷。遠遊凌絕境。佳句染華牋。每欲孤飛去。徒爲百慮牽。

生涯已寥落。國步乃（一作尙）迤邐。衾枕成蕪沒。池塘作棄捐。（平生多病卜築遺懷）別離憂怛怛。伏臘涕漣漣。露菊班艷錦。秋蔬（一作菰）影澗漚。共誰論昔事。幾處有新阡。富貴空迴首。喧爭懶著鞭。兵戈塵漠漠。江漢月娟娟。局促看秋鷺。蕭疎聽晚蟬。雕蟲蒙記憶。烹鯉問沉綿。卜羨君平杖。偷存子敬氈。囊虛把釵釧。米盡坼花鈿。甘子陰涼葉。茅齋八九椽。陣圖沙北岸。市暨漢西嶺。（市暨音既。峽人目市井處曰市來。八陣圖市暨。夔人語也。江水橫通山谷。處方人謂之漢。）羈絆心常折。棲遲病卽痊。紫收岷嶺芋。（一作紫秧。岷下芋。）白種陸池（一作家）蓮。色好梨勝頰。穰多粟過拳。勅廚唯一味。求飽或三鱸。兒去看魚笱。人來坐馬羈。（一云俗異。鄰蛟室朋作坐馬羈。）縛柴門窄窄。通竹溜涓涓。塹抵公畦稜。（京師農人指田遠近多云幾稜。傅音去聲。）村依野廟墻。缺籬將棘拒。倒石賴藤纏。借問頻朝謁。何如穩醉（一作書）眠。誰云行不逮。（一作達）自覺坐能堅。霧雨銀章澀。馨香粉署妍。絃鸞無近遠。黃雀任翩翻。口學違從衆。明公各勉旃。聲華夾宸極。早晚到星躔。掣諫留匡鼎。諸儒引服（一作伏誤）虔。不逢（一作過）輸輿直。會是正陶甄。宵旰憂虞軫。黎元疾苦駢。雲臺終日畫。青簡爲誰編。行路難何有。招尋興已專。由來具飛檝。塹擬控鳴弦。身許雙峯寺。門求七祖禪。落帆追宿昔。衣褐向眞詮。安石名高晉。（鄭高簡得謝太傅之風。）昭王客赴燕。（李

贈李八一作公祕書別三十韻

往時中補右。扈蹕上元初。反氣凌行在。妖星下直廬。六龍瞻漢闕。（一作殿）萬騎略（一作集）姚（一作嬌）墟。元朔迴（一作還）天步。神都憶帝車。一戎纔汗馬。百姓免爲魚。通籍蟠螭印。差肩列鳳輿。事殊迎代邸。喜異賞朱虛。寇

盜方歸順。乾坤欲晏如。不才同補袞。奉詔許牽裾。鴛鴦叨雲閣。麒麟滯玉除。(一作石渠)文園多病後。中散舊交疎。飄泊哀相見。平生意有餘。風煙巫峽遠。臺榭楚宮虛。(一作除)觸目非論故。新文尙起予。清秋凋碧柳。別浦落紅蕖。消息多旗幟。經過歎里閭。戰連唇齒國。軍急羽毛書。幕府籌頻問。(山劍元帥杜相公初屈幕府參籌畫相公朝謁今赴後期也)山家藥正鋤。(祕書比臥青城山中)台星入朝謁。使節有吹嘘。西蜀災長弭。南翁憤始攄。對敎抗(一作坑)士卒。乾沒費倉儲。勢藉兵須用。功無禮忽諸。御鞍金蹶鼻。宮硯玉蟾蜍。拜舞銀鉤落。恩波綿帕舒。此行非不濟。良友昔相於。去旆(一作棹)依顏色。泓流想疾徐。沉綿疲井臼。倚薄似樵漁。乞(去)米煩佳客。鈔詩聽小胥。杜陵斜晚照。潏水帶寒淤。莫話清溪髮。蕭蕭白映梳。

寄劉峽州伯華使君四十韻

峽內多雲雨。秋來尙鬱蒸。遠山(一作天)朝白帝。深水謁(一作出)彝陵。遲暮嗟爲客。西南喜得朋。哀猿更(一作勞)起坐。落鴈失飛騰。伏枕思瓊樹。臨軒對玉繩。青松寒不落。碧海闊逾澄。昔歲文爲理。羣公價盡增。家聲同令聞。時論以儒稱。太后當(一作臨)朝肅。多才接迹昇。翠虛捎颺颺。丹極上鷗鷗。宴引春壺滿。(一作酒)恩分夏簟冰。雕章五色筆。紫殿九華燈。學並盧王敏。書偕褚薛能。老兄真不墜。小子獨無承。近有風流作。聊從月繼(一作峽一作竈)徵。放蹄知赤驥。振翅服蒼鷹。卷軸來何晚。襟懷庶可憑。會期吟諷數。益破旅愁凝。雕刻初誰料。(一作解)纖毫欲自矜。神融躡飛動。戰勝洗侵凌。妙取筌蹄棄。高宜百萬層。白頭遺恨在。青竹幾人登。迴首追談笑。勞歌踞寢興。年華紛已矣。世故莽相仍。刺史諸侯貴。郎官列宿應。潘生驂閣遠。(一潘安安雲閣遠)黃霸壺書增。乳蠶(胡犬切有力也)號攀石。饑鼯訴落藤。藥囊親道士。灰劫問胡僧。憑久烏皮拆。(一作綻)簪稀(一作間)白(一作阜)帽稜。林居看蟻穴。野食行(去聲)作幸。又作待。魚魯筋力交彫喪。飄零免戰兢。皆(一作昔)爲百里宰。正似六安丞。姪女策新裹。丹砂冷舊秤。但求椿壽永。莫慮杞天崩。鍊骨調情性。張兵撓棘矜。養生終自惜。伐數(一作叛)必全懲。政

術甘疎誕。詞場媿服膺。展懷詩誦魯。割愛酒如澗。吳若本舊注云平生所好消渴止之。咄咄寧書字。冥冥欲避矰。江湖多白鳥。天地有青蠅。

夔府書懷四十韻

昔罷河西尉。初興薊北師。不才名位晚。敢恨省郎遲。扈聖崆峒日。端居灑澗時。萍流仍汲引。樗散尙恩慈。遂阻雲臺宿。一作靈臺伯。常懷湛露詩。翠華森遠矣。白首颯淒其。拙被林泉滯。生逢酒賦欺。文園終寂寞。漢閣自磷緇。病隔君臣議。一作作識。慚紆德澤私。揚鑣驚主辱。拔劍撥年衰。社稷經綸地。風雲際會期。血流紛在眼。涕泗亂交頤。四瀆樓船汎。中原鼓角悲。賊壕連白翟。戰瓦落丹墀。先帝嚴靈。一作虛。寢宗臣切受遺。恆山猶突騎。遼海競張旗。田父嗟膠漆。行人避蒺藜。總戎存大體。降將飾卑詞。楚貢何年絕。堯封舊俗疑。長吁翻北寇。一望卷西夷。不必陪元閭。超然待具茨。凶。一作休。兵鑄農器。講殿開書帷。廟算高難測。天憂實在茲。形容真潦倒。答效莫支持。使者分王命。羣公各典司。恐乖均賦斂。不似問瘡痍。萬里煩供給。孤城最怨思。綠林寧小患。雲夢欲難追。卽事須嘗膽。蒼生可察眉。議。一作義。堂猶集鳳。正觀是元龜。處處喧飛檄。家家急競錐。蕭車安不定。蜀使下何之。釣瀾疎墳籍。耕巖進弈碁。地蒸餘破扇。冬暖更織絺。豺遘。一作搆。哀登楚。麟傷泣象尼。衣冠迷適越。藻繪憶遊睢。賞月延秋桂。傾陽逐露葵。大庭終反樸。京觀且僵尸。高枕虛眠晝。哀歌欲和誰。南宮載勳業。凡百慎交綏。

解悶十二首

草閣柴扉星散居。風翻江黑雨飛初。山禽引子哺紅果。溪友。一作女。得錢留白魚。

商胡離別下揚州。憶上西。一作蘭。陵故驛樓。爲問淮南米貴賤。老夫乘興欲東流。一作遊。

一辭故國十經秋。每見秋瓜憶故丘。一作侯。今日南。一作東。湖采薇蕨。何人爲覓鄭瓜。一作哀。州。今鄧

祕監審

沈范早知何水部。曹劉不待薛郎中。獨當省署開文苑。兼泛滄浪學釣翁。(水部郎中薛據)

李陵蘇武是吾師。孟子論文更不疑。(二云第二句作首句)一飯未曾留俗客。數篇今見古人詩。(校書郎雲卿)

復憶襄陽孟浩然。清詩句句盡堪傳。卽今著舊無新語。漫釣槎頭縮頸。(一作項) 龜

陶冶性靈在。(一作存)底物新詩改罷自長吟。孰知二謝將能事。頗學(一作覺)陰何苦用心。

不見高人王右丞。藍田丘壑漫(陳作蔓)寒藤。最傳秀句寰區滿。未絕風流相國能。(右丞弟今相國縉)

先帝貴妃今(陳作俱)寂寞。荔枝還復入長安。炎方每續朱櫻獻。玉座應悲白露團。

憶過瀘戎摘荔枝。青楓隱映石逶迤。京中舊見無顏色。(陳作京華應見無顏色)紅顆酸甜只自知。

翠瓜碧李沉玉甃。赤梨蒲萄寒露成。可憐先不異枝蔓。此物娟娟長遠生。

側生野岸及江蒲。(一作浦)不熟丹宮滿玉壺。雲壑布衣駘背死。勢生重(荆作人害)馬翠眉須。

復愁十二首

人煙生處僻。(二云遠處)虎跡過新蹄。野鷗(一作鶴)又作鷁。晉作雉。翻窺草村船逆上。溪

釣艇收緝盡。昏鴉(一作鷗)接翅歸。(吳作稀)月生初學扇。雲細不成衣。

萬國尙防寇。故園今若何。昔歸相識少。早已戰場多。

身覺省郎在家須農事歸。年深荒草逕。老恐失柴扉。

金絲鏤(一作縷)箭鏃。阜尾製(一作掣)旗竿。一自風塵起。猶嗟行路難。

胡虜何曾盛。干戈不肯休。閭閻聽子小。談話(一作笑)覓封侯。

正觀銅牙弩。開元錦獸張。花門小前(一作箭)好。此物棄沙場。

今日翔麟馬。先宜駕鼓車。無勞問河北。諸將覺(一作角)樊作摧榮華。

任轉江淮粟。休添苑囿兵。由來貔虎士。不滿鳳皇城。
江上亦秋色。火雲終不移。巫山猶錦樹。南國且黃鸝。
每恨陶彭澤。無錢對菊花。如今九日至。自覺酒須賒。
病減詩仍拙。吟多意有餘。莫看江摠老。猶被賞時魚。

□承聞河北諸道節度入朝歡喜口號絕句十二首

祿山作逆降天誅。更有思明亦已無。洵洵人寰猶不定。時時鬪戰欲何須。
社稷蒼生計必安。蠻夷雜種錯相干。周宣漢武今王是。孝子忠臣後代看。
喧喧道路多歌謠。一作好童謠。河北將軍盡入朝。始（晉作作）是乾坤王室正。卻交（一作教）江漢客魂銷。
不（一作北）道諸公無表來。茫然（一作茫茫）庶事遣（一作使）人猜。擁兵相學干戈銳。使者徒勞百萬迴。
鳴玉鏘金盡正臣。修文假武不無人。興王會靜妖氛氣。聖壽宜過一萬春。
英雄見事若通神。聖哲爲心小一身。燕趙休矜出佳麗。宮闈不擬選才人。
抱病江天白首歸。空山樓閣暮春光。衣冠是日朝天子。草奏何時入帝鄉。
瀟漫山東一百州。削成如桼抱青丘。苞茅重入歸關內。王祭還供盡海頭。
東逾遼水北滹沱。星象風雲喜（一作氣）共和。紫氣關臨天地闊。黃金臺貯俊賢多。
漁陽突騎邯鄲兒。酒酣並轡金鞭垂。意氣卽歸雙闕舞。雄豪復遣五陵知。
李相將軍擁薊門。白頭雖老（一作惟有）赤心存。竟能盡說諸侯入。知有從來天子尊。
十二年來多戰場。天威已息陣堂堂。神靈漢代中興主。功業汾陽異姓王。

□喜聞盜賊蕃寇摠退口號五首

蕭關隴水入官軍。青海黃河卷塞雲。北極(晉作闕)轉愁(一作深)。龍虎氣。西戎休縱犬羊羣。
贊普多教使入秦。數通和好止(晉作尙)。煙塵。朝廷忽用哥舒將。殺伐虛悲公主親。
崆峒西極(晉作北)。遇崑崙。駝馬由來擁國門。逆氣數年吹路斷。蕃人聞道漸星奔。
勃律天西采玉河。堅昆碧盃最來多。舊隨漢使千堆寶。少答胡(一作朝)王萬匹羅。
今春喜氣滿乾坤。南北東西拱至尊。大歷二年(鶴本二年)調玉燭。元元皇帝聖雲孫。

□洞房

洞房環珮冷。玉殿起秋風。秦地應新月。龍池(一作地)滿舊宮。繫舟今夜遠。清漏往時同。萬里黃山北。園陵白露中。

□宿昔

宿昔青門裏。蓬萊仗數移。花嬌迎雜樹。龍喜出平池。落日(一作月)留王母。微風倚少兒。宮中行樂祕。少有外人知。

□能畫

能畫毛延壽。投壺郭舍人。每蒙天一笑。復似(一作以)物皆(一作初)。春政化平如水。皇恩(晉作明)斷若神。時時用抵戲。亦未雜風塵。

□鬪鷄

鬪鷄初賜錦。舞馬既(一作解)登牀。簾下宮人出。樓前御柳(一作曲)長。仙遊終一閱。女樂久無香。寂寞驪山道。清秋草木黃。

□鸚鵡

鸚鵡含愁思。聰明憶別離。翠衿渾短盡。紅背漫多知。未有開籠日。空殘舊宿枝。世人憐復損。何用羽毛奇。

歷歷

歷歷開元事。分明在眼前。無端盜賊起。忽已歲時遷。巫峽西江外。秦城北斗邊。爲郎從白首。臥病數秋天。

洛陽

洛陽昔陷沒。胡馬犯潼關。天子初愁思。都人慘別顏。清笳去宮闕。翠蓋出關山。故老仍流涕。龍髯幸再攀。

驪山

驪山絕望幸。花萼能登臨。地下無朝燭。人間有賜金。鼎湖龍去遠。銀海鴈飛深。萬歲蓬萊日。長懸舊羽林。

提封

提封漢天下。萬國尙同心。借問懸車一作軍守。何如儉德臨。時徵俊乂入。草竊一作莫慮犬羊侵。願戒兵猶

火。恩加四海深。

樓舟二首

巫峽盤渦曉。黔陽貢物秋。丹砂同隕石。翠羽共沉舟。轡使空斜影。龍居一作官闕積流。篙工幸不溺。俄頃逐輕

鷗。

竹宮時望拜。桂館或求仙。姹女凌波日。神光照夜年。徒聞斬蛟劍。無復繫犀船。使者隨秋色。迢迢獨上天。

垂白一云白首

垂白一云白首馮唐老。清秋宋玉悲。江喧長少睡。樓迴獨移時。多難身何補。無家病不辭。自從千日醉。未許七

哀詩。

草閣

草閣臨無地。柴扉永不關。魚龍迴夜水。星月動秋山。久一作夕露清一作晴。初濕高雲薄。未還汎舟慚。小婦飄泊損紅顏。

江月

江月光於一作如水。高樓思殺人。天邊長作客。老去一霑巾。玉露團清影。銀河沒半輪。誰家挑錦字。滅燭一作燭滅翠眉嚬。

江上

江上日多雨。蕭蕭荆楚秋。高風下木葉。永夜攬貂裘。勳業頻看鏡。行藏獨倚樓。時危思報主。衰謝不能休。

中夜

中夜江山靜。危樓望北辰。長爲萬里客。有媿百年身。故國風雲氣。高堂戰伐塵。胡雛負恩澤。嗟爾太平人。

江漢

江漢思歸客。乾坤一腐儒。片雲天共遠。永夜月同孤。落日心猶壯。秋風病欲疎。一作蘇古來存老馬。不必取長途。

白露

白露團甘子。清晨散馬蹄。圃開連石樹。船渡入江溪。憑几看魚樂。迴鞭急一作至。鳥棲慚知秋實美。幽徑恐多蹊。

孟氏

孟氏好兄弟。養親唯小園。承顏胝手足。坐客強盤殮。負木力一作晉作寒。一作夕。葵外讀書秋樹根。卜鄰慚近舍。訓子學一作覺。誰一作先。門。

吾宗衛倉曹崇簡

吾宗老孫子。質樸古人風。耕鑿安時論。衣冠與世同。在家常早起。憂國願年豐。語及君臣際。經書滿腹中。

有歎

壯心久零落。白首寄人間。天下兵常鬪。聞蜀官軍自圍普還。江東客未還。窮猿號雨雪。老馬怯。一作望一作泣。關山武德開元際。蒼生豈重攀。

冬深一云即日

花葉隨天意。江溪共石根。早霞隨類。一云淚。影。寒水各依。一云流。痕。易下楊朱淚。難招楚客魂。風濤暮不穩。捨棹宿誰門。

不寐

瞿塘夜水黑。城內改更籌。翳翳月沉霧。輝輝星近樓。氣衰甘少寐。心弱恨和。一作知陳作多或作容。愁。多壘。陳作壘恨。滿山谷。桃源無處求。

月圓

孤月當樓滿。寒江動夜扉。委波金不定。照席綺逾依。未缺空山靜。高懸列宿稀。故園松桂。一作菊。發。萬里共清輝。

中宵

西閣百尋餘。中宵步綺疏。飛星過水白。落月動沙虛。擇木知幽鳥。潛波想巨魚。親朋滿天地。兵甲少來書。

遺愁

養拙蓬爲戶。茫茫何所開。江通神女館。地隔望鄉臺。漸惜容顏老。無由弟妹來。兵戈與人事。回首一悲哀。

□秋清

高秋蘇病（吳作肺）氣。白髮自能梳。藥餌增加減。門庭悶掃除。杖藜還客拜。愛竹遣兒書。十月江平穩。輕舟進所如。

□傷秋

林僻來人少。山長去鳥微。高秋收畫扇。（一云藏羽扇）久客掩荆（一作柴）扉。懶慢頭時憊。艱難帶減闌。將軍猶汗馬。天子尙戎衣。白蔣風颼脆。殷檉曉夜稀。何年滅（一作滅）豺虎。似有故園歸。

□秋峽

江濤萬古峽。肺氣久衰翁。不寐防巴虎。全生狎楚童。衣裳垂素髮。門巷落丹楓。常怪商山老。兼存翊贊功。

□南極

南極青山衆。西江白谷分。古城疎落木。荒戍密寒雲。歲月蛇常見。風颼虎或（一作忽）聞。近身皆鳥道。殊俗自人羣。睥睨登哀柝。矛弧照夕曛。亂離多醉尉。愁殺李將軍。

□搖落

搖落巫山暮。寒江東北流。煙塵多戰鼓。風浪少行舟。鵝費羲之墨。貂餘季子裘。長懷報明主。臥病復高秋。

□耳聾

生年鶡冠子。歎世鹿皮翁。眼復幾時暗。耳從前月聾。猿鳴秋淚缺。雀噪晚愁空。黃落驚山樹。呼兒問朔風。

□獨坐二首

竟日雨冥冥。雙崖洗更青。（一作清）水花寒落岸。山鳥暮過庭。煖老須燕玉。充饑憶楚萍。胡笳在樓上。哀怨不堪聽。

白狗斜臨北。黃牛更在東。峽雲常照夜。江月會兼風。曬藥安垂老。應門試小童。亦知行不逮。苦恨耳多聾。

遠遊

江闊浮高棟。晉作東。雲長出斷山。塵沙連越雋。風雨暗荆蠻。鴈矯銜蘆內。猿啼失木間。敝裘蘇季子。歷國未知還。

夜一云秋夜客舍

露下天高。一云空山。秋水清。空山獨夜旅魂驚。疎燈自照孤帆宿。新月猶懸雙杵鳴。南菊。一作國。再逢人臥病。北書不至。一作到。鴈無情。步蟾。一作簷。倚杖看牛斗。銀漢遙應接鳳城。

暮春

臥病擁塞在峽中。瀟湘洞庭虛映空。楚天不斷四時雨。巫峽常吹千里風。沙上草閣柳新闌。城邊野池蓮欲紅。暮春鴛鴦立洲渚。挾子翻飛還一叢。

晴二首

久雨巫山暗。新晴錦繡文。碧知湖外。晉作上。草紅見海東。雲竟日鶯相和。摩霄鶴數羣。野花乾更落。風處急紛紛。

啼鳥爭引子。鳴鶴不歸林。下食遭泥去。高飛恨久陰。雨聲衝塞盡。日氣射江深。迴首周南客。驅馳魏闕心。

雨

始賀天休雨。還嗟地出雷。驛看浮。一作巫。峽過。密作。舊作塞密。渡江來。牛馬行無色。蛟龍鬪不開。干戈盛陰氣。未必自陽臺。

月三首

斷續巫山雨。天河此夜新。若無青嶂月。愁殺白頭人。魍魎移深樹。蝦蟇動半輪。故園當北斗。直指一作想照西秦。

併照一作點巫山出。新窺楚水清。羈棲愁見裏。一作愁裏見二十四迴明。必驗升沉體。如知進退情。不違銀漢落。亦伴玉繩橫。

邊。萬里瞿塘峽。一作月春來六上弦。時時開暗室。故故滿青天。爽合風襟靜。高當淚臉懸。南飛有烏鵲。夜久落江

臺。萬木雲深隱。連山雨未開。風屏掩不定。水鳥過舊作去仍迴。蛟館如鳴杼。樵舟豈伐枚。清涼破炎毒。衰意欲登

晚晴

返一作晚照斜初徹。一作散浮雲薄未歸。江虹明遠一作近飲。峽雨落餘飛。鳧鴈陳作鶴終高去。熊羆

夜雨

覺自肥。秋分客尚在。竹露夕一作久微微。小雨夜復密。迴風吹早秋。野一作夜涼侵閉戶。江滿帶維舟。通籍恨陳作限多病。爲郎忝薄遊。天寒出巫峽。醉別仲宣樓。

更題

只應踏初雪。騎馬發荊州。直怕巫山雨。真傷白帝秋。羣公蒼玉珮。天子翠雲裘。同舍晨趨侍。胡爲淹此一云此滯。留。

歸

東帶還騎馬。東西卻渡船。林中才有地。峽外絕無天。虛白高人靜。喧卑俗累牽。他鄉悅遲暮。不敢廢詩篇。

返照

楚王宮北正黃昏。白帝城西過雨痕。返照入江翻石壁。歸雲擁樹失山村。衰年肺病唯高枕。絕塞愁時早閉門。不可久留豺虎亂。南方實有未招魂。

熱三首

雷霆空霹靂。雲雨竟虛無。炎赫衣流汗。低垂氣不蘇。乞爲寒水玉。願作冷秋菰。何(晉作那)似兒童歲。風涼出舞

開。瘴雲終不滅。瀘水復西來。閉戶人高臥。歸林鳥卻迴。峽中都似火。江上只空(晉作聞)雷。相見陰宮雪。風門颯踏

爲爾一霑巾。朱李沉不冷。彫胡(晉作菰)炊屢新。將衰骨盡痛。被褐(一作喝)味空頻。歛翁炎蒸景。飄颻征戍人。十年可解甲。

日暮

牛羊下來久。各已閉柴門。風月自清夜。江山非故園。石泉流暗壁。草露滴秋根。(一作滿秋原)頭白燈明裏。何須化燼繁。

八月十五夜月二首

滿目飛明鏡。歸心折大刀。轉蓬行地遠。攀桂仰天高。水路疑霜雪。林棲見羽毛。此時瞻白兔。直欲數秋毫。稍下巫山峽。猶銜白帝城。氣沉全浦暗。輪仄半樓明。刁斗皆催曉。蟾蜍且自傾。(一作清)張弓倚殘魄。不獨漢家

營。

十六夜翫月

舊挹金波爽。皆傳玉露秋。關山隨地闊。河漢近人流。谷口樵歸唱。孤城笛起愁。巴童渾不寢。半夜有行舟。

十七夜對月

秋月仍圓夜。江村獨老身。捲簾還照客。倚杖更隨人。光射潛虬動。明翻宿鳥頻。茅齋依橘柚。清切露華新。

村雨

雨聲傳兩夜。寒事颯高秋。挈（一作攬）帶看朱紱。開箱覩黑裘。世情只益睡。盜賊敢忘憂。松菊新霑洗。茅齋慰遠遊。

雨晴

雨時山不改。晴罷峽如新。天路看殊俗。秋江思殺人。有猿揮淚盡。無犬附書頻。故國愁眉外。長歌欲損神。

晚晴吳郎見過北舍

圃畦新（一作佳）雨潤。媿子廢鉏來。竹杖交頭柱。柴扉隔（一云掃）徑開。欲棲羣鳥亂。未去小童催。明日重陽酒。相迎自醞醅。

暝

日下四山陰。山庭嵐氣侵。牛羊歸徑險。鳥雀聚枝深。正枕當星劍。收書動玉琴。半扉開燭影。欲掩見清砧。

雲

龍似（一作自一作以）瞿唐會。江依白帝深。終年常起峽。每夜必通林。收穫辭霜渚。分明在夕岑。高齋非一處。秀氣豁煩襟。

月

四更山吐月。殘夜水明樓。塵匣元開鏡。風簾自上鉤。兔應疑鶴髮。蟬亦戀貂裘。斟酌姮娥寡。天寒奈九秋。

雨四首

微雨不滑道。斷雲疎復行。紫崖奔處黑。白鳥去邊明。秋日新霑影。寒江舊落聲。柴扉臨野碓。半得一作濕搗香

杭。

江雨舊無時。天晴忽散絲。暮秋霑物冷。今日過雲遲。上馬迴休出。看鷗坐不辭。高一作層軒當灑瀕。潤色靜書

帷。物色歲將宴。天隅人未歸。朔風鳴淅淅。寒雨下霏霏。多病久加飯。衰容新授衣。時危覺凋喪一作喪亂。故舊短

書稀。

楚雨石苔滋。京華消息遲。山寒青兕叫。江晚白鷗饑。神女花鈿落。蛟人織杼悲。繁憂不自整。終日灑如絲。

夜

絕岸風威動。寒房燭影微。嶺猿霜外宿。江鳥夜深飛。獨坐親雄劍。哀歌嘆短衣。煙塵繞閭闔。白首壯心違。

晨雨

小雨晨光內。初來葉上聞。霧交纒灑地。風逆一作折旋隨雲。暫起柴荆色。輕霑鳥獸羣。麋香山一半。亭午未全

分。

反照

反照開巫峽。寒空半有無。已低魚復暗浦也。不盡白鹽孤山也。荻岸如秋水。松門似畫圖。牛羊識僮僕。既夕

應傳呼。

□向夕

終。賦畝孤城外。江村亂水中。深山催短景。喬木易高風。鶴下雲汀（一作河）近。鷄棲草屋同。琴書散明燭。長夜始堪

□曉望

鹿。應共爾爲羣。白帝更聲盡。陽臺曙色分。高峯寒（一作初）上日。疊嶺宿霾（一作未收）雲。地坼江帆隱。天清木葉聞。荆扉對麋

□雷

巫峽中宵動。滄江十月雷。龍蛇不成蟄。天地劃爭迴。卻碾空山過。深蟠絕壁來。何須妒雲雨。霹靂楚王臺。

□雨

冥冥甲子雨。已度立春時。輕箠煩相向。纖絺恐自疑。煙添纔有色。風引更如絲。直覺巫山暮。兼催宋玉悲。

□朝二首

清旭楚宮南。霜空萬嶺寒。野人時獨往。雲木曉相參。俊鷗無聲過。餓鳥下食貪。病身終不動。搖落任江潭。
浦帆晨初發。郊扉冷未開。村（一作林）疎黃葉墜。野靜白鷗來。礎潤休全濕。雲晴欲半回。巫山冬可怪。昨夜有奔

雷。

□晚

閉門。杖藜尋晚巷（一作巷晚）炙背近牆暄。人見幽居僻。吾知拙養尊。朝廷問府主。耕稼學山村。歸翼飛棲定。寒燈亦

□夜二首

白夜月休弦。燈花半委（一作委半）眠。號山無定鹿。落樹有驚蟬。暫憶江東暮。兼懷雪下船。蠻歌犯星起。空（一作重）覺在天邊。

城郭悲笳暮。村墟過翼稀。甲兵年數久。賦斂夜深歸。暗樹依巖落。明河繞塞微。斗斜人更望。月細鵲休飛。

宗武生日以下九十七首居夔州作

小子何時見。高秋此日生。自從都邑語。已伴（一作律）老夫名。詩是吾家事。人傳世上情。熟精文選理。休覓綵衣輕。涸瘵筵初秩。欹斜坐不成。流霞分（一作飛）片片。一（一作幾片）涓滴就徐傾。（吳若本注宗武小名驥子曾有詩驥子好男兒）

又示宗武

覓句新知律。攤書解滿牀。試吟青玉案。莫羨（陳作帶）紫羅囊。假（一作暇）日從時飲。明年共我長。應須飽經術。已似愛文章。十五男兒志。三千弟子行。曾參與游夏。達者得升堂。

熟食日示宗文宗武

消渴游江漢。羈棲尙甲兵。幾年逢熟食。萬里逼清明。松柏印（一作邛）山路。風花白帝城。汝曹催我老。迴首淚縱橫。

又示兩兒

令節成吾老。他時見汝心。浮生看物變。爲恨與年深。長葛書難得。江州涕不禁。團圓思弟妹。行坐白頭吟。

社日兩篇

九農（一作秋豐）成德業。百祀發光輝。報効神如在。馨香舊不違。南翁巴曲醉。北雁塞聲微。尙想東方朔。談諧割肉歸。

中。陳平亦分肉。太史竟論功。今日江南老。他時渭北一作水。童歡娛看絕塞。涕淚落秋風。鴛鴦迴金闕。誰憐病峽

九日五首闕一首

重陽獨酌一云少飲。杯中酒。抱病起一作獨又作豈。登江上臺。竹葉於人既無分。菊花從此不須開。殊方日
落玄猿哭。舊國霜前白雁來。弟妹蕭條各何往。干戈衰謝兩相催。

舊日重陽日。傳杯不放杯。卽今蓬鬢改。但愧菊花開。北闕心長戀。西江首獨迴。茱萸晉作萸房。賜朝士。難得一
枝來。

舊與蘇司業。兼隨鄭廣文。采花香泛泛。一云簇簇。一云漠漠。坐客醉紛紛。野樹歌一作歌。還倚秋砧醒卻聞。
歡娛兩冥莫。西北有孤雲。

故里樊川菊。登高素滌源。他時一笑荆作醉。後今日幾人存。巫峽蟠江路。終南對國門。繫舟身萬里。伏枕淚雙
痕。爲客裁烏帽。從兒具綠尊。佳辰對一作帶。羣盜愁絕更誰吳作堪。論。

九日諸人集于林一云日高一云登高

九日明朝是。相要舊俗非。老翁難早出。賢客幸知歸。舊采黃花贖。新梳白髮微。漫看年少樂。忍淚已霑衣。

大曆二年九月二十日

爲客無時了。悲秋向夕終。瘴餘夔子國。霜薄楚王宮。草敵虛嵐翠。花禁冷葉一作蕊。紅。年年小搖落。不與故園
同。

十月一日

有瘴非全歇。爲冬亦不吳作不亦。難。夜郎溪日暖。白帝峽風寒。蒸裹如千室。焦糲一作糖。幸一杵。茲辰南國

重。舊俗自相歡。

孟冬

殊俗還多事。方冬變所爲。破甘（一作瓜）霜落爪。嘗稻雪翻匙。巫峽（吳作岫）寒都薄。烏蠻（一作沙）作黔溪。瘴遠隨。終然減灘瀾。暫喜息蛟螭。

冬至

年年至日長爲客。忽忽窮愁泥殺人。江上形容吾獨老。天邊（一作涯）風俗自相親。杖藜雪後臨丹壑。鳴玉（一作明主）朝來散紫宸。心折此時無一寸。路迷何處見（一作是）三秦。

小至

天時人事日相催。冬至陽生春又來。刺繡五紋（一作文）添弱線。吹葭六琯動飛灰。岸容待臘將舒柳。山意衝寒欲放（一作破）梅。雲物不殊鄉國異。教兒且覆掌中杯。

覽物草堂作峽中覽物

曾爲掾吏趨三輔。憶在潼關詩興多。巫峽忽如瞻華岳。蜀江猶似見黃河。舟中得病移衾枕。洞口經春長薜蘿。形勝有餘風土惡。幾時迴首一高歌。

憶鄭南珙

鄭南伏毒寺（一作守）瀟灑到江心。石影銜珠閣。泉聲帶玉琴。風杉曾曙倚。雲嶠憶春臨。萬里滄浪（陳作蒼茫）外。龍蛇只自深。

懷灞上游

悵望東陵道。平生灞上游。春濃停野騎。夜宿敞雲樓。離別人誰在。經過老自休。眼前今古意。江漢一歸舟。



愁強戲爲吳體

江草日日喚愁生。巫（一作春）峽冷冷非世情。盤渦鸞浴底心性。獨樹花發自分明。十年戎馬暗萬國。異域賓客老孤城。渭水秦山得見否。人今罷病虎縱橫。

書夢

二月饒睡昏昏然。不獨夜短晝分眠。桃花氣暖眼自醉。春渚日落夢相牽。故鄉門巷荆棘底。中原君臣豺虎邊。安得務農息戰鬪。普天無吏橫索錢。

覽鏡呈柏中丞

渭水流關內。終南在日邊。膽銷豺虎窟。淚入犬羊天。起晚堪從事。行遲更學（舊作覺）仙。鏡中衰謝色。萬一故人憐。

卽事

暮春三月巫峽長。晶晶行雲浮（一作無）日光。雷聲忽送千峯雨。花氣渾如百和香。黃鶯過水翻迴去。燕子銜泥溼不妨。飛閣捲簾圖畫裏。虛無只少對瀟湘。

卽事 一云天畔

天畔羣山孤草亭。江中風浪雨冥冥。一雙白魚不受釣。三寸黃甘猶自青。多病馬卿無日起。窮途阮籍幾時醒。未開細柳散金甲。腸斷秦川（一作州）流濁涇。

悶

瘴癘浮三蜀。風雲暗百蠻。卷簾唯白水。隱几亦青山。猿捷長難見。鷗輕故不還。無錢從滯客。有鏡巧催顏。

戲作俳諧體遣悶二首

異俗可吁怪。斯人難並居。家家養烏鬼。頓頓食黃魚。舊識能（一作難）爲態。新知已暗疏。治生且耕鑿。只有不關（一作開）渠。

西歷青羌坂。（一作坂）南留白帝城。於菟（一作穀於）侵客恨。粧妝作人情。瓦卜傳神語。畚田費火聲。（一作耕）是非何處定。高枕笑浮生。（頃歲自秦涉隴從同谷縣出遊蜀留滯於巫山也）

得舍弟觀書自中都已達江陵。今茲暮春月。末行李合到夔州。悲喜相兼。團圓可待。賦詩卽事情。見乎詞爾。（晉作過）江陵府。何時到峽州。亂離生有別。聚集病應瘳。颯颯開啼眼。朝朝上水樓。老身須付託。白骨更何憂。

喜觀卽到復題短篇二首

巫峽千山暗。終南萬里春。病中吾見弟。書到汝爲人。意（一作竟）答兒童問。來經戰伐新。泊船悲喜後。款款話（一作議）歸秦。

待爾嗔烏鵲。拋書示鶴鴿。枝間喜不去。原上急曾經。江閣嫌津柳。風帆數驛亭。應論十年事。愁（一作撚）絕始星。

舍弟觀歸藍田迎新婦送示兩篇

汝去迎妻子。高秋念卻迴。卽今螢已亂。好與雁同來。東望西江水。（一作永）南遊北戶開。卜居期靜處。會有故人杯。

楚塞難爲路。（一作別）藍田莫滯留。衣裳判白露。鞍馬信清秋。滿峽重江水。開帆八月舟。此時同一醉。應在仲宣樓。

第五弟豐獨在江左近三四載寂無消息覓使寄此二首

亂後嗟吾在。羈棲見汝難。草黃騏驥病。沙晚（一作暖）鵲鴿寒。楚設關城險。吳吞水府寬。十年朝夕淚。衣袖不曾乾。

聞汝依山寺。杭州定越州。風塵淹別日。江漢失（一作共）清秋。影著啼猿樹。魂飄結蜃樓。明年下春水。東盡白雲求。（一作遊）

舍弟觀赴藍田取妻子到江陵喜寄三首

汝迎妻子達荊州。消息真傳解我憂。鴻雁影來連峽內。鵲鴿飛急到沙頭。曉關險路今虛遠。禹鑿寒江正穩流。朱紱即當隨綵鷁。青春不假報黃牛。

馬度（一作瘦）秦關（吳作山）。雪正深。北來肌骨苦寒侵。他鄉就我生春色。故國移居見客心。剩欲（一作歡劇）提攜如意舞。喜多行坐白頭吟。巡簷索共（一作近）梅花笑。冷藥（一作落）疏枝半不禁。

庾信羅含俱有宅。春來秋去作誰家。短牆若在從殘草。喬木如存可假花。卜築應同蔣詡徑。爲園須似邵平瓜。比年（一作因）病（一作斷）。酒開涓滴。弟勸兄酬何怨嗟。

江雨有懷鄭典說

春雨闌闌塞（一作發）。峽中早晚來自楚王宮。亂波分披已打岸。弱雲狼藉不禁風。寵光蕙葉與多碧。點注桃花舒小紅。谷口子真正憶汝。岸高瀼滑（一作闕）限西東。

王十五前閣會

楚岸收新雨。春臺引細風。情人來石上。鮮鱸出江中。隣舍煩書札。肩輿強老翁。病身虛俊味。何幸飫兒童。

寄韋有夏郎中

省郎憂病士。書信有柴胡。飲子頻通汗。懷君想報珠。親知天畔少。藥味峽中無。歸楫生衣臥。春鷗洗翅呼。猶聞上

急水早作取平途。萬里皇華使。爲僚記腐儒。

陪柏中丞觀宴將士二首

姚。極樂三軍士。誰知百戰場。無私齊綺饌。久坐密金章。醉客審鸚鵡。佳人指鳳凰。幾時來翠節。特地引紅妝。繡段裝簷額。金花帖鼓腰。一夫先舞劍。百戲後歌樵。一作鏢。江樹城孤遠。雲臺使寂寥。漢朝頻選將。應拜霍嫖姚。

七月一日題終明府水樓二首

高棟曾軒已自涼。秋風此日灑衣裳。翛然欲下陰山雪。不去非無漢署香。絕壁過雲開錦繡。疏松夾水奏笙簧。看君宜著王喬履。真賜還疑出尙方。終明府功曹也。兼攝奉節令。故有此句。佇觀奏卽真也。

宓子彈琴邑宰日。終軍棄繻英妙時。承家節操尙不泯。何政風流今在茲。可憐賓客盡傾蓋。何處老翁來賦詩。楚江巫峽半雲雨。清簟疏簾看弈碁。

季秋蘇五弟纓江樓夜宴崔十三評事韋少府姪三首

紗。峽險江驚急。樓高月迴明。一時今夕會。萬里故鄉情。星落黃姑渚。秋辭白帝城。老人因酒病。堅坐看君傾。明月生長好。浮雲薄漸。晉作暫。遮悠悠照邊塞。悄悄憶京華。清動杯中物。高隨海上查。不眠瞻白兔。百過落烏

降。對月那無酒。登樓况有江。聽歌驚白鬢。笑舞拓秋牕。尊蟻添相續。沙鷗並一雙。盡憐君醉倒。更覺片。一作我。心

九月一日過孟十二倉曹十四主簿兄弟

藜杖侵寒露。蓬門啓曙烟。力稀經樹歇。老困撥書眠。秋覺追隨盡。來因孝友偏。清談見滋味。爾輩可忘年。

過客相尋

窮老真無事。江山已定居。地幽忘盥櫛。客至罷琴書。挂壁移筐果。呼兒問一作闔。煮魚時。聞繫舟楫。及此問吾廬。

孟倉曹步趾領新酒醬二物滿器見遺老夫

楚岸通秋屐。胡牀面夕畦。藉糟分汁滓。甕醬落提攜。飯糲添香味。朋來有醉泥。理生那免俗。方法報山妻。

柳司馬至

有使歸三峽。相過問兩京。函關猶出將。渭水更屯兵。設備邯鄲道。和親邏些城。幽燕唯鳥去。商洛少人行。衰謝身何補。蕭條病轉嬰。霜天到宮闕。戀主寸心明。

簡吳郎司法

有客乘舸自忠州。遣騎安置瀼西頭。古堂本買藉疏豁。借汝遷居停宴遊。雲石煒煒高葉曙一作曉。風江颯颯亂帆秋。卻爲姻婭過逢地。許坐曾軒數散愁。

又呈吳郎

堂前撲棗任西隣。無食無兒一婦人。不爲困窮寧有此。祗緣恐懼轉須親一作知。遠客雖多事。使一作便插疏籬。卻甚真。已訴徵求貧到骨。正思戎馬淚盈巾。

覃山人隱居

南極老人自有星。北山移文誰勒銘。徵君已去獨松菊。哀壑無光留戶庭。予見亂離不得已。子知出處必須經。高車駟馬帶傾覆。悵望秋天虛翠屏。

柏學士茅屋

碧山學士焚銀魚。白馬卻走身巖居。古人已用三冬足。年少今（一作曾）開萬卷餘。晴雲滿戶團傾蓋。秋水浮塔溜決渠。富貴必從勤苦得。男兒須讀五車書。

題柏大兄弟山居屋壁二首

叔父朱門貴。郎君玉樹高。山居精典籍。文雅涉風騷。江漢終吾老。雲林得爾曹。哀絃繞白雪。未與俗人操。野屋流寒水。山籬帶薄雲。靜應連虎穴。喧已去人羣。筆架霑牕雨。書籤映隙曛。蕭蕭千里足（荆作馬）箇箇五花文。

戲寄崔評事表姪蘇五表弟章大少府諸姪

隱豹深愁雨。潛龍故起雲。泥多仍徑曲。心醉阻賢羣。忍待江山麗。還披鮑謝文。高樓憶疏豁。秋興坐氛氳。

秋日寄題鄭監湖上亭二首

碧草逢（一作逢）春意。沉湘萬里秋。池要山簡馬。月淨（一作靜）庾公樓。磨滅餘篇翰。平生一釣舟。高唐寒浪滅（一作滅）鬢髯識昭邱。

新作湖邊宅。還聞賓客過。自須開竹逕。誰道避雲蘿。官序潘生拙。才名賈傅多。捨舟應轉（一作卜）地。鄰接意如何。

蹇阻（一作住）蓬萊閣。終爲江海人。揮金應物理。拖玉豈吾身。羹煑秋葍滑（一作弱）杯迎（一作疑）露菊新。賦詩分氣象。佳句莫頻頻。

謁真諦寺禪師

蘭若山高處。烟霞嶂（一作嶂）幾重。凍泉依細石。晴雪落長松。問法看詩忘（一作妄）觀身向酒慵。未能割妻子。卜宅近前峯。

別崔湜因寄薛據孟雲卿內弟湜赴湖南幕職

志士惜妄動。知深（陳作深知）難固辭。如何久磨礪。但取不磷緇。夙夜聽憂主。飛騰急濟時。荊州過（晉作遇）薛孟。爲報欲論詩。

送李八祕書赴杜相公幕

青簾白舫益州來。巫峽秋濤天地迴。石出倒聽楓葉下（澠頭堆）櫓搖皆（一作背）指菊花開。貪趨相府今晨發。恐失佳期後命催。南極一星朝北斗。五雲多處是三台。

巫峽敝廬奉贈侍御四舅別之澧朗

江城日落山鬼閉。門中行李淹吾舅。誅茅問老翁。赤眉猶世亂。青眼只途窮。傳語桃源客。人今出處同。

奉送十七舅邵桂

絕域三冬暮。浮生一病身。感深辭舅氏。別後見何人。縹緲蒼梧帝。推遷孟母隣。昏昏阻雲水。側望苦傷神。

送覃二判官

先帝（一作皇）弓劍遠。小臣餘此生。蹉跎病江漢。不復謁承明。餞爾白頭日。永懷丹鳳城。遲遲戀屈宋。渺渺臥荆衡。魂斷航舸失。天寒沙水清。肺肝若稍愈。亦上赤霄行。

季夏送鄉弟詔陪黃門從叔朝謁

令弟尙爲蒼水使。名家莫出杜陵人。北來相國兼安蜀。歸赴朝廷已入秦。捨舟策馬論兵地。拖玉腰金報主身。莫度清秋吟蟋蟀。早聞黃閣畫麒麟。

送十五弟侍御使蜀

喜弟文章進。添余別興牽。數盃巫峽酒。百丈內江船。未息豺狼鬪。空催犬馬年。歸朝多便道。搏擊望秋天。

強。
送田四弟將軍將夔州柏中丞命起居江陵節度陽城郡王衛公墓一云夔府送田將軍赴江陵
離筵罷多酒。起地發寒塘。迴首中丞座。馳牋異姓王。燕辭楓樹日。雁度麥城霜。空晉作定醉山翁酒。遙憐似葛

送王十六判官

留。
客下荆南盡。君今復入舟。買薪猶白帝。鳴櫓少一作已沙頭。衡霍生春早。瀟湘共漢浮。荒林庾信宅。爲仗主人

奉送卿二翁統節度鎮軍還江陵

何時見息兵。
火旗還錦纜。白馬出江城。嘹唳吟一作鳴笳發。蕭條列浦清。寒空巫峽曙。落日渭陽明。一作情留滯嗟衰疾。

送鮮于萬州遷巴州

他日有殊恩。
京兆先時傑。琳琅照一門。朝廷偏注意。一作璽接近與名藩。祖帳排陳作維舟數。寒江觸石喧。看君妙爲政。

寄杜位頃者與位同在故殿尙書幕

書兩行淚。霑灑哀新詩。
寒日經簷短。窮猿失木悲。峽中一作筵爲客恨。江上一作並憶君時。天地身何在。吳作往風塵病敢辭。封

奉寄李十五祕書二首文嶷

陳作且遲。一作輕。一作輕。一作輕。
避暑雲安縣。秋風早下來。暫留刊作之魚復浦。同過楚王臺。猿鳥千崖窄。江湖萬里開。竹枝歌未好。畫舸莫一

行李千金贈。衣冠八尺身。飛騰知有策。意度不無神。珠秩兼通貴。公侯出異人。元成負文彩。世業豈沉淪。

奉送韋中丞之晉赴湖南

寵渥徵黃漸。權宜借寇頻。湖南安背水。峽內憶行春。王室仍多故。蒼生倚大臣。還將徐孺子。一作楊處處待高人。

送李功曹之荊州充鄭侍御判官重贈

曾聞宋玉宅。每欲到荊州。此地生涯晚。遙悲一作通水國秋。孤城一柱觀。落日九江流。使者雖光彩。青楓遠自愁。

送孟十二倉曹赴東京選

君行別老親。此去苦家貧。藻鏡留連客。江山憔悴人。秋風楚竹冷。夜雪鞏梅春。朝夕高堂念。應宜綵服新。

憑孟倉曹將書覓土婁舊莊

平居喪亂後。不到洛陽岑。爲歷雲山問。無辭荆棘深。北風黃葉下。南浦白頭吟。十載江湖客。茫茫遲暮心。

別蘇徯赴湖南幕

故人有遊子。棄擲傍天隅。他日憐才命。居然屈壯圖。十年猶塌翼。絕倒爲驚吁。消渴今如在。提攜愧老夫。豈知臺閣舊。先陳作洗拂鳳凰雛。得實翻蒼竹。棲枝把翠梧。北辰當宇宙。南岳據江湖。國帶風塵色。兵張虎豹符。數論封內事。揮發府中趨。贈爾一作汝秦人策。莫鞭轅下駒。

存歿口號二首

席謙不見近彈棋。畢耀仍傳舊小詩。玉局他年無限笑。一作事白楊今日幾人悲。道士席謙善彈棋故曰玉局鄭公粉繪隨長夜。曹霸丹青已白頭。天下何曾有山水。人間不解重驂騑。高士滎陽鄭虔善畫山水曹霸善畫

馬也)

奉漢中王手札報韋侍御蕭尊師亡

秋日蕭韋逝。淮王報峽中。少(一作小)年疑柱史。多術怪仙公。不但時人惜。祇應吾道窮。一哀侵疾病。相識自兒童。處處鄰家笛。飄飄客子蓬。強吟懷舊賦。已作白頭翁。

哭王彭州掄

執友驚淪沒。斯人已寂寥。新文生沈謝。異骨降松喬。北部初高選。東堂早見招。蛟龍纏倚劍。鸞鳳夾吹簫。歷職漢庭久。中年胡馬驕。兵戈闔(一作聞)兩觀。寵辱事三朝。蜀路江干(一作干戈)窄。彭門(一作關)地里遙。解龜生碧草。諫獵阻清霄。頃壯戎塵出。叨陪幕府要。將軍臨氣候。猛士塞風飈。井漏(一作堞)一作滿。泉誰汲。烽疎火不燒。前籌自多暇。(一作假)隱几接終朝。翠石俄雙表。寒松竟後凋。贈詩焉敢墜。染翰欲無聊。再哭經過罷。離魂去住銷。之官方玉折。寄葬與萍漂。曠望渥洼道。霏微河漢橋。夫人先卽世。令子各清標。巫峽長雲雨。秦城近斗杓。馮唐毛髮白。歸興日蕭蕭。

見螢火

巫山秋夜螢火飛。簾疏巧入坐人衣。忽驚屋裏裏琴書冷。復亂簷邊星宿稀。卻繞井欄添箇箇。偶經花藥弄輝輝。滄江白髮愁看汝。來歲如今歸未歸。

吹笛

吹笛秋山風(一云風山)月清。誰家巧作斷腸聲。風飄律呂相和切。月傍(草堂作倚)關山幾處明。胡騎中宵堪北走。武陵一曲想南征。故園楊柳今搖(一作摧)一作花。落何得愁中曲(王原叔得甫詩。葉曲作卻)盡生(何仲默七律本於此種)

孤雁一云後飛雁

孤雁不飲啄。飛鳴聲念羣。一作聲聲飛念羣誰憐一片影。相失萬重雲。一作斷似猶見。哀多如更一作更復。聞野鴟無意緒。鳴噪自一作亦紛紛。

鷓鴣

江浦寒鷓戲。無他亦自饒。卻思翻玉羽。隨意點春苗。雪暗還須浴。一作落風生一任飄。幾羣滄海上。清影日蕭蕭。

猿

鼻鼻啼虛壁。蕭蕭挂冷枝。艱難人不見。一作免隱見爾如知。慣習元從衆。全生或用奇。前林騰每及。父子莫相離。

黃魚

日見巴東峽。黃魚出浪新。脂膏兼飼犬。長大不容身。筒桶一作筩相沿久。風雷肯爲神。一作伸泥沙卷涎沫。迴首怪龍鱗。

白小

白小羣分命。天然二寸魚。細微霑水族。風俗當園蔬。入肆銀花亂。傾箱雪片虛。生成猶拾一作捨。卵盡取義何如。

麝

永與清溪別。蒙將玉饌俱。無才逐仙隱。不敢恨庖廚。亂世輕全物。微聲及禍樞。衣冠兼盜賊。饕餮用斯須。

鷄

紀德名標五。初鳴度必三。殊方聽有異。失次曉無慚。問俗人情似。充庖爾輩堪。氣交亭育際。巫峽漏司南。

□玉腕騮

聞說荆南馬。尙書玉腕騮。頓驂（陳作驂驪）飄赤汗。踟躕顧長楸。胡鹵三年入。乾坤一戰收。舉鞭如有問。欲伴習池遊。

□見王監兵馬使說近山有白黑二鷹羅者久取竟未能得王以爲毛骨有異他鷹恐臘後春生鶩飛避暖勁翮思秋之甚眇不可見請余賦詩

雪（別本俱作雲）飛玉立盡清秋。不惜奇毛恣遠遊。在野只教心力（一作膽）破千（晉作干或作于）人何事網羅求。一生自獵知無敵。百中爭能恥下鞲。鵬礙九天須卻避。免藏（一作經）三穴（一作營三窟）莫深憂。

黑鷹不省人間有。度海疑從北極來。正翮搏風超紫塞。立（陳作元）多幾夜宿陽臺。虞羅自各虛施巧。春雁同歸必見猜。萬里寒空祇一日。金眸玉爪不（刊作未）凡材。

□太歲日以下五十五首大歷三年正月起峽中至江陵及湖南作

楚岸行將老。巫山坐復春。病多猶是客。謀拙竟何人。閭闔開黃道。衣冠拜紫宸。榮光懸日月。賜與出金銀。愁寂鴛行斷。參差虎穴鄰。西江元下蜀。北斗故臨秦。散地逾高枕。生涯脫要津。天邊梅柳樹。相見幾迴新。

□元日示宗武

汝啼吾手戰。吾笑汝身長。處處逢正月。迢迢滯遠方。飄零還柏酒（一作葉）衰病只黎床。訓喻青衿子。名漸白首郎。賦詩猶落筆。獻壽更稱觴。不見江東弟。高歌淚數行。（第五弟豐漂泊江左近無消息）

□遠懷舍弟穎觀等

陽翟空知處。荆南近得書。積年仍遠別。多難不安居。江漢春風起。冰霜昨夜除。雲天猶錯莫。花萼尙蕭疏。對酒都

疑夢吟詩正憶渠。舊時元日會鄉黨。羨吾廬。

續得觀書迎就當陽居。止正月中旬定出三峽。

自汝到荆府。書來數喚吾。頌椒添諷詠。禁火卜歡娛。(一作呼)舟楫因人動。形骸用杖扶。天旋夔子國。春近岳陽湖。發日排南喜。傷神散北吁。飛鳴還接翅。行序密銜蘆。俗薄江山好。時危草木蘇。馮唐雖晚達。終覬在皇都。

將別巫峽贈南卿兄襄西果園四十畝

苦竹素所好。萍蓬無(一作不)定居。遠遊長兒子。幾地別林廬。雜藥紅相對。他時錦不如。具舟將出峽。巡圃念攜鋤。正月喧鶯末。茲辰放鷓初。雪籬梅可折。風榭柳微舒。託贈卿家有。因歌野興疏。殘生逗(陳作逗)江漢。何處狎樵漁。

送大理封主簿五郎親事不合卻赴通州主簿前閬州賢子余與主簿平章鄭氏女子垂欲納一有采字鄭

氏伯父京書至女子已許他族親事遂停

禁樹去東床。趨庭赴北堂。風波空遠涉。琴瑟幾(音洎)虛張。渥水出騏驥。峴山生鳳皇。兩家誠款款。中道許蒼蒼。頗謂秦晉匹。從來王謝郎。青春動才調。白首缺輝光。玉潤終孤立。珠明得闇藏。餘寒折花卉。恨別滿江鄉。

人日兩篇

元日到人日。未有不陰時。冰雪飄難至。春寒花較遲。雲隨白水落。風振紫山悲。蓬鬢稀疏久。無勞比素絲。此日此時人共得。一談一笑俗相看。尊前柏葉休隨酒。勝裏金花巧耐寒。佩劍衝星聊暫拔。匣琴流水自須彈。早春重引江湖興。直道無憂行路難。

江梅

梅蘂臘前破。梅花年後多。絕知春意好。(一作早)最奈客愁何。雪樹元(一作能)同色。江風亦自波。故園不可見。

巫岫鬱嵯峨。

庭草

楚草經寒碧。庭春入眼濃。舊低收葉舉。新掩卷牙重。步履宜輕過。開筵得屢供。看花隨節序。不敢強爲容。

大歷三年春白帝城放船出瞿唐峽久居夔府將適江陵漂泊有詩凡四十韻

老向巴人裏。今辭楚塞隅。入舟翻不樂。解纜獨長吁。窄轉深啼狖。虛隨亂（一作落）浴鳧。石苔凌几杖。空翠撲肌膚。疊壁排霜劍。奔泉濺水珠。杳冥藤上下。濃淡樹榮枯。神女峯娟妙。昭君宅有無。曲留明怨惜（一作別）。夢盡失歡娛。擺闔盤渦沸。欹斜激浪輸。風雷纏地脈。冰雪耀天衢。鹿角（灘名）真走險。狼頭（灘名）如跋胡。惡灘寧變色。高臥負微軀。書史全傾撓。裝囊半壓濡。生涯臨臬兀。死地脫斯須。不有平川決（一作快）。焉知衆壑趨。乾坤蠶漲海。雨露洗春蕪。鷗鳥牽絲颺。驪龍溜錦紆。落霞沈綠綺。殘月壞金樞。泥筍苞初荻。沙茸出小蒲。雁兒爭水馬。燕子逐橋烏。絕島容烟霧。環洲納曉晡。前聞辨陶牧。轉眄拂宜都。縣郭南畿好（路入松滋縣）。津亭北望孤。勞心依憩息。朗詠劃昭蘇。意遣樂還笑。衰迷賢與愚。飄蕭將素髮。汨沒聽洪鑪。丘壑曾忘返。文章敢自誣。此生遭聖代。誰分哭窮途。臥疾淹爲客。蒙恩早廁儒。廷爭酬造化。樸直乞（去）。汝湖灑滄險。相迫滄浪深可逾。浮名尋已已。懶計卻區區。喜近天皇寺。先披古畫圖（此寺有晉右軍書張僧繇畫孔子泊顏子十哲形像）。應經帝子渚。同泣舜蒼梧。朝士兼戎服。君王按湛盧。旄頭初傲擾。鶉首麗泥塗。甲卒身雖貴。書生道固殊。出塵皆野鶴。歷塊匪轅駒。伊呂終難降。韓彭不易呼。五雲高太甲。六月曠搏扶。回首黎元病。爭權將帥誅。山林託疲茶。未必免崎嶇。

巫山縣汾州唐使君十八弟宴別兼諸公攜酒樂相送率題小詩留于屋壁

臥病巴東久。今年強作歸。故人猶遠謫。茲日倍多違。接宴身兼杖。聽歌淚滿衣。諸公不相棄。擁別借光輝。

春夜峽州田侍御長史津亭留宴得筵字

北斗三更席。西江萬里船。杖藜登水榭。揮翰宿春天。白髮煩一作須多酒。明星惜此筵。始知雲雨峽。忽盡下牢邊。

泊松滋江亭

紗帽隨鷗鳥。扁舟繫此亭。江湖深更白。松竹遠微青。一柱全應近。高唐莫再經。今宵南極外。甘作老人星。

行次古城店汎江作不揆鄙拙奉呈江陵幕府諸公

老年常道路。遲日復山川。白屋花開裏。孤城麥秀邊。濟江元自闊。下水不勞牽。風蝶勤依槳。春鷗懶避船。王門高德業。幕府盛才賢。行色兼多病。蒼茫汎愛前。

乘雨入行軍六弟宅

曙角凌雲罷。春城帶雨長。水花分塹弱。巢燕得泥忙。令弟雄軍佐。凡才汚省郎。萍漂忍流涕。衰颯近中堂。

宴胡侍御書堂李尚書之芳鄭祕監審同集歸字韻

江湖春欲暮。牆宇日猶微。閭闔春吳作書籍滿。輕輕花絮飛。翰林名有素。墨客興無違。今夜文星動。吾儕醉不歸。

書堂飲既夜復邀李尚書下馬月下賦絕句

湖水一作月林風相與清。殘尊下馬復同傾。久拚野鶴如霜鬢。遮莫鄰雞下五更。

上巳日徐司錄林園宴集

鬢毛垂領白。花蘂亞枝紅。欹倒衰年廢。招尋令節同。薄一作蕩衣臨積水。吹面受和風。有喜留攀桂。無勞問轉蓬。

□ 奉送蘇州李二十五長史丈之任

星坼台衡地。曾爲人所憐。公侯終必復。經術昔（吳作竟）相傳。食德見從事。克家何妙年。一毛生鳳穴。三尺獻龍泉。赤壁浮春暮。姑蘇落海邊。客閒頭最白。惆悵此離筵。

□ 暮春江陵送馬大卿公恩命追赴闕下

自古求忠孝。名家信有之。吾賢富才術。此道未磷緇。玉府標孤映。霜蹄去不疑。激揚音韻徹。籍甚衆多推。潘陸應同調。孫吳亦異時。北辰徵事業。南紀赴恩私。卿月昇金掌。王春度玉墀。薰風行應律。湛露卽歌詩。天意高難問。人情老易悲。尊前江漢闊。後會且深期。

□ 暮陪李尙書李中丞過鄧監湖亭汎舟得過字韻

海內文章伯。湖邊意緒多。玉尊移晚興。桂楫帶酣歌。春日繁魚鳥。江天足芰荷。鄧莊賓客地。衰白遠來過。

□ 奉送蜀州柏二別駕將中丞命赴江陵起居衛尙書太夫人因示從弟行軍司馬佐

中丞間俗畫熊頻。愛弟傳書彩鷁新。遷轉五州防禦使。起居八座太夫人。楚宮臘送荆門水。白帝雲偷碧海春。報

與惠連詩不惜。知吾斑鬢總如銀。

□ 夏日楊長寧宅送崔侍御常正字入京得深字韻

醉酒揚雄宅。升堂子賤琴。不堪垂老鬢。還對欲分襟。天地西江遠。星辰北斗深。烏臺俯麟閣。長夏白頭吟。

□ 和江陵宋大少府暮春雨後同諸公及舍弟宴書齋

渥洼汗血種。天上麒麟兒。才士得神秀。書齋聞爾爲。棣華晴雨好。綵服暮春宜。朋酒日歡會。老夫今始知。

□ 夏夜李尙書筵送宇文石首赴縣聯句

愛客尙書重。之官宅相賢（子美）。酒香傾坐側。帆影駐江邊（之芳）。翟表郎官瑞。鳧看令宰仙（或）。雨稀雲葉斷。

夜久燭花偏。(子美)數語歇。(一作敲)紗帽。高文擲彩箋。(之芳)興饒行處樂。離惜醉中眠。(或)單父長多暇。河陽實少年。(子美)客居逢自出。爲別幾悽然。(之芳)

宇文晁尙書之甥崔彥司業之孫尙書之子重泛鄭監前湖

郊扉俗遠長幽寂。野水春來更接連。錦席淹留還出浦。葛巾欹側未迴船。尊當霞綺輕初散。棹拂荷珠碎卻圓。不但習池歸酌酎。君看鄭谷去蚤緣。

多病執熱奉懷李尙書之芳

衰年正苦病侵凌。首夏何須氣鬱蒸。大水淼茫炎海接。奇峯硤兀火雲升。思雷道喝黃梅雨。敢望宮恩玉井冰。不是尙書期不顧。山陰野雪與難乘。

水宿遣興奉呈羣公

魯鈍仍多病。逢迎遠復迷。耳聾須畫字。髮短不勝篦。澤國雖勤雨。炎天竟淺泥。小江還積浪。弱纜且長堤。歸路非關北。行舟卻向西。暮年漂泊恨。今夕(一作久客)亂離啼。童稚頻書札。盤餐詎糝藜。我行何到此。物理直難齊。高枕翻星月。嚴城疊鼓鞞。風號聞虎豹。水宿伴鳧鷖。異縣驚虛往。同人惜解攜。蹉跎長汎鶴。展轉屢鳴雞。嶷嶷珊瑚器。陰陰桃李蹊。餘波期救涸。費日苦輕賈。支策門闌邃。肩輿羽翮低。自傷甘賤役。誰愍強幽棲。巨海能無釣。浮雲亦有梯。勸庸思樹立。語默可端倪。贈粟困應指。登橋柱必題。丹心老未折。時訪武陵溪。

奉賀陽城郡王太夫人恩命加鄧國太夫人陽城郡王衛伯玉也

衛幕銜恩重。潘輿送喜頻。濟時瞻上將。錫號戴慈親。富貴當加此。尊榮邁等倫。郡依封土舊。國與大名新。紫誥鸞迴紙。清朝燕賀人。遠傳冬筍味。更覺綵衣春。奕葉班姑史。芬芳孟母鄰。義方兼有訓。詞翰兩如神。委曲承顏體。鸞飛報主身。可憐忠與孝。雙美畫麒麟。

□ 江陵望幸

雄都元壯麗。望幸歛威神。地利西通蜀。天文北照秦。風烟含越鳥。舟楫控吳人。未枉周王駕。終期漢武巡。甲兵分聖旨。居守付宗臣。早發雲臺仗。刊作路。恩波起涸鱗。

□ 江邊星月二首

驟雨清秋夜。金波耿玉繩。天河元自白。江浦一作渚。向來澄。映物連珠斷。緣空一鏡升。餘光隱一作憶。曳漏况乃露華凝。

江月辭風纜。一作作檻。江星別霧。一作露。船雞鳴還曙。一作曉。色鷺浴自清川。歷歷竟誰種。悠悠何處圓。客愁殊未已。他夕始相鮮。

□ 舟月對驛近寺

更深不假燭。月朗自明船。金刹青楓外。朱樓白水邊。城烏啼眇眇。野鷺宿娟娟。皓首江湖客。鉤簾獨未眠。

□ 舟中

風餐江柳下。雨臥驛樓邊。結纜排魚網。連檣並米船。今朝雲細薄。昨夜月清圓。飄泊南庭老。祇應學水仙。

□ 遣悶

地闊平沙岸。舟虛小洞房。使塵來驛道。城日避烏橋。一作橋。暑雨留蒸濕。江風借夕涼。行雲星隱見。疊浪月光芒。螢鑿綠帷徹。蛛絲冒鬢長。哀箏猶凭几。鳴笛竟霑裳。倚著如秦贅。過逢類楚狂。氣衝看劍匣。脫穎撫囊囊。妖孽關東臭。兵戈隴右瘡。時清疑武略。世亂踟文場。餘力浮于海。端憂問彼蒼。百年從萬事。故國耿難忘。

□ 江陵節度陽城郡王新樓成王請嚴侍御判官賦七字句同作

樓上炎天冰雪生。高飛燕雀賀新成。碧窗宿霧濛濛濕。朱拱浮雲細細輕。杖鉞褰帷瞻具美。投壺散帙有餘清。自

公多暇延參佐。江漢風流萬古情。

又作此奉衛王

西北樓成雄楚都。遠開山岳散江湖。二儀清濁還高下。三伏炎蒸定有無。推轂幾年唯鎮靜。曳裾終日盛文儒。白頭授簡焉能賦。媿似相如爲大夫。

舟一有中字出江陵南浦奉寄鄭少尹

更欲投何處。飄然去此都。形骸元土木。舟楫復江湖。社稷纏妖氣。干戈送老儒。百年同棄物。萬國盡窮途。雨洗平沙靜。天銜闔岸紆。鳴蜩隨泛梗。別燕起秋菰。棲託難高臥。飢寒迫向隅。寂寥相响沓。浩蕩報恩珠。溟漲鯨波動。衡陽雁影徂。南征問懸榻。東逝想乘桴。濫竊商歌聽。時憂卞泣誅。經過憶鄭驛。斟酌旅情孤。

江南逢李龜年

岐王宅裏尋常見。崔九堂前幾度聞。正是（友議作值）江南好風景。落花時節又逢君。

官亭夕坐戲簡顏十少府

南國調寒杵。西江浸日車。客愁連蟋蟀。亭古帶蒹葭。不返青絲鞵。虛燒夜燭花。老翁須地主。細細酌流霞。

秋日荆南述懷三十韻

昔承推獎分。媿匪挺生材。遲暮宮臣忝。艱危衰職陪。揚鑣（樊作鞭）隨日馭。折檻出雲臺。罪戾寬猶活。干戈塞未開。星霜玄鳥變。身世白駒催。伏枕因超忽。扁舟任往來。九鑽巴嶼火。三蟄楚祠雷。望帝傳應實。昭王問不迴。蛟螭深作橫。豺虎亂雄猜。素業行已矣。浮名安在哉。琴鳥曲怨憤。庭鶴舞摧頽。秋雨漫湘水。一云秋水漫湘竹。陰風過嶺口。苦搖求食尾。常曝報恩鰓。結舌防讒柄。探腸有禍胎。蒼茫步兵哭。展轉仲宣哀。飢籍（入聲）家家米。愁徵處處盃。休爲貧士嘆。任受衆人咍。得喪初難識。榮枯劃易該。差池分組冕。合沓起蒿萊。不必伊周地。皆知（一作登）屈宋才。

漢庭和異域。晉史圻中台。霸業尋常體。忠臣忌諱災。羣公紛戮力。聖慮宵（樊作容）徘徊。數日銘鐘鼎。真宜法斗魁。願聞鋒鏑鑄。莫使棟梁摧。盤石圭多剪。凶門穀少推。垂旒資穆穆。祝網但恢恢。赤雀翻然至。黃龍詎（一作不）假媒。賢非夢傅野。隱類鑿顏坏。自古江湖客。冥心若死灰。

■秋日荆南送石首薛明府辭滿告別奉寄薛尚書頌德敘懷斐然之作三十韻

南征爲客久。西候別君初。歲滿歸鳧鳥。秋來把雁書。荆門留美化。姜被就離居。聞道和親入。垂名報國餘。連枝不日並。八座幾時除。往者胡星孛。恭惟漢網疏。風塵相頌洞。天地一丘墟。殿瓦鴛鴦圻。宮簾翡翠虛。鉤陳摧徼道。槍纍失儲胥。文物陪巡守。親賢病拮据。公時呵猘貽。首唱卻鯨魚。勢愜宗蕭相。（郭令公）材非一范睢。（諸名將）屍填太行道。血走浚儀渠。溢口師仍會。函關憤已據。紫微臨大角。皇極正乘輿。賞從頻峨冕。殊私再直廬。（公舊執金吾新授羽林前後二將軍）豈惟高衛霍。曾是接應徐。降集翻翔鳳。追攀絕衆狙。侍臣雙宋玉。戰策兩穰苴。鑿澈勞懸鏡。荒蕪已荷鋤。嚮來披述作。（石首處見公新文一卷）重此憶吹噓。白髮甘凋喪。青雲亦卷舒。經綸功不朽。跋涉體何如。（公頃奉使和蕃已見上）應訝耽湖橘。常餐占野蔬。十年嬰藥餌。萬里狎樵漁。楊子淹投閣。鄒生惜曳裾。但驚飛熠燿。不記改蟾蜍。煙雨封巫峽。江淮略孟諸。湯池雖險固。遼海尙填淤。努力輸肝膽。休煩獨起予。

■哭李尚書之芳

漳濱與蒿里。逝水竟同年。欲掛留徐劍。猶迴憶戴船。相知成白首。此別問黃泉。風雨嗟何及。江湖涕泫然。修文將管輅。奉使失張騫。史閣行人在。詩家秀句傳。客亭鞍馬絕。旅棧網蟲懸。復魄昭丘遠。歸魂素滻偏。樵蘇封葬地。喉舌罷朝天。秋色凋春草。王孫若箇邊。

■重題

涕泗不能收。哭君余（一作餘）白頭。兒童相識（一作願）盡。宇宙此生浮。江雨銘旌濕。湖風井迳秋。還瞻魏太子。

賓客減應劉。(李公歷禮部尚書薨于太子賓客)

獨坐

悲愁(一作秋)迴白首。倚杖背孤城。江斂洲渚出。天虛風物清。滄溟服(一作恨)衰謝。朱紱負平生。仰羨黃昏鳥。投林羽翮輕。

暮歸

霜黃碧梧白鶴棲。城上擊柝復烏啼。客子入門月皎皎。誰家搗練風淒淒。南渡桂水關舟楫。北歸秦(一作洛)川多鼓鞞。年過半百不稱意。明日看雲還杖藜。

移居公安敬贈衛大郎鈞

衛侯不易得。余病汝知之。雅量涵高遠。清襟照等夷。平生感意氣。少小愛文辭。河海由來合。風雲若有期。形容勞宇宙。質朴謝軒墀。自古幽人泣。流年壯士悲。水煙通徑草。秋露接園葵。入邑豺狼鬪。傷弓鳥雀饑。白頭供宴語。烏几伴棲遲。交態遭輕薄。今朝豁所思。

公安送韋二少府匡贊

逍遙公後世多賢。送爾維舟惜此筵。念我能書(一作常能)數字至。將詩不必萬人傳。時危兵甲黃塵裏。日短江湖白髮前。古往今來皆涕淚。斷腸分手各風烟。

贈虞十五司馬

遠師虞祕監。今喜識玄孫。形象丹青逼。家聲器宇存。淒涼憐筆勢。浩蕩問詞源。爽氣金天豁。清談玉露繁。佇鳴南岳鳳。欲化北溟鯤。交態知浮俗。儒流不異門。過逢聯客位。日夜倒芳尊。沙岸風吹葉。雲江月上軒。百年嗟已半。四坐敢辭喧。書籍終相與。青山隔故園。

公安縣懷古

野曠呂蒙營。江深劉備城。寒天催日短。風浪與雲平。灑落君臣契。飛騰戰伐名。維舟倚前浦。長嘯一含情。

公安送李二十九弟晉肅入蜀余下沔鄂

正解柴桑纜。仍看蜀道行。檣烏相背發。塞雁一行鳴。南紀連銅柱。西江接錦城。憑將百錢卜。飄泊問君平。

宴王使君宅題二首

漢主追韓信。蒼生起謝安。吾徒自漂泊。世事各艱難。逆旅招邀近。他鄉思（英華作意）緒寬。不才甘朽質。高臥豈

泥蟠。

汎愛容霜髮。（一作鬢）留歡卜夜閑。（一云上夜關）自吟詩送老。相勸酒開顏。戎馬今何地。鄉園獨舊山。江湖墮

清月。醪酌任扶還。（舊山一作在山）

留別公安太易沙門

隱居欲就廬山遠。麗藻初逢休上人。數問舟航留製作。長開篋笥擬心神。沙杜白雲仍含凍。江縣紅梅已放春。先

踏蘄峯置蘭若。徐飛錫杖出風塵。

曉發公安數月憩息此縣以下六十一首自公安發次岳州及湖南作

北城擊柝復欲罷。東方明星亦不遲。鄰雞野哭如昨日。物色生慙（一云生）能幾時。舟楫眇然自此去。江湖遠

適無前期。出門轉眄已陳迹。藥餌扶吾隨所之。

泊岳陽城下

江國踰千里。山城僅百層。岸風灑夕浪。舟雪灑寒燈。留滯才難盡。艱危氣益增。圖南未可料。變化有鯤鵬。

纜船苦風戲題四韻奉簡鄧十三判官泛

楚岸朔風疾。天寒鷓鴣呼。漲沙覆草樹。舞雪渡江湖。吹帽時時落。維舟日日孤。因聲置驛外。爲覓酒家壚。

登岳陽樓元氣渾淪不可湊泊千古絕唱

昔聞洞庭水。今上岳陽樓。吳楚東南坼。乾坤日夜浮。親朋無一字。老病有孤舟。戎馬關山北。憑軒涕泗流。

陪裴使君登岳陽樓

湖闊兼雲霧。樓孤屬晚晴。禮加徐孺子。詩接謝宣城。雪岸叢梅發。春泥百草生。敢違漁父問。從此更南征。

過南岳入洞庭湖

洪波忽爭道。岸轉異江湖。鄂渚分雲樹。衡山引舳舻。翠牙穿裏漿。(荆作蔣)碧節上。(一云吐)寒蒲病渴身何去。春生力更無。壤童犁雨雪。漁屋架泥塗。欹側風帆滿。微冥水驛孤。悠悠迴赤壁。浩浩略蒼梧。帝子留遺恨。曹公屈壯圖。聖朝光御極。殘孽駐艱虞。才淑隨斷袞。名賢隱鍛鑪。邵平元入漢。張翰後歸吳。莫怪啼痕數。危檣逐夜烏。

宿青草湖

洞庭猶在目。青草續爲名。宿槩依農事。郵籤報水程。寒冰爭倚薄。雲月遞微明。湖雁雙雙起。人來故北征。

宿白沙驛初過湖南五里

水宿仍餘照。人烟復此亭。驛邊沙舊白。湖外草新青。萬象皆春氣。孤槎自客星。隨波無限月。(一作景)的的近南

溟。

湘夫人祠

蕭蕭湘妃廟。空牆碧水春。蟲書玉佩辭。燕舞翠帷塵。晚泊登汀樹。微馨借(一作香惜)渚蘋。蒼梧恨不盡。染淚在

叢筠。

祠南夕望

百丈牽江色。孤舟泛日斜。興來猶杖屨。目斷更雲沙。山鬼迷春竹。湘娥倚暮花。湖南清絕地。萬古一長嗟。

登白馬潭

水生春纜沒。日出野船開。宿鳥行猶去。叢花一作花叢笑不來。人人傷百首。處處接金盃。莫道新知要。南征且未迴。

歸雁

聞道今春雁。南歸自廣州。見花辭漲海。避雪到羅浮。是物關兵氣。何時免客愁。年年霜露隔。不過五湖秋。

野望

納納乾坤大。行行郡國遙。雲山兼五嶺。風壤帶三苗。野樹侵江闊。春蒲長雪消。扇舟空老去。無補聖明朝。

入喬口長沙花界

漠漠舊京遠。遲遲歸路賒。殘年傍水國。落日對春華。樹蜜早蜂亂。江泥輕燕斜。賈生骨已朽。悽惻近長沙。

銅官渚守風

不樊作亦夜楚帆落。避風湘渚間。水耕先浸草。春火更燒山。早泊雲物晦。逆行波浪慳。飛來雙白鶴。過去杳難攀。

北風新康江口信宿方行

春生南國瘴。氣待北風蘇。向晚霾殘日。初宵鼓大鑪。爽攜卑溼地。聲拔洞庭湖。萬里魚龍伏。三更鳥獸呼。滌隨貪破浪。愁絕付摧枯。執熱沈沈在。凌寒往往須。且知寬疾肺。不敢恨危途。再宿煩舟子。衰容問僕夫。今晨非盛怒。便道卽長驅。隱几看帆席。雲山湧坐隅。

雙楓浦

輟棹青楓浦。雙楓舊已摧。自驚衰謝力。不說棟梁材。浪足浮紗帽。皮須截錦苔。江邊地有主。暫借上天迴。

奉送王信州峯北歸

朝廷防盜賊。供給感誅求。下詔選郎署。傳聲能典（一作典信）州。蒼生今日困（一作起）。天子嚮時憂。井屋有烟起。瘡痍無血流。壤歌唯海甸。畫角自山樓。白髮寐常早。荒榛農復秋。解龜踰臥轍。遣騎覓扁舟。徐榻不知（一作能）倦。潁川何以酬。塵生（一作孝塵）形管筆。寒臚墨貂裘。高義終焉在。斯文去矣休。別離同雨散。行止各雲浮。林熱鳥開口。江渾魚掉頭。尉佗雖北拜。太史尙南留。軍旅應都息。寰區能盡收。九重思諫諍。八極念懷柔。徒倚瞻王室。從容仰廟謀。故人持雅論。絕塞豁窮愁。復見陶唐理。甘爲汗漫遊。

江閣臥病走筆寄呈崔盧兩侍御

客子庖廚薄。江樓枕席清。衰年病祇瘦。長夏想爲情。滑憶（一作喜）彫胡飯。香聞錦帶羹。溜匙兼煖腹。誰欲致（一作覓）盃罍。

潭州送韋員外牧韶州迢

炎海韶州牧。風流漢署郎。分符先令望。同舍有輝光。白首多年疾。秋天昨夜涼。洞庭無過雁。書疏莫相忘。

潭州留別杜員外院長

韋迢

江畔長沙驛（一作澤）。相逢纜客船。大名詩獨步。小郡海西偏。地溼愁飛鷗。天炎畏站鳶。去留俱失意。把臂共潸然。

江閣對雨有懷行營裴二端公

南紀（一作極）風濤壯。陰晴屢不分。野流行地日。江入度山雲。層閣憑雷殷。長空水面（一作面水）。文雨來銅柱。北應（一作意）洗伏波軍。

早發湘潭寄杜員外院長

韋迢

北風昨夜雨。江上早來涼。楚岫千峯翠。湘潭一葉黃。故人湖外客。白首尙爲郎。相憶無南雁。何時有報章。

酬韋韶州見寄

養拙江湖外。朝廷記憶疎。深漸長者轍。重得故人書。白髮絲難理。一作並。薪詩錦不如。雖無南去雁。看取北來魚。

千秋節有感二首

自罷千秋節。頻傷八月來。先朝常宴會。壯觀已塵埃。鳳紀編生日。龍池塹劫灰。湘川新涕淚。秦樹遠樓臺。寶鏡羣臣得。金吾萬國迴。衢尊不重飲。白首獨餘哀。

御氣雲樓敞。含風綵仗高。仙人張內樂。王母獻宮桃。羅襪紅蕖豔。金羈白雪毛。舞階銜壽酒。走索背秋毫。聖主他年貴。邊心此日勞。桂江流向北。滿眼送波濤。

晚秋長沙蔡五侍御飲筵送殷六參軍歸澧洲覲省

佳士欣相識。慈顏望遠遊。甘從投轄飲。肯作置書郵。高鳥黃雲暮。寒蟬碧樹秋。湖南冬不雪。吾病得淹留。

湖中送敬十使君適廣陵

相見各頭白。其如離別何。幾年一會面。今日復悲歌。少壯樂難得。歲寒心匪他。氣纏霜匣滿。冰置玉壺多。遭亂實漂泊。濟時曾琢磨。形容吾較老。膽力爾誰過。秋晚岳增翠。風高湖湧波。鶩騰訪知己。淮海莫蹉跎。

長沙送李十一銜

與子避地西康州。洞庭相逢十二秋。遠媿尙方曾賜履。竟非吾土倦登樓。久存膠漆應難並。一辱泥塗遂晚收。李杜齊名真忝竊。朔雲寒菊倍離憂。

重送劉十弟判官

分源豕韋派。別浦雁賓秋。年事推兄忝。人才覺弟優。經過辨艷劍。意氣逐吳鉤。垂翅徒衰老。先鞭不滯留。本枝凌歲晚。高義豁窮愁。他日臨江待。長沙舊驛樓。

奉贈盧五丈參謀琚時丈人使自江陵在長沙待恩旨先支率錢米

恭惟同自出。妙選異高標。入幕知孫楚。披襟得鄭僑。丈人藉才地。門閥冠雲霄。老矣逢迎拙。相於契託饒。賜錢傾府待。爭米駐船遙。鄰好艱難薄。氓心杼軸焦。客星空伴使。寒水不成潮。素髮乾垂領。銀章破在腰。說詩能累夜。醉酒或連朝。藻翰惟牽率。湖山合動搖。時清非造次。興盡卻蕭條。天子多恩澤。蒼生轉寂寥。休傳鹿是馬。莫信鷓如。陳作爲。鴉未解依依。袂還掛泛泛瓢。流年疲蟋蟀。體物幸鷓鴣。辜。刊作孤。負蒼洲願。誰云晚見招。

登舟將適漢陽

春宅棄汝去。秋帆催客歸。庭蔬尚在眼。浦浪已吹衣。生理飄蕩拙。有心遲暮違。中原戎馬盛。遠道素書稀。塞雁與時集。檣烏終歲飛。鹿門自此往。永息漢陰機。

暮秋將歸秦留別湖南幕府親友

水闊蒼梧野。夔作晚。天高白帝秋。途窮那免哭。身老不禁愁。大府才能會。諸公德業優。北歸衝雨雪。誰一作俱。憫敝貂裘。結又乞相可厭。

送盧十四弟侍御護韋尚書靈榷歸上都二十韻

素幕渡江遠。朱幡登陸微。悲鳴駟馬顧。失涕萬人揮。參佐哭辭畢。門闌誰送歸。從公伏事久。之子俊才稀。長路更執紼。此心猶倒衣。感恩義不小。懷舊禮無違。墓待龍驤詔。臺迎獬豸威。深衷見士則。雅論在兵機。戎狄乘妖氣。塵沙落禁闈。往年朝謁斷。他日掃除非。但促一作整。銅壺箭。休添玉帳旂。動詢黃閣老。肯虛白登圍。萬姓瘡痍合。羣兇

(一作雄)嗜慾肥。刺規多諫諍。端拱自光輝。儉約前王體。風流後代希。對教期特達。衰朽再芳菲。空裏愁書字。山中疾采薇。撥盃要忽罷。抱被宿何依。眼冷看征蓋。兒扶立釣磯。清霜洞庭葉。故就別時飛。

□ 哭李常侍嶧二首

一代風流盡。修文地下深。斯人不重見。將老失知音。短日行梅嶺。寒山(一作江)落桂林。長安若箇畔。猶想映貂金。

青瑣陪雙入。銅梁阻一辭。風塵逢我地。江漢哭君時。次第尋書札。呼兒檢贈詩。登揮王子表。不愧史臣詞。

□ 哭韋大夫之晉

悽愴郇瑕色。差池弱冠年。丈(一作大)人叨禮數。文律早周旋。臺閣黃圖裏。簪裾紫蓋邊。尊榮真不忝。端雅獨翛然。貢喜音容間。馮招病疾纏。南過駭倉卒。北思悄聯綿。鷗鳥長沙諱。犀牛蜀郡憐。素車猶慟哭。寶劍欲高懸。漢道中興盛。韋經亞相傳。冲融標世業。磊落映時賢。城府深朱夏。江湖眇霧天。綺樓關(一作高)樹頂。飛旆汎堂前。昝暮疑風燕。笳急暮蟬。興殘虛白室。跡斷孝廉船。童孺交遊盡。喧卑俗事牽。老來多涕淚。情在強詩篇。誰寄方隅理。朝難將帥權。春秋褒貶例。名器重雙全。

□ 舟中夜雪有懷盧十四侍御(一作耶弟)

朔風吹桂水。朔(一作大)雪夜紛紛。暗度南樓月。寒深北渚雲。燭斜初近見。舟重竟無聞。不識山陰道。聽雞更憶君。

□ 對雪

北雪犯長沙。胡雲冷萬家。隨風且間(一作開)葉。帶雨不成花。金錯囊從(一作徒)罄。銀壺酒易賒。無人竭浮蟻。有待至昏鴉。(何遜詩城陰度。暫黑昏鴉接翅歸)

樓上

天地空搔首。頻抽白玉簪。皇興三極北。身事五湖南。戀闕勞肝肺。論一作掄材媿杞樾。亂離難自救。終是老湘潭。

冬晚送長孫漸舍人歸州

參卿休坐幄。蕩子不還鄉。南客瀟湘外。西戎鄂杜旁。衰年傾蓋晚。費日繫舟長。會面思來札。銷魂逐去檣。雲晴鷗更舞。風逆雁無行。匣裏雌雄劍。吹毛任選將。

暮春送蘇四郎餞兵曹適桂州

飄飄蘇季子。六印佩何遲。早作諸侯客。兼工古體詩。爾賢埋照久。余病長年悲。盧綰須征日。樓蘭要斬時。歲陽初盛動。王化久磷緇。爲入蒼梧廟。看雲哭九疑。

風疾舟中伏枕書懷三十六韻奉呈湖南親友

軒轅休製律。虞舜罷彈琴。尙錯雄鳴管。猶傷半死心。聖賢名古邈。羈旅病年侵。舟泊常依震。湖平早一作半見參。如聞馬融笛。若倚仲宣襟。故國悲寒望。羣雲慘歲陰。水鄉霾白屋。楓岸疊青岑。鬱鬱冬炎瘴。濛濛雨滯淫。鼓迎非非一作方祭鬼。彈落似鴉禽。興盡纔無悶。愁來遽不禁。生涯相汨沒。時物自一作正蕭森。疑惑尊中弩。淹留冠上簪。牽裾驚魏帝。投閣爲劉歆。狂走終奚適。微才謝所欽。吾安藜不糝。女一作汝貴玉爲琛。烏几重重縛。鶉衣寸寸針。哀傷同庾信。述作異陳琳。十暑岷山葛。三霜楚戶砧。叨陪錦帳座。久放白頭吟。反樸時難遇。忘機陸易沈。應過數粒食。得近四知金。春草封歸恨。源花費獨尋。轉蓬憂悄悄。行藥病涔涔。瘞天追潘岳。持危覓鄧林。蹉跎麟學步。感激在知音。卻假蘇張舌。高誇周宋鐔。納流迷迭汗。峻址得嶽岑。城府開清旭。松筠一作篁起碧潯。披顏爭倩倩。逸足競駸駸。朗鑒存愚直。皇天實照臨。公孫仍恃險。侯景未生擒。書信中原闕。干戈北斗深。畏人千里井。問俗九州箴。

戰血流依舊。軍聲動至今。葛洪尸定解。許靖力還任。家事丹砂訣。無成涕作霖。

□奉贈蕭二十使君

昔在嚴公幕。俱爲蜀使臣。艱危參大府。前後間清塵。嚴再領成都。余復參幕府。起草鳴先路。乘槎動要津。王臈聊暫出。蕭雉只相馴。終始任安義。荒蕪孟母鄰。聯翩匍匐禮。意氣死生親。嚴公沒後老母在堂使君溫清之間甘脆之禮名數若己之庭闈焉太夫人頃逝喪事又首諸孫主典撫孤之情不減骨肉則膠漆之契可知矣張老存家事。嵇康有故人。食恩慚鹵莽。鏤骨抱酸辛。巢許山林志。夔龍廊廟珍。鵬圖仍矯翼。熊軾且移輪。磊落衣冠地。蒼茫土木身。損篋鳴自合。金石瑩逾新。重弦羅江外。同遊錦水濱。結歡隨過隙。懷舊益霑巾。曠絕含香舍。稽留伏枕辰。停騾雙闕早。迴雁五湖春。不達長卿病。從來原憲貧。監河受貸粟。一起轍中鱗。

□奉送二十三舅錄事之攝郴州崔偉

賢良歸盛族。吾舅盡知名。徐庶高交友。劉牢出外甥。泥塗豈珠玉。環堵但柴荆。衰老悲人世。驅馳厭甲兵。氣春江上別。淚血渭陽情。舟鷁排風影。林鳥反哺聲。永嘉多北至。勾漏且南征。必見公侯復。終聞盜賊平。郴州頗涼冷。橘井尙淒清。從役何蠻貊。居官志在行。

□送魏二十四司直充嶺南掌選崔郎中判官兼寄韋韶州

選曹分五嶺。使者歷三湘。才美膺推薦。君行佐紀綱。佳聲斯一作期共一作不遠。雅節在周防。明白山濤鑒。嫌疑陸賈裝。故人湖外少。春日嶺南長。憑報韶州牧。新詩昨寄一作夜將。

□送趙十七明府之縣

連城爲寶重。茂宰得才新。山雉迎舟楫。江花報邑人。論交讎恨晚。臥病卻愁春。惠愛南翁悅。餘波及老身。

□燕子來舟中作

杜少陵全集 近體詩

湖南爲客動經春。燕子銜泥兩度新。舊入故園常識主。如今社日遠看人。可憐處處巢君（一作居）室。何異飄飄託此身。暫語船檣還上去。穿花落水（范德機云善本作帖水）益霑巾。

同豆盧峯知字韻。貽主客李員外賢于棊也。

鍊金歐冶子。噴玉大宛兒。符彩高無敵。聰明達所爲。夢蘭他日應。折桂早年知。爛漫通經術。光芒刷羽儀。謝庭瞻不遠。潘省會於斯。唱和將雛曲。田翁號鹿皮。

歸雁二首

萬里衡陽雁。今年又北歸。雙雙瞻客上。一一背人飛。雲裏相呼疾。沙邊自宿稀。繫書元（一作無）浪語。愁寂故山薇。

欲雪違胡地。先花別楚雲。卻過清渭影。高起洞庭羣。塞北春陰暮。江南日色曛。傷弓流落羽。行斷不堪聞。

小寒食舟中作

佳辰強飯（一云飲）食猶寒。隱几蕭條帶鷓冠。春水船如天上坐。老年花似霧中看。娟娟戲蝶過閑（一作開）幔。片片輕鷗下急湍。雲白山青萬餘里。愁看直北是長安。

清明二首

朝來新火起新烟。湖色春光淨客船。繡羽銜花他自得。紅顏騎竹我無緣。胡童結束還難有。楚女腰肢亦可憐。不見定王城舊處。長懷賈傅井依然。虛霑焦舉（當作周舉）爲寒食。實藉嚴君賣卜錢。鐘鼎山林各天性。濁醪麤飯任吾年。

此身飄泊苦西東。右臂偏枯半耳聾。寂寂繫舟雙下淚。悠悠伏枕左書空。十年蹴踘將雛遠。萬里鞦韆習俗同。旅雁上雲歸紫塞。家人鑽火用青楓。秦城樓閣烟（一作鶯）花裏。漢室山河錦繡中。風水（一作春去）春來洞庭闊。白

蘋愁殺白頭翁。

發潭州

夜醉長沙酒。曉行湘水春。岸花飛送客。檣燕語留人。賈傅才未有。褚公書絕倫。高名前後事。迴首一傷神。(褚永徽未放此州)

迴棹

宿昔試(一作世)安命。自私猶畏天。勞生繫一物。爲客費多年。衡岳江湖大。蒸池疫癘偏。散才嬰薄(一作舊)俗。有跡負前賢。巾拂那關眼。瓶壘易滿船。火雲滋垢膩。凍雨裊沉(一作塵)綿。強飯蓴添滑。端居茗續煎。清思漢水上。涼憶峴山巔。順浪飜堪倚。迴帆又省牽。吾家碑不昧。王氏井依然。几杖將衰齒。茅茨寄短椽。灌園曾取適。遊寺可終焉。遂性同漁父。成名(一作功)異魯連。篙師煩爾送。朱夏及寒泉。

贈韋七贊善

鄉里衣冠不乏賢。杜陵韋曲未央前。爾家最近魁三象(斗魁下兩兩相比爲三臺)時論同歸(一云因侵)尺五天(俚語云城南韋杜去天尺五)北走關山(一作河)開雨雪。南遊花柳塞雲(一作風)烟。洞庭春色慈公子。蝦菜忘歸范蠡船。

奉酬寇十侍御錫見寄四韻復寄寇

往別郇瑕地。于今四十年。來簪御府筆。故泊洞庭船。詩憶傷心處。春深把臂前。南瞻按百越。黃帽待君偏。

杜員外兄垂示詩因作此寄上

郭受

新詩海內流傳遍。舊德朝中屬望勞。郡邑地卑饒霧雨。江湖天闊足風濤。松醪酒熟旁看醉。蓮葉舟輕自學操。春興不知凡幾首。衡陽紙價頓能高。

酬郭十五判官

才微歲老尙虛名。臥病江湖春復生。藥裏關心詩總廢。花枝照眼句還成。只同燕石能星隕。自得隋珠覺夜明。喬口橘洲風浪促。繫帆何惜片時程。

衡州送李大夫七丈勉赴廣州

斧鉞下奇冥。樓船過洞庭。北風隨爽氣。南斗避文星。日月籠中鳥。乾坤水上萍。王孫丈人行。垂老見飄零。

表賦記說讚述

進三大禮賦表天寶十三年

臣甫言。臣生長陛下淳樸之俗。行四十載矣。與麋鹿同羣而處。浪跡吳本作於字陛下豐草長林。實自弱冠之年矣。豈九州牧伯。不歲貢豪俊於外。豈陛下明詔。不仄席思賢於中哉。臣之愚頑。靜無所取。以此知分。沈埋盛時。不敢依違。不敢激訐。默以漁樵之樂。自遣而已。頃者。賣藥都市。寄風朋友。吳作友朋竊慕堯翁擊壤之謳。適遇國家郊廟之禮。不覺手足蹈舞。形於篇章。漱吮甘液。游泳和氣。聲韻寢廣。卷軸斯存。抑亦古詩之流。希乎述者之意。然詞理野質。終不足以拂天聽之崇高。配史籍以永久。恐倏先狗馬。遺恨九原。謹稽首投延恩。獻納上表。進明主朝獻。太清宮朝享。太廟有事于南郊等三賦。以聞。臣甫誠惶誠恐。頓首頓首。謹言。

朝獻太清宮賦

冬十有一月。天子既納處士之議。承漢繼周。革弊用古。勒崇揚休。明年孟陬。將據大禮。以相籍。越彝倫而莫儔。歷良辰而戒吉。分祀事而孔修。營室主夫宗廟。乘輿備乎冕裘。甲子王以昧爽。春寒薄而清浮。虛闔闔逗蚩尤。張猛馬。出騰虬。捐燹惑。墮旄頭。風伯扶道。雷公挾輶。通天台之雙闕。警溟漲之十州。浩劫礪礪。萬山颺颺。歛臻于長樂之舍。

嵬入乎崑崙之邱。太一奉引。庖犧左。文粹作在。右堯步舜趨。禹馳湯驟。鬱闕宮之崢嶸。圻元氣以經構。斷紫雲而棘牆。撫流沙而承雷。紛墜珠而陷碧。燿波錦而浪繡。森青冥而欲雨。絕光炯而初晝。於是翠蕤俄的。藻藉舒舊。祝融擲火以焚香。溪女捧盤而盥漱。羣有司之望幸。辨名物之難究。瓊漿自間於袞盛。羽客先來於介冑。燦聖祖之儲祉。敬雲孫而及此。詔軒轅使合符。敕王喬以視履。積昭感于嗣續。匪正辭於祝史。若肸蠶而有憑。肅風颺而乍起。揚流蘇於浮柱。金英霏而披靡。擬雜珮於曾巔。孔（文粹作芝）蓋歆以颯繩。中縱縱以迴復。外蕭蕭而未已。上穆然。注道爲身。覺天傾耳。陳僭號于五代。復戰國於千祀。曰嗚呼。昔蒼生纏孟德之禍。爲仲達所愚。鑿齒其俗。寘窳其孤。赤鳥高飛。不肯止其屋。黃龍哮吼。不肯負其圖。伊神器臬兀。而小人响喻。歷紀大破。瘡痍未蘇。尙攫拏於吳蜀。又顛躓於羯胡。縱羣雄之發憤。（一作讀）誰一統于享衢。在拓跋與宇文。豈風塵之不殊。（一作雜）比聰廡及堅特。渾貌豹而齊驅。愁陰鬼嘯。落日梟呼。各擁兵甲。俱稱國都。且耕且戰。何有何無。惟累聖之徽典。恭淑慎以允緝。茲火土之相生。非符讖之備及。煬帝終暴。叔寶初襲。編簡尙新。義旗爰入。旣清國難。方觀家給。竊以爲數子自誣。敢正乎五行。攸執而觀者潛晤。（一作悟）或喜至於泣。鱗介以之鳴籟。昆蛟以之振蟄。（一作蚪鱗介之鳴籟。昇蛟以振蟄）感而遂通。罔不具集。佇神光而紺闡。羅詭異以戢齊。地軸傾而融曳。洞宮儼以崑崙。九天之雲下垂。四海之水皆立。鳳鳥咸遲而不去。鯨魚屈矯以相吸。掃太始之含靈。卷殊形而可挹。則有虹蜺爲鉤帶者。入自於東。揭莽蒼。履崆峒。素髮漠漠。至精濃濃。條弛張於巨細。覬披寫於心胸。蓋修竿無隙。而仄席已容。裂手中之黑簿。睨堂下之金鐘。得非擬斯人于壽域。明返樸於元蹤。忽翳日而翻萬象。卻浮雲（文粹作空）而留六龍。咸躡躅而壯茲應。終蒼黃而昧所從。上猶色若不足。處之彌恭。天師張道陵等。泊左元君者。前千百二官吏。謁而進曰。今王巨唐。帝之苗裔。坤之紀綱。土配君服。宮尊臣商。起數（一作數起）得統。特立中央。且大樂在懸。黃鐘冠八音之首。太昊斯啓。青陸獻千春之祥。曠哉勤力耳目。宜乎大帶斧裳。故風后孔甲充其佐。山稽岐伯翼其旁。至於易制取法。足以朝登五帝。夕宿三皇。信周武之

多幸。存漢祖之自強。且近朝之濫吹。仍改卜乎祠堂。初降素車。終勤恤其後。有客白馬。固漂淪不忘。伊庶人得議。實邦家之光。臣道陵等。試本之於青簡。探之於縹囊。列聖有差。夫子聞斯於老氏。好問自久。宰我同科於季康。取撥亂返正。乃此其所長。萬神開。八駿迥。旗掩月。車奮雷。驚七曜。燭九垓。能事穎脫。清光大來。或曰。今太平之人。莫不優游以自得。况是蹴魏踏晉。批周抉隋之後。與夫（一作乎）更始者哉。

朝享太廟賦

初高祖太宗之節風沐雨。勞身焦思。用黃鉞白旗（文粹作旄）者五年。而天下始一。歷三朝而戮力。今庶績之大備。上方采靡俗之謠。稽正統之類。蓋王者盛事。臣聞之於里曰。昔武德已前。黔黎蕭條。無復生意。遭鯨鯢之蕩汨。荒歲月而沸渭。袞服紛紛。朝廷多閏者。仍互乎晉魏。臣竊以自赤精之衰歇。曠千載而無真人。及黃圖之經綸。息五行而歸厚地。則知至數不可以久缺。凡材不可以長寄。故高下相形。而尊卑各（一作必）異。惟神斷繫之。於是本先帝取之以義。王辰既格于道祖。乘輿卽以是日。致齋于九室。所以昭達孝之誠。所以明繼天之質。具禮有素。六官咸秩。大輅每出。或黎元不知。豐年則多。而筐筥甚實。既而太尉參乘。司僕扈蹕。望重闈以肅恭。順法駕之徐疾。公卿淳古。士卒精一。黜宗廟之愈深。抵職司之所密。宿翠華於外戶。曙黃屋於通術。氣淒淒於前旂。光靡靡於嘉栗。階有賓阼。帳有甲乙。升降之際。見玉柱生芝。擊拊之初。覺鈞天合律。笳篴乞以碣磻。干戚宛而婆娑。鞀鼓塤箎爲之主。鐘磬竽瑟以之和。雲門咸池取之至。空桑孤竹貴之多。八音修（一作循）通。既比乎旭日昇而氛埃滅。萬舞陵亂。又似乎春風壯而江海波。鳥不敢飛。而元甲哮嚙以岳峙。象不敢去。而鳴珮剡輪以星羅。已而上乾豆以登歌。美休成之既饗。璧玉儲精以稠疊。門闌洞豁而森爽。黑地歸寒而激昂。蒼靈戒曉而來往。熙事莽而克塞。羣心慶以振蕩。桐花未吐。孫枝之鸞鳳相鮮。雲氣何多。宮井之蛟龍亂上。若夫生宏佐命之道。死配貴神之列。則殷劉房魏之勳。是可以中摩伊呂。上冠夔高。代天之工。爲人之傑。丹青滿地。松竹高節。自唐興以來。若此時者。皆朝有數四名。垂卓絕。向不遇反。

正撥亂之主。君臣父子之別。奕葉文武之雄。注意生靈之切。雖前輩之溫良寬大。豪俊果決。曾何以措其筋力與韜鈴。載其刀筆與喉舌。使祭則與食。則血若斯之盛而已。爾乃直于主。索于祊。警幽全之物。散純道之精。蓋我后常用。維時克貞。管以蕭合。酌以茅明。嘏以慈告。祝以孝成。故天意張皇。不敢殄其瑞。神姦妥帖。不敢祕其精。而撫（一作無）絕軌。享鴻名者矣。于以奏永安。于以奏王夏。福穰穰於絳闕。芳菲菲於玉墀。沛枯骨而破鬢。盲施死胎而逮鰥寡。園陵動色。躍在藻之泉魚。弓劍皆鳴。汗鑄金之風馬。霜露堪吸。正祥可把。會宮歔歔。陰事儼雅。薄清輝於鼎湖之山（一作上）靜餘響於蒼梧之野（一作下）上（一本無）眇然漠漠。惕然兢兢。紛益所慕。若不自勝。瞰牙旗而獨立。吟翠駿而未乘。五老侍祠而精駭。千官迷聽而（一作以）思凝。於是二丞相進曰。陛下應道而作。惟天與能。澆訛散淳。樸登尚猶日慎。業業孝思丞丞。恐一物之失所。懼先王之咎徵。如此之勤恤匪懈。是百姓何以報夫元首。在臣等何以克其股肱。且如周宣之教親不暇。孝武之淫祀相仍。諸侯敢于迫脅。方士奮其威稜。一則以微言勸內。一則以輕舉虛憑。又非陛下恢廓緒業。其瑣細亦曷足稱。丞相退。上跼天躋地。授綏登車。伊鴻（文粹作頤）洞槍壘。先出爲儲胥。本枝根株乎萬代。容想經緯乎六虛。甲午。方有事於采壇紺席。宿夫行所如初。

有事于南郊賦

蓋主上兆于南郊。聿懷多福者舊矣。今茲練時日。就陽位之美。又所以厚祖考。通神明而已。職在宗伯。首崇禮祀。先是春官條（文粹作修）頌祗之書。獻祭天之紀。令泰龜而不昧。俟萬事之將履。掌次閱氈邸之則。封人考壘宮之旨。司門轉致乎牲牢之繫。小胥專達乎懸位之使。二之日。朝廟之禮既畢。天子蒼然視於無形。濟然若有所聽。又齋心於宿設。將盥食而匪寧。旌門坡陁以前。驚轂騎反覆以相經。頓曾城之軋軋。軼萬戶之熒熒。馳道端而如砥。沿日上而如萍。掣翠旒於華蓋之角。懸黃屋於鈎陳之星。神仙戍削以落羽。魍魎幽憂以固局。戰岐慄華。擺渭掉涇。地回回而風淅淅。天泱泱而氣青青。甲冑乘陵。轉迅雷於荆門巫峽。玉帛清迴。霽夕雨於瀟湘洞庭。於是乘輿霈然乃作。

翳夫鸞鳳將至以冲融。寂廓不可以彌度。聲明通乎純粹。溟泮爲之垠堦。駟蒼螭而蜿蜒。若無骨以柔順。奔鳥攖而
黝。徒有勢於殺縛。朱輪竟野而杳冥。金鑲一作駿成陰以結絡。吹堪輿以軒軒一作韃。槍寒暑以前卻。中營
密擁乎太陽。宸眷眇臨乎長薄。熊羆弭耳以相砥。虎豹高跳以虛擡。上方將降帷宮之繡。屏玉軼一作軼以攬
略。人門行馬。以拱乎合沓之場。皮弁大裘。始進於穹崇之幕。衝牙鏗鏘以將集。周衛轆轤而咸若。月窟黑而扶桑寒。
田燭凋而曉星落。肅定位以告潔一作挈。藹嚴上而清超。雲齒蒼以張蓋。春歲蕤以建杓。簪裾斐斐。樽俎蕭蕭。方
面曲折。周旋寂寥。必本於天。王宮與夜明相射。動而之地。山林與川谷俱標。於是乎官有御事。有職。所以敬鬼神。所
以勤稼穡。所以報本反始。所以度長立極。元酒明水之上。越席疏布之側一作列。必取先於稻稊麴蘖之勤。必取
著於紛純文繡之飾。雖三牲八簋。豐備以相沿。而蒼璧黃琮。實歸乎正色。先王之不業。繼起信可以永其昭配。羣望
之徧祭。在斯。示有以明其翼戴。由是播其聲音。以陳列。從乎節奏。以進退。詔夏漢武。采之於訓。謨鐘石陶匏。具之於
梗概。變方形於動植。聽宮徵於砰礚。英華發外。非因乎筭籥之高。和順積中。不在乎雷鼓一作靈之大。旣而臚
一作巒管挂胃。柴燎窟塊。駉耆擘赫。葩斜晦潰。電纏風升。雪颯星碎。拂勿倜傥。眇溟漭。聖慮岑寂。玄黃增霈。蒼
生顛昂。毛髮清籟。雷公河伯。咸駭駭以修聳。霜女江妃。乍紛綸而吮暖。執絘秉翟。朱干玉戚。鼓瑟吹笙。金支翠旌。神
光倏斂。祀事虛明。於是澹灑乎渙汗。紆餘乎經營。浸朱崖而灑朔漠。淘陽谷而濡若英。耆艾涕而童子儻。叢棘圻而
狴狂傾。是率土之濱。覃醑醑以涵泳。非奉郊之縣。獨宴慰以縱橫。元澤淡乎無極。殷薦綢繆乎至精。稽古之時。屢
應符而合契。聖人有作。不逆寡而雄成。爾乃孤卿侯伯。雜羣儒三老。儼而絕皮軒。趨帳殿。稽首曰。臣聞燧人氏已往。
法度難知一作和。文質未變。太昊氏繼天而王。根啓閉於厥初。以木傳子。據終始而可見。洎虞夏殷周。茲煥炳而
葱蘢。秦失之於狼貪蠶食。漢綴之以虵斷龍戰。中莽茫一作茫茫。夫何從。聖蓄縮曾不下眷。伏惟道祖。視生靈之
磔裂。醜害馬之蹄齧。呵五精之息肩。考正氣之無轍。協夫貽孫以降。使之造命更挈。累聖昭洗。中祚觸蹶。氣慘黷乎

脂夜之妖。勢迴薄乎龍蛇之孽。伏惟陛下。勃然憤激之際。天闕（文粹作闕）不敢旅拒。鬼神爲之嗚咽。高衢騰塵。長劍吼血。尊卑配宇。縣刷插紫。極之將頽。拾清芬於已缺。鑪以之（一作之以）仁義。鍛以之（一作之以）賢哲。聯祖宗之耿光。卷夷狄之影撇。蓋九五之後。人人自以遭唐虞。四十年來。家家自以爲稷高。王綱近古而不軌。天聽貞觀以高揭。蠢爾差僭。粲然優劣。宜其課密於空積。忽微。刊定於輿廢。繼絕。而後覩。數統從首。八音六律。而惟新。日起算外。一字千金。而不滅。上曰吁。昊天有成命。（一作帝）惟五聖以受。我其夙夜匪遑。實用素樸以守。于嗟乎麟鳳。胡爲乎郊藪。豈上帝之降鑒及茲。元元之垂裕于後。夫聖以百年爲鶉鷺。道以萬物爲芻狗。今何以茫茫臨乎八極。眇眇託乎羣后。端策拂龜於周漢之餘。緩步闕視於魏晉之首。斯上古成法。蓋其人已朽。不足道也。於是天子默然而徐思。終將固之又固之意。不在抑殊方之貢。亦不必廣無用之祠。金馬碧雞。非理人之術。珊瑚翡翠。此一物何疑。奉郊廟以爲寶。增忱惕以孜孜。况大庭氏之時。六龍飛御之歸。

■進封西嶽賦表

臣甫言。臣本杜陵諸生。年過四十。經術淺陋。進無補於明時。退常困於衣食。蓋長安一匹夫耳。頃歲國家有事於郊廟。幸得奏賦。待制於集賢。委學官試文章。再降恩澤。乃猥以臣名實相副。送隸有試。參列選序。然臣之本分。甘棄置永休。望不及此。豈意頭白之後。竟以短篇隻字。遂曾聞徹宸極。一動人主。是臣無負於少小多病。貧窮好學者。已在臣光榮。雖死萬足。至於仕進。非敢望也。日夜優迫。伏未知何以上答聖慈。明臣子之効。况臣常有肺氣之疾。恐忽復先草露。塗糞土。而所懷冥翼。孤負皇恩。敢據竭憤懣。領略不則。作封西嶽賦一首。以勸所覬。明主覽而留意焉。先是御製嶽碑文之卒章曰。待余安人治國。然後徐思其事。此蓋陛下之至謙也。今茲人安是已。今茲國富是已。况符瑞翕集。福應交至。何翠華之脈脈乎。維嶽固陛下本命。以永嗣業。維嶽授陛下元弼。克生司空。斯又不可寢已。伏惟天子。霈然留意焉。春將披圖視典。冬乃展采錯事。日尙浩闊。人匪勞止。庶可試哉。微臣不任區區懇到之極。謹詣延

恩。獻納。奉表進賦以聞。臣甫誠惶誠恐。頓首頓首。謹言。

封西嶽賦并序

上既封泰山之後。三十年間。車轍馬跡。至于太原。還于長安。時或謁太廟。祭南郊。每歲孟冬。巡幸溫泉而已。聖主以爲王者之體。告厥成功。止于岱宗可矣。故不肯到崆峒。訪具茨。驅八駿於崑崙。親射蛟於江水。始爲天子之能事。壯觀焉爾。况行在供給蕭然。煩費或至。作歌有慚於從官。誅求坐殺於長吏。甚非主上執元祖醇濃之道。端拱御蒼生之意。大哉聖哲。垂萬代則。蓋上古之君皆用此也。然臣甫愚竊以古者疆場有常處。贊見有常儀。則備乎玉帛。而財不匱乏矣。動乎車輿。而人不愁痛矣。雖東岱五嶽之長。足以勒崇垂鴻。與山石無極。伊太華最爲難上。至於封禪之事。獨軒轅氏得之。夫七十二君。罕能兼之矣。其餘或蹶踣風雲。碑版祠廟。終么麼不足追數。今聖主功格軒轅氏。業纂七十君。風雨所及。日月所照。莫不砥礪華近甸也。其可慙乎。比歲鴻生巨儒之徒。誦古史。引時（呂作詩）義云。國家土德。與黃帝合。主上本命。與金天合。而守闕者亦百數。天子寢不報。蓋謙如也。頃或詔厥郡國。掃除會巔。雖翠蓋可薄乎蒼穹。而銀字未藏於金氣。臣甫誠薄劣。不勝區區吟詠之極。故作封西嶽賦以勸賦之義。預述上將展禮焚柴者。實覬聖意。因有感動焉。爲其詞曰。

惟時孟冬。百工乃休。上將陟西嶽。覽八荒。御白帝之都。見金天之王。既刊石乎岱宗。又合符乎軒皇。茲事體大。越不可載已。先是禮官草具其儀。各有典司。俯叶吉日。欽若神祇。而千乘萬騎。已螻略怡擬。屈矯陸離。唯君所之。然後拭翠鳳之駕。開日月之旗。撞鴻鐘。發雷輻。辨格澤之修竿。決河漢之淋漓。曠天狼之威弧。墮魍魎之霏霏。才松前驅。彭祖後馳。方明夾轂。昌寓侍衣。山靈秉鉞。而跟躡海若。護蹕而參差。風馭冉以縱轡。雲螭縈而遲謁。地軸軋軋。殷以下折。原濕草木。儼而東飛。岐梁閃倏。涇渭反覆。而天府載萬侯之玉。尙方具左蠹黃屋。已焜煌於山足矣。乘輿尙鳴鑿輿。儲精濟慮。華蓋之六角低回。北斗之七星皆去。屈蒼山而信宿。屯絕壁之清曙。既臻夫陰宮。犀象肆兀。戈鋌悉

窳飄飄蕭蕭洵如也。於是太一抱式。元冥司直。天子迺宿祓齋。就登陟。駢素虬。超崑崙。天語祕而不可知。代欲聞而不可得。柴燎上達。神光充塞。泥金乎茵萑之南。刻石乎青冥之北。上意由是茫然。延降天老。與之相識。問太微之所居。稽上帝之遺則。颯弭節以徘徊。撫八紘而黓黑。忽風翻而景倒。澹殊狀而異色。回若褰袪開帷。下辯宸極者久之。雲氣翕以迴複。山嶂業而未息。祀事孔明。有嚴有翼。神保是格。時萬時億。爾乃駐飛龍之秋秋。詔王屬以中休。觀羣后於高掌之下。張大樂於洪河之州。芬樹羽林。莽不可收。千人舞。萬人謳。麒麟踐踈而在郊。鳳凰蔚跋而來遊。雷公伐鼓而揮汗。地祇被震而悲愁。樂師拊石而具發。激越乎遐陬。羣山爲之相峽。萬穴爲之倒流。又不可得載已久。而景移樂闋。上悠然垂思曰。嗟乎。余昔歲封泰山。禪梁父。以爲王者成功已纂。終古嘗覽前史。至於周穆漢武。豫遊寥闊。亦所不取。惟此西嶽。作鎮三輔。非無意乎。頃者猶恐百姓不足。人所疾苦。未暇瘞斯玉帛。考乃鐘鼓。是以視嶽於諸侯。錫神以茅土。豈唯壯設險於甸服。報西成之農扈。亦所以感一念之精靈。答應時之風雨者矣。今茲冢宰庶尹。醇儒碩生。僉曰。黃帝顓頊。乘龍遊乎四海。發軔匝乎六合。竹帛有云。得非古之聖君。而秦華最爲難上。故封禪之事。鬱沒罕聞。以余在位。發祥隕祉者。焉可勝紀。而不得已。遂建翠華之旗。用塞雲臺之議。矧乎殊方奔走。萬國皆至。元元從助。清廟歆歆也。臣甫舞手蹈足曰。大哉燦乎。真天子之表。奉天爲子者。已不然。何數千萬載。獨繼軒轅氏之美。彼七十二君。又疇能臻此。蓋知明主聖罔不克正。功罔不克成。放百靈歸華清。

進鵬賦表天寶三載

臣甫言。臣之近代陵夷。公侯之貴磨滅。鼎銘之勳。不復照曜於明時。自先君恕預以降。奉儒守官。未墜素業矣。亡祖故尙書膳部員外郎先臣審言。修文於中宗之朝。高視於藏書之府。故天下學士。到于今而師之。臣幸賴先臣緒業。自七歲所綴詩筆。向四十載矣。約千有餘篇。今賈馬之徒。得排金門上玉堂者。甚衆矣。唯臣衣不蓋體。常寄食於人。奔走不暇。只恐轉死溝壑。安敢望仕進乎。伏惟天子（文粹作明主）哀憐之。明主（文粹無此二字）儻使執先祖

之故事。拔泥塗之久辱。則臣之述作。雖不足以鼓吹六經。先鳴數子。至於沈鬱頓挫。隨時敏捷。而揚雄枚皋之流。庶可跂及也。有臣如此。陛下其舍諸。伏惟明主哀憐之。無令役便。至於衰老也。臣甫誠惶誠恐。頓首頓首。死罪死罪。臣以爲鵬者。鷲鳥之殊特。搏擊而不可當。豈但壯觀於旌門。發狂於原隰。引以爲類。是大臣正色立朝之義也。臣竊重其有英雄之姿。故作此賦。實望以此達於聖聰矣。不揆蕪淺。謹投延恩。進華獻賦。以聞。謹言。

鵬賦

當九秋之淒清。見一鶚之直上。以雄材爲己任。橫殺氣而獨往。稍稍勁翮。肅肅遺響。杳不可追。俊無留賞。彼何鄉之性命。碎今日之指掌。伊鷲鳥之累百。敢同年而爭長。此鵬之大略也。若乃虞人之所得也。必以氣稟元冥。陰乘甲子。河海蕩溢。風雲亂起。雪沍山陰。冰纏樹死。迷向背於八極。絕飛走於萬里。朝無以充腸。夕違其所止。頗愁呼而踳蹬。信求食而依倚。用此時而椽杙。待尤者而綱紀。表狎羽而潛窺。順雄姿之所擬。刻捷來於森木。固先繫於利鬣。解騰攫而竦神。開網羅而有喜。獻令（文粹作禽）之課。數備而已。及乎閩隸受之也。則擇其清質。列在周垣。揮拘擊之掣曳。挫豪梗之飛翻。識畋遊之所使。登馬上而孤騫。然後綴以珠飾。呈於至尊。搏風槍纍。用壯旌門。乘輿或幸別館。獵平原。寒蕪空闊。霜仗喧繁。觀其夾翠華而上下。卷毛血之崩奔。隨意氣而電落。引塵沙而晝昏。豁堵牆之榮觀。棄功效而不論。斯亦足重也。至如千年孽狐。三窟狡兔。恃古塚之荆棘。飽荒城之霜露。迴惑我往來。蹇超我場圃。雖有青骹戴角。白鼻如匏。蹙奔蹄而俯臨。飛迅翼而遐寓。而料全於果。見迫寧遽。屢攬之而穎脫。便有若於神助。是以曉哮其音。颯爽其慮。續下鞞而繚繞。尙沒跡而容與。奮威逐北。施考無據。方蹉跎而就擒。亦造次而難去。一奇卒獲。百勝昭著。夙昔多端。蕭條何處。斯又足稱也。爾其鷓鴣鳩鵠之倫。莫益於物。空生此身。聯拳拾穗。長大如人。肉多奚有味。乃不珍。輕鷹隼而自若。託鴻鵠而爲鄰。彼壯夫之慷慨。假強敵而逡巡。拉先鳴之異者。及將起而復（文粹作適）。臻忽隔天路。終辭水濱。寧掩羣而盡取。且快意而驚新。此又一時之俊也。夫其降精於金。立骨如鐵。目通於腦。筋入

於節。架軒楹之上。純漆光芒。掣梁棟之間。寒風凜冽。雖趾蹠千變。林嶺萬穴。擊叢薄之不開。突杪榑而皆折。又有觸邪之義也。久而服勤。是可吁畏。必使烏攫之黨。罷鈔盜而潛飛。梟怪之羣。想英靈而虛墜。豈非虛陳其力。叨竊其位。等摩天而自安。與槍榆而無事者矣。故不見其用也。則晨飛絕壑。暮起長汀。來雖自負。去若無形。置巢巖嶼。養子青冥。條爾年歲。茫然闕廷。莫試鈎爪。空迴斗星。衆鶴儻割鮮於金殿。此鳥已將老於巖扃。

天狗賦并序

天寶中。上冬幸華清宮。甫因至獸坊。怪天狗院。列在諸獸院之上。胡人云。此其獸猛健。一作捷。無與比者。甫壯而賦之。尙恨其與凡獸相近。

澹華清之莘莘漠漠。而山殿戍削。縹與天風。颯乎迴薄。上揚雲旂兮。下列猛獸。夫何天狗嶙峋兮。氣獨神秀。色似狡狴。小如猿狖。忽不樂。雖萬夫不敢前兮。非胡人焉能知其去就。向若鐵柱欹而金鎖斷兮。事未可救。警流沙而歸月窟兮。斯豈踰晝日食君之鮮肥兮。性剛簡而清瘦。敏於一擲。威解兩鬪。終無自私。必不虛透。嘗觀乎副君暇豫。奉命于畋。則蚩尤之倫。已脚渭戟涇。提挈邱陵。與南山周旋。而慢圍者戮。實禽有所穿。伊應隼之不制兮。呵犬豹以相纏。蹙乾坤之翕習兮。望麋鹿而飄然。由是天狗捷來。發自於左。頓六軍之蒼黃兮。劈萬馬以超過。材官未及唱。野虞未及和。同讎天與流星兮。圍要害而俱破。泊干蹄之迸集兮。始拗怒以相賀。真雄姿之自異兮。已歷塊而高臥。不愛力以許人兮。能絕甘以爲大。旣而羣有噉咋。勢爭割據。垂小亡而大傷兮。翻投跡以來預。劃雷殷而有聲兮。紛膽破而何據。似爪牙之便秃兮。無魂魄以自助。各弭耳低徊。閉目而去。每歲天子騎白日。御東山。百獸蹀躞以皆從兮。四猛伋銛銳乎其間。夫靈物固不合多兮。胡役役隨此輩而往還。惟昔西域之遠致兮。聖人爲之豁迎風。虛露寒體蒼螭。刺金盤。初一顧而雄材稱是兮。召羣公與之俱觀。宜其立閭闔而吼紫微兮。卻妖孽而不得上干。時駐君之玉輦兮。近春君之渥歡。使臭處而誰何兮。備周垣而辛醉。彼用事之意然兮。匪至尊之賞闌。仰千門之峻嶒兮。覺行路之

艱難。懼精爽之衰落兮。驚歲月之忽殫。顧同儕之甚少兮。混非類以摧殘。偶快意於校獵兮。尤見疑於躡捷。此乃獨步受之於天兮。孰知羣材之所不接。且置身之暴露兮。遭縱觀之稠疊。俗眼空多。生涯未愜。吾君儻億耳尖之有長毛兮。寧久被斯人終日馴狎己。

唐興縣客館記

中興之四年。王潛爲唐興宰。修厥政事。始自繆寡惇獨。而和其封內。非侮循循。不畏險膚。而行而一咨于官屬。于羣吏。于衆庶。曰。邑中之政。庶幾繕完矣。惟賓館上漏下濕。吾人猶不堪其居。以容四方賓。賓其謂我何。改之重勞。我其謂人何。咸曰。誕事至濟。厥載則達。觀于大壯。作之閨闕。作之堂構。以永圖崇。高廣大踰。越傳舍。通梁直走。鬼將墜壓。素柱上承。安若泰山。兩傍序開。發洩霜露。潛觀深矣。步欄複雷。萬瓦在後。匪丹牖爲。實疎達爲。迴廊南注。又爲覆廓。以容介行人。亦如正館。制度小劣。直左階而東。封殖修竹茂樹。挾右階于南。環廊又注。亦可以行步風雨。不易謀而集事。邑無妨工。亦無置財。人不待子來。定不待方中矣。宿息井樹。或相爲賓。或與之毛。天子之使至。則曰。邑有人焉。某無以栗階。州長之使至。則曰。某非敢賓也。子無所用俎。四方之使至。則曰。子貺某多矣。敢辭贊。或曰。明府君之侈也。何以爲人。皆曰。我公之爲人也。何以侈。子徒見賓館之近夫厚。不知其私室之甚薄。器物未備。力取諸弘室。人民不知賦斂。乃至於館之醞醢。闕出於私廚。使之乘駟。闕辦於私廩。君豈爲亭長乎。是躬親也。若館宇不修。而觀臺榭是好。賓至無所納其車。我浩蕩無所措手足。獲高枕乎。其誰不病吾人矣。疵瑕忽生。何以爲之。是道也。施舍不幾乎先覺矣。杖之友朋。歎曰。美哉。是館也。成人不知。人不怒。廨署之福也。府君之德也。府君曰。古有之也。非吾有也。余何能爲。是亦前州府君崔公之命也。余何能爲。是自辛丑歲秋分。大餘二。小餘二千一百八十八。杜氏之老記已。

說旱 初中丞殿公節制劍南日奉此說

周禮司巫若國大旱。則率巫而舞雩。傳曰。龍見而雩。謂建巳之月。蒼龍宿之體。昏見東方。萬物待雨盛大。故祭天。

遠爲百穀祈膏雨也。今蜀自十月不雨。月旅建卯非零之時。奈久旱何。得非獄吏。只知禁繫。不知疎決。怨氣積。冤氣盈。亦能致旱。是何川澤之乾也。塵霧之塞也。行路皆菜色也。田家其愁痛也。自中丞下車之初。軍郡之致能弊之俗。已下手開濟矣。百事冗長者。又以革削矣。獨獄囚未聞處分。豈次第未到。爲獄無濫繫者乎。殺者百姓之本。百役是出。況冬麥黃枯。春種不入。公誠能暫輟諸務。親問囚徒。除合死者之外。下筆盡放。使囹圄一空。必甘雨大降。但怨氣消。則和氣應矣。躬自疏決。請以兩縣及府繫爲始。管內東西兩川。各遣一使。兼委刺史縣令。對巡使同疏決。如兩縣及府等囚例。處分衆人之望也。隨時之義也。昔貞觀中。歲大旱。文皇帝親臨長安。萬年二赤縣決獄。膏雨滂足。卽岳鎮方面。歲荒札。皆運帥大臣之務也。不可忽。凡今徵求無名數。又耆老合侍者。兩川侍丁。得異常丁乎。不殊常丁賦斂。是老男老女。死日短促也。國有養老。公遽遣吏存問其疾苦。亦和氣合應之義也。時雨可降之徵也。愚以爲至仁之人。常以正道應物。天道遠。去人不遠。

畫馬贊

韓幹畫馬。毫端有神。驂騮老大。腰褻清新。魚目瘦腦。龍文長身。雪垂白肉。風蹙蘭筋。逸態蕭疎。高驤縱恣。四蹄雷電。一日天地。御者閑敏。去何難易。愚夫乘騎。動必顛躓。瞻彼駿骨。實惟龍媒。漢高燕市已矣。茫哉。但見鶩駘紛然往來。良工惆悵。落筆雄才。穆天子傳。飛兔驪。褒日馳三萬里。

雜述

杜子曰。凡今之代。用力爲賢乎。進賢爲賢乎。進賢賢乎。則魯之張叔卿。孔巢父。二才士者。聰明深察。博辯閎大。固必能伸於知己。令聞不已。任重致遠。速於風颺也。是何面目黧黑。常不得飯飽喫。一作飽飯喫。曾未如富家奴。茲敢望縞衣乘軒乎。豈東之諸侯。深拒於汝乎。豈新令尹之人。未汝之知也。由天乎。有命乎。雖岑子薛子。引知名之士。月數十百。填爾逆旅。請誦詩。浮名耳。勉之哉。勉之哉。夫古之君子。知天下之不可蓋也。故下之。知衆人之不可先也。

故後之嗟乎叔卿。遣辭工於猛健。放蕩似不能安排者。以我爲聞人而已。以我爲益友而已。叔卿靜而思之。嗟乎巢父。執雌守常。吾無所贈若矣。秦山冥冥。舉以高泗水。潏潏以清。悠悠友生。復何時會于王鎬之京。載飲我濁酒。載呼我爲兄。

秋述

秋。杜子臥病長安旅次。多雨生魚。青苔及榻。常時車馬之客。舊雨來。今雨不來。昔襄陽龐德公。至老不入州府。而揚子雲草玄寂寞。多爲後輩所襲。近似之矣。嗚呼。冠冕之窟。名利卒卒。雖朱門之塗泥。士子不見其泥。矧抱疾窮巷之多泥乎。子魏子獨踽踽然來。汗漫其僕夫。夫又不假蓋。不見我病色。適與我神會。我棄物也。四十無位。子不以官遇我。知我處順故也。子挺生者也。無矜色。無邪氣。必見用。則風后力牧是已。於文章。則子游子夏是已。無邪氣故也。得正始故也。噫。所不至於道者。時或賦詩如曹劉。談話及衛霍。豈少年壯志未息。俊邁之機乎。子魏子。今年以進士調選。名隸東天官。告余將行。旣縫裳。旣聚糧。東人怵惕。筆札無敵。謙謙君子。若不得已。知祿仕此始。吾黨惡乎無述而止。

東西兩川說

聞西山漢兵。食糧者四千人。皆關輔山東勁卒。多經河隴幽朔教習。慣於戰守。人人可用。兼羌堪戰。子弟向二萬人。實足以備邊守險。脫南蠻侵掠。印雅子弟不能獨制。但分漢勁卒助之。不足撲滅。是吐蕃馮陵。本自足支也。權量西山印雅兵馬。卒叛援形勝明矣。頃三城失守。罪在職司。非兵之過也。糧不足故也。今此輩見闕兵馬使。八州素歸心於其世襲刺史。獨漢卒自屬裨將主（一作帥）之。竊恐備吐蕃在羌。漢兵小昵。而釁隙隨之矣。况軍須不足。姦吏減剝未已哉。愚以爲宜速擇偏裨主之主之勢。明其號令。一其刑賞。申其哀恤。致其驩忻。宜先自羌子弟始。自漢兒易解人意。而優勸旬月。大決治矣。仍使兵羌各繫其部落。刺史得自教閱。都受統於兵馬使。更不得使八州都管或

在一羌王。或都關。一世襲刺史。是羌之豪族。發源有遠近。世封有豪家。紛然聚藩落之議於中。肆與奪之權於外。已然則備守之根危矣。又何以藉其爲本。式遏雪嶺之西哉。比羌旅封王者。初以拔城之功。得今城失矣。襲王如故。總統未已。余諸董攘臂何。王尹之獄是矣。由策嗣羌王。關王氏舊親。西董族最高。怨望之勢然矣。誠於此時。便宜聞上。使各自統領。不須王區分易制。然後都靜。聽取別於兵馬使。不益元戎氣壯。部落無語。或從一部。落怨獲羣部落喜矣。無爽如此處分。豈惟印南不足憂。八州之人。願買勇。復取三城不日矣。幸急擇公所。素諳明了將。正色遣之。僚賊內編屬。自久。數擾背亦自久。徒惱人耳。憂慮蓋不至。大昨聞受鐵券。爵祿隨之。今聞已小動。爲之奈何。若不先招諭也。穀貴人愁。春事又起。緣邊耕種。卽發精卒討之。甚易。恐賊星散於窮谷深林。節度兵馬。但驚動緣邊之人。供給之外。未見免劫掠。而還賃其地。豪族兼有其地。而轉富。蜀之土肥。無耕之地。流冗之輩。近者交互其鄉村而已。遠者漂寓諸州縣而已。實不離蜀也。大抵抵與兼并豪家。力田耳。但鈞畝薄斂。則田不荒。以此上供王命。下安疲人可矣。豪族轉安。是否非蜀。仍禁豪旅受賃。罷人田。管內最大。誅求宜約。富家辦而貧家創。瘵已深矣。今富兒。非不緣子弟職掌。盡在節度衙府州縣官長手下哉。村正里（一作雖）見面。不敢示文書取索。非不知其家處。獨知貧兒家處。兩川縣令刺史。有權攝者。須盡罷免。苟得賢良。不在正授權。在進退聞上而已。

策問文狀表碑誌

乾元元年華州試進士策問五首

問。山林藪澤之地。各以肥磽多少爲差。故供甲兵士徒之役。府庫賜與之用。給郊廟宗社之祀。奉養祿食之出。辨乎名物。存乎有司。是謂公賦。知歸地著不撓者已。今聖朝紹宣王中興之洪業于上。庶尹仲山甫補袞之能事于下。而東寇猶小梗。率土未甚闢。總彼賦稅之獲。盡贍軍旅之用。是官御之舊典闕矣。人神之攸序乖矣。欲使軍旅足食。

則賦稅未能充備矣。欲將誅求不時。則黎元轉罹于疾苦矣。子等以待問之實。知新之明。觀志氣之所存。於應對乎。何有。佇渴救弊之通術。願聞強學之所措。意道在此矣。得游說乎。

問。國有輶車。慮有飲食。古之按風俗。遣使臣。在王官之一守。得馳傳而分命。蓋地有要害。郊有遠近。供給之比。省費相懸。今茲華惟襟帶。關逼輦轂。行人受辭於朝夕。使者相望於道路。屬年歲無蓄積之虞。職司有愁痛之歎。况軍書未絕。王命急宣。插羽先飛於騰鷹。敵帷不供於埋馬。豈芻粟之勤獨爾。實驂駢之價闕。如人主之軫念屢及於茲。邦伯之分憂。何嘗敢怠。乞恩難再。近日已降水衡之錢。積骨頗多。無暇更入燕王之市。欲使輪軒有喜。主客合宜。閭閻罷杼軸之嗟。官吏得從容之計。側佇新語。當聞濟時。

問。通道陂澤。隨山濬川。經啓之理。疏奠之術。抑有可觀。其來尙矣。初聖人盡力溝洫。有國作爲隄防。洎後代控引。淮海漕通涇渭。因舟楫之利。達倉庾之儲。又賴此而殷。亦行之自久。近者有司相土。決彼支渠。既潰渭而亂河。竟功多而事寢。人實勞止。岸乃善崩。遂使委輸之勤。中道而棄。今軍用蓋寡。國儲未贍。雖遠方之粟大來。而助挽之車不給。是以國朝仗彼天使。徵茲水工。議下淇園之竹。更鑿商顏之井。又恐煩費居多。績用莫立。空荷成雲之鍤。復擁填淤之泥。若然則舟車之用。大小相妨矣。軍國之食。轉致或闕矣。矧夫人烟尙稀。牛力不足者已。子等飽隨時之要。挺寶主之資。副乎求賢。敷厥讜議。

問。足食足兵。先哲雅誥。蓋有兵無食。是謂棄之。致能掉鞅靡旌。斯可用矣。况寇猶作梗。兵不可去。日聞將軍之令。親觀司馬之法。關中之卒未息。灞上之營何遠。近者鄭南訓練。城下屯集。瞻彼三千之徒。有異什一而稅。竊見明發教以戰鬪。亭午放其庸保。課乃菽麥。以爲尋常。夫悅以使人。是而用古。伊歲則云暮。實慮休止。未卜及瓜之還。交比鬻桑之餓。羣有司自救不暇。二三子謂之何哉。

問。昔唐堯之爲君也。則天之。大敬授人時。十六升自唐侯者已。昔帝舜之爲臣也。舉禹之功。克平水土。三十登爲

天子者已。本之以文思聰明。加之以勞身焦思。既睦九族。協和萬邦。黜去四凶。舉十六相。故五帝之後。傳載唐虞之美。無得而稱焉。易曰。君子終日乾乾。詩曰。文王小心翼翼。竊觀古人之聖哲。未有不以君唱於上。臣和於下。致乎人和年豐。成乎無爲而理者也。主上躬純孝之聖。樹非常之功。內則拳拳然事親。如有闕外。則悻悻然求賢。如不及。伊百姓不知帝力。庶官但恭己而已。寇孽未平。各徵之至數也。倉廩未實。物理之固然也。今大軍虎步。列國鶴立。山東之諸將雲合。淇上之捷書日至。二三子議論引正。詞氣高雅。則遺襪盪滌之後。聖朝砥礪之辰。雖遭明主。必致之於堯舜。降及元輔。必要之於稷高。驅蒼生於仁壽之域。反淳樸於義皇之上。自古哲主立極。大臣爲體。眇然坦途。利往何順。子有說否。庶復見子之志。豈徒瑣瑣射策。趨競一第哉。頃之問孝廉。取備尋常之對。多忽經濟之體。考諸詞學。自有文章在。束以徵事。曷成凡例焉。今愚之粗徵。貴切時務而已。夫時患錢輕。以至於量資幣。權子母。代復改鑄。或行乎前榆莢。後契刀。當此之際。百姓蒙利。厚薄何人所制。輕重又穀者所以阜俗。康時聚人守位者也。下至十室之邑。必有千鍾之藏。苟凶穰以之。貴賤失度。雖封丞相而猶困。侯大農而謂何。是以繼絕表微。無或區分踰越。蒙實不敏。仁遠乎哉。

前殿中侍御史柳公紫微仙閣畫太一天尊圖文

石髓老。放神乎始清之天。遊目乎浩劫之家。泠泠然馭乎風。熙熙然登乎臺。進而俯乎寒林。退而極乎延閣。見龍虎日月之君。互于疎梁。塞于高壁。骨者鬣者。哲者黜者。視遇之間。若寇嚴敵者已。伊四司五帝天之徒。青節崇然。綠輿駢然。仙官泊鬼官。無央數衆。陽者近。陰者遠。俱浮空不定。目所向如一。蓋知北闕帝君之尊。端拱待衛之內。於天。上最貴矣。已而左元之屬吏。三洞弟子某。進曰。經始續事。前柱下史河東柳涉。職是樹善。損於而家。憂於而國。剝私室之匱。渴蒸人之安。志所至也。請梗概帝君救護之慈。朝拜之功。曰。若人存思我主籙。生之根。死之門。我則制伏妖之興。毒之騰。凡今之人。反側未濟。柳氏柱史也。立乎老君之後。獲隱嘿乎。忍塗炭乎。先生與道而遊。與學而遊。可上

以昭太一之威神于下。下以昭柱史之告訴于上。玉京之用事也。率士之發祥也。惡乎寢而庸詎仰而先生藐然若往。頽然而止曰。噫。夫鳥亂於雲。魚亂於河。獸亂於山。是羣弋鈞罟削格之智生。是機變邀退攫拾之智極。故自黃帝已下。干戈崢嶸。流血不乾。骨蔽平原。乖氣橫放。淳風不返。雖書載蠻夷率服。詩稱徐方大來。許其慕中夏與。夫容成中央氏。尊盧氏。輩結繩而已。百姓至死。不相往來。茲茂德困矣。矧賢主趣之而不及。庸主聞之而不曉。浩穰崩蹙。數千古哉。至使世之仁者。蒿目而憂世之患。有是夫。今聖主誅干紀。康大業。物尙疵癘。戰爭未息。必揆當時之變。日慎一日。衆之所惡與之惡。衆之所善與之善。勅有司寬政去禁。問疾薄斂。修其土田。險其走集。以此馭賊臣惡子。自然百祥攻百異。有漸天下。洵洵何其撓哉。已登乎種種之民。舍夫啾啾之意。是巍巍乎北闕帝君者。肯不乘道腴。卷黑簿。詔北斗削死。南斗注生。與夫圓首方足。施及乎蠢蠕之蟲。肖翹之物。盡驅之更始。何病乎不得如昔在太宗之時哉。石鼈老畢辭。三洞弟子某某又某。靜如得。動如失。久而卻走。不敢貳問。

祭故相國清河房公文

維唐廣德元年歲次癸卯九月辛丑朔二十二日壬戌。京兆杜甫。敬以醴酒茶藕。尊鯽之奠。奉祭故相國清河房公之靈。曰。嗚呼。純朴既散。聖人又歿。苟非大賢。孰奉天秩。唐始受命。羣公間出。君臣和同。德教克溢。魏杜行之。夫何畫一。婁宋繼之。不墜故實。百餘年間。見有輔弼。及公入相。紀綱已失。將帥干紀。烟塵犯闕。王風寢頓。神器圯裂。關輔蕭條。乘輿播越。太子卽位。揖讓倉卒。小臣用權。尊貴倏忽。公實匡救。忘饜奮發。累抗直詞。空聞泣血。時遭禮診。國有征伐。車駕還京。朝廷就列。盜本乘弊。誅終不滅。高義沈埋。赤心蕩析。貶官厭路。讒口到骨。致君之誠。在困彌切。天道闊遠。元精茫昧。偶生賢達。不必濟會。明明我公。可去時代。賈誼慟哭。雖多顛沛。仲尼旅人。自有遺愛。二聖崩日。長號荒外。後事所委。不在臥內。因循寢疾。憔悴無悔。死矢泉塗。激揚風概。天柱既折。安仰翊戴。地維則絕。安放夾載。豈無羣彥。我心切切。不見君子。逝水滔滔。泄涕寒谷。吞聲賊壕。有車爰送。有緋爰操。撫墳日落。脫劍秋高。我公戒子。無作

爾勞。斂以素帛。付諸蓬蒿。身瘞萬里。家無一毫。數子哀過。他人鬱陶。水漿不入。日月其慆。州府救喪。一二而已。自古所歎。罕聞知己。曩者書札。望公再起。今來禮數。爲態至此。先帝松柏。故鄉粉梓。靈之忠孝。氣則依倚。拾遺補闕。視見所履。公初罷印。人實切齒。甫也備位。此官蓋薄劣耳。見時危急。敢愛生死。君何不聞。刑欲加矣。伏奏無成。終身愧恥。乾坤慘慘。豺虎紛紛。蒼生破碎。諸將功勳。城邑自守。鼙鼓相聞。山東雖定。灞上多軍。憂恨展轉。傷痛氤氳。元豈正色。白亦不分。培塿滿地。崑崙無羣。致祭者酒。陳情者文。何當旅櫬。得出江雲。嗚呼哀哉。尙饗。

爲遺補薦岑參狀

宣議郎試大理評事攝監察御史賜緋魚袋岑參。右臣等竊見岑參。識度清遠。議論雅正。佳名早立。時輩所仰。今諫諍之路大開。獻替之官未備。恭惟近侍。實藉茂材。臣等謹詣閣門。奉狀陳薦。以聞。伏聽進止。

至德二載六月十二日左拾遺內供奉臣裴薦等狀

右拾遺內供奉臣孟昌浩。

右拾遺內供奉臣魏齊叟。

左拾遺內供奉臣杜甫。

左補闕臣韋少遊。

奉謝口勅放三司推問狀

左臣甫智識淺昧。向所論事。涉近激訐。違忤聖旨。既下有司。具已舉劾。甘從自棄。就戮爲幸。今日已時。中書侍郎平章事張鎬。奉宣口勅。宜放推問。知臣愚戇。舍臣萬死。曲成恩造。再賜骸骨。臣甫誠頑誠蔽。死罪死罪。臣以陷身賊庭。憤惋成疾。實從間道。獲謁龍顏。猾逆未成。愁痛難遏。猥廁袞職。願少裨補。竊見房瑄。以宰相子。少自樹立。晚爲醇儒。有大臣體。時論許瑄。必位至公輔。康濟元元。陛下果委以樞密。衆望甚允。觀瑄之深念主憂。義形於色。况畫一保

大素所蓄積者已。而培性失於簡。酷嗜鼓琴。董庭蘭。今之琴工。遊培門下有日。貧病之老。依倚爲非。琯之愛惜人情。一至於玷汗。臣不自度量。歎其功名未垂。而志氣挫衄。覬望陛下棄細錄大。所以冒死稱述。何思慮始竟闕於再三。陛下貸以仁慈。憐其懇到。不書狂狷之過。復解網羅之急。是古之深容直臣。勸勉來者之意。天下幸甚。天下幸甚。豈小臣獨蒙全軀就列。待罪而已。無任先懼後喜之至。謹詣閣門。進狀奉謝。以聞。謹進。

至德二載六月一日宣議郎行左拾遺臣杜甫狀進爲華州郭使君進滅殘寇形勢圖狀

右臣竊以逆賊束身檻中。奔走無路。尙假餘息。蟻聚苟活之日久。陛下猶覬其匍匐相率。降款盡至。廣務寬大之本。用明惡殺之德。故大軍雲合。蔚然未進。上以稽王師有征無戰之義。下以成古先聖哲之用心。茲事元遠。非愚臣所測。臣聞易載隨時。不俟終日。先王之用刑也。抑亦小者肆諸市朝。大者陳諸原野。今殘孽雖窮。蹙日甚。自救不暇。尙慮其逆帥。望秋高馬肥之便。蓄突圍拒轍之謀。大軍不可空勤轉輸之粟。諸將宜窮犄角之進。頃者河北初收。數州思明降表。繼至。實爲平盧兵馬。在賊左脅。賊動靜乏利。制不由己。則降附可知。今大軍盡離河北。逆黨意必寬縱。若萬一軼略河縣。草竊秋成。臣伏請平盧兵馬。及許叔冀等軍。鄆州西北渡河。先衝收魏。或近軍志避實擊虛之義也。伏惟陛下圖之。遣李銑。殷仲卿。孫青漢等軍。邈迤渡河。佐之收其貝博。賊之精銳。撮在相魏。衛之州。賊用仰魏而給。賊若抽其銳卒。渡河救魏。博。臣則請朔方伊西北庭等軍。渡沁水。收相衛。賊若迴戈距我。兩軍。臣又請郭口。祁縣等軍。驀風馳。屯據林慮縣界。候其形勢漸進。又遣李廣琛。魯旻等軍。進渡河。收黎陽。臨河等縣。相與出入犄角。逐便撲滅。則慶緒之首。可翹足待之而已。是亦恭行天罰。豈在王師必無戰哉。愚臣聞見淺狹。承乏待罪。未精慎固之守。輕議擒縱之術。抑臣之夢寐。貴有裨補。謹進前件圖如狀。伏聽進止。乾元元年七月日。某官臣狀進。

爲夔州柏都督謝上表

臣某言。伏奉月日制。授臣某官。祇拜休命。內顧殞越。策駑馬之力。冒累踐之寵。自數勳力。萬無一稱。再三忱惕。流

汗至踵。謹以某月日。到任上訖。臣某誠戰誠懼。頓首頓首。死罪死罪。伏以陛下。君父任使之久。掩臣子不逮之過。就其小効。復分深憂。察臣劍南區區。恐失臣節。如彼加臣。頻煩階級。鎮守要衝。如此勉勵。疲鈍伏揚。陛下之聖德。愛惜陛下之百姓。先之以簡易。間之以樂業。均之以賦斂。終之以敦勸。然後畢禁將士之暴。安治主客之宜。示以刑典。難犯之科。寬以困窮。計無所出。哀今之人。庶古之道。內救憊獨。外攘師寇。上報君父。曲盡庸拙之分。下循臣子。勤補失墜之目。灰粉骸骨。以備守官。伏惟恩慈。胡忍容易。愚臣之願也。明主之望也。限以所領。未遑謁對。無任兢灼之極。謹遣某官奉表陳謝。以聞。臣誠喜誠懼。死罪死罪。

唐故德儀贈淑妃皇甫氏神道碑

后妃之制古矣。而軒轅氏帝。嚳氏次妃之跡。最有可稱。存乎舊史。然則其義隱。其文略。周禮王者內職。大備而陰教宣。詩人關雎。風化之始。樂得淑女。蓋所以教本古訓。發皇婦道。居具燕寢之儀。動有環珮之節。進賢才以輔佐君子。不淫色以取媚閨房。雖彤管之地。功過必紀。而金屋之寵。流宕一揆。稽女史之華實。嗣嬪則之清高。亦時有其人。偉夫精選。淑妃諱字（一作某）姓皇甫氏。其先安定人也。唯高封商。於赫有光。伊元祖樹德於今不忘。必宋之子。莫之與比。伊清風繼代。惠此餘美。夫其系緒蕃衍。絳冕所興。列爲公侯。古有皇父充石。則其宗可知也。夫其體元消息。經術之美。刊正帝圖。中有元晏先生。則其家可知矣。嗟乎。我有奕葉。承權輿矣。我有微猷。展肅雍矣。積羣玉之氣。自對白虹之天。生五色之毛。不離丹鳳之穴。曾祖烜。皇朝宋州刺史。祖粹。皇朝越州刺史。都督諸軍事。父日休。皇朝左監門衛副率。妃則副率府君之元女也。粵在襁褓。體如冰雪。氣象受於天和。詩禮傳乎胎教。故例我開元神武之嬪御者。豈易其容止法度哉。今上昔在春宮之日。詔詰良家女。釋視可否。充備淑哲。太妃以內秉純。一外資沈靜。明珠在蚌。水月鮮白。美玉處石。崖岸津潤。結襦而金印相輝。同葦而翠旗交影。由是恩加婉順。品列德儀。雖掖庭三千。爵秩十四。掩六宮以取儉。超羣女以見賢。豈渥澤之不流。曾是不敢以露才揚己。卑以自牧而已。夫如是。言足以厚人。

倫。化風俗。彌縫坤載之失。夾輔元享之求。嗚呼。彼蒼也。常與善。何有初也。不久好。奈何。况妃亦既遘疾。怙如慮往。上以之服事最舊。佳人難得。送藥必經于御手。見寢始迴于天步。月氏使者。空說返魂之香。漢帝夫人。終痛歸來之像。以開元二十三年歲次乙亥十月癸未朔。薨于東京某宮院。春秋四十有二。嗚呼哀哉。望景向夕。澄華微陰。風驚碧樹。霧重青岑。天子悼履綦之蕪絕。惜脂粉之凝冷。下麟鳳之銀床。到梧桐之金井。嗚呼哀哉。厥初權殯于崇政里之公宅。後詔以某月二十七日己酉卜葬於河南縣龍門之西北原。禮也。制曰。故德儀皇甫氏。贊道中壺。肅事後庭。執云疾疢。奄見凋落。永言懿範。用愴於懷。宜登四祀之列。式旌六行之美。可冊贈淑妃。喪事所需。並宜官供。河南尹李適之。充使監護。非夫清門華胄。積行累功。序於王者之有始。有卒。介於嬪御之不僭。不濫。是何存榮沒哀。視有遇之多也。有子曰鄂王諱瑤。兼太子太保。使持節幽州大都督事。有故。在疚而卒。豈無樂國。今也則亡。匪降自天。云何吁矣。有女曰臨晉公主。出降代國長公主子。榮陽鄭潛耀。官曰光祿卿。爵曰駙馬都尉。昔王儉以公主恩。尚帝女爲榮。何晏兼關內侯。是亦晉朝歸美。公主禮承於訓。孝自於心。霜露之感。形於顏色。享祀之數。闕於灑掃。嘗戚然謂左右曰。自我之西。歲陽載紀。彼都之外。道里遐絕。聖慈有蓬萊之深。異縣有松檀之阻。思欲輕舉。安得黃鵠。未議巡豫。徒瞻白雲。望闕塞之風煙。尋常涕泗。懷伊川之陵谷。恐懼遷移。於是下教邑司。爰度碑版。甫忝鄭莊之賓客。遊竇主之園林。以白頭之稽阮。豈獨步於崔蔡。而野老何知。斯文見託。公子泛愛。壯心未已。不論官閥。游夏入文生之科。兼絃哀傷。顏謝有后妃之誄。銘曰。

積氣之清。積陰之靈。漢曲迴月。高堂麗星。驚濤洶洶。過雨冥冥。洗滌蒼翠。誕生娉婷。(其一)婉彼柔惠。迴然開爽。綢繆之故。昔在明兩。恩渥未渝。康哉大往。展如之媛。孰與爭長。(其二)珩珮是加。鞶褕克備。先德後色。累功居位。壺儀孔修。宮教咸遂。王于煢飾。禮亦尊異。(其三)小苑春深。離宮夜逼。花間度月。同輦未歸。池畔臨風。焚香不息。嗚呼變化。惠好終極。(其四)馮相視視。太史書氛。藏舟晦色。逝水寒文。翠幄成彩。金鑪罷燠。燕趙一馬。瀟湘片雲。(其五)

恍惚餘跡。蒼茫具美。王子國除。匪他之恥。公主愁思。永懷于彼。日居月諸。邱隴荆杞。其六。巖巖禹鑿。瀾瀾伊川。列樹拱矣。豐碑缺然。爰謀述作。歛就雕鐫。金石照地。蛟龍下天。其七。少室東立。繚垣西走。佛寺在前。宮橋在後。維山有麓。與碑不朽。維水有源。與詞永久。其八。

唐故萬年縣君京兆杜氏墓誌

甫以世之錄行跡。示將來者多矣。大抵家人賄賂。詞客阿諛。真僞百端。波瀾一揆。夫載筆光芒於金石。作程通達於神明。立德不孤。揚名歸實。可以發皇內則。標格女史。竊見於萬年縣君得之矣。其先系統於伊祁。分姓於唐杜。吾祖也。我知之遠。自周室迄於聖代。傳之以仁義禮智信。列之以公侯伯子男。春秋傳云。穆叔謂之世祿。其在茲乎。曾祖某。隋河內郡司功。獲嘉縣令。王父某。皇監察御史。洛州鞏縣令。前朝咸以士林取貴。宰邑成名。考某。修文館學士。尚書膳部員外郎。天下之人。謂之才子。兄升國史。有傳。縉紳之士。誄爲孝童。故美玉多出於岷山。明珠必傳於江海。蓋縣君受中和之氣。成肅雍之德。其來尙矣。作配君子。實惟好仇。河東裴君諱榮期。見任濟王府錄事參軍。入在清通。同行領袖。素髮相敬。朱紱有光。縣君旣早習于家風。以陰教爲己任。執婦道而純一。與禮法而始終。可得聞也。昔舅歿。姑老。承順顏色。侍歷年之寢疾。力不暇於須臾。苟便於人。皆在於手。淚積而形骸奪氣。憂深而巾櫛生塵。尊卑之道。然固出自於天性。孝養哀送。名流稱仰。允所謂能循法度。則可以承先祖。供給祭祀矣。維其矜莊門戶。節制差服。功成則運。有若四時。物或猶乖。匪踰終日。黼畫組就之事。割烹煎和之宜。規矩數及於親姻。脫落頗盈於歲序。若其先人後己。上下敦睦。懸磬知歸。揖讓惟久。在嫂叔。則有謝氏光小郎之才。於娣姒。則有鍾琰洽介婦之德。周給不礙於親疎。泛愛無擇於良賤。至於星霜伏臘。軒騎歸寧。慈母每謂於飛來。幼童亦生乎感悅。加以詩書潤業。導誘爲心。遏悔吝於未萌。驗是非於往事。內則致諸子於無過之地。外則使他人見賢而思齊。爰自十載已還。默契一承之理。絕葷血於禪味。混出處於度門。喻筏之文字不遺。開卷而音義皆達。母儀用事。家相遵行矣。至於膳食滑甘之美。

鬱結縫線之難。展轉忽微。欲參謀而縣解。指麾補合。猶取則於垂成。其積行累功。不爲薰修所住。著有如此者。靈山鎮地。長吐烟雲。德水連天。自浮星象。則其看心定惠。豈近於揚摧者哉。越天寶元年某月八日。終堂于東京仁風里。春秋若干。示諸生滅相。越六月二十九日。遷殯于河南縣平樂鄉之原禮也。嗚呼。哀哉。琴瑟罷聲。蘋蘩晦色。骨肉號。今天地感。中外痛兮。鬼神惻。有長子曰朝列。次朝英。北海郡壽光尉。次朝牧。女長適獨孤氏。次閻氏。皆稟自胎教。成於妙年。厥初寢疾也。唯長子長女在側。英牧或以遊以宦。莫獲同曾氏之元申。號而不哭。傷斷鄰里。悠哉少女。未始聞哀。又足酸鼻。嗚呼。縣君有語曰。可以褐衣斂吾。起塔而墓。裴公自以從大夫之後。成縣君之榮。愛禮實深。遺意蓋闕。但褐衣在斂。而幽塔爰封。其所闕飾。咸遵儉素。眷茲邑號。未降天書。各有司存。成之不日。嗚呼。哀哉。有兄子曰甫。制服於斯。紀德於斯。刻石於斯。或曰。豈孝童之猶子歟。奚孝義之勤若此。甫泣而對曰。非敢當是也。亦爲報也。甫昔臥病於我諸姑。姑之子又病。間女巫。至曰。處檀之東南隅者吉。姑遂易子之地以安我。我是用存而姑之子卒。後乃知知於走使。甫嘗有說於人。客將出涕。感者久之。相與定諡曰。義君子。以爲魯義姑者。遇暴客於郊。抱其所攜。棄其所抱。以割私愛。縣君有焉。是以舉茲一隅。昭彼百行。銘而不韻。蓋情至無文。其詞曰。

嗚呼有唐義姑。京兆杜氏之墓。

唐故范陽太君盧氏墓誌

五代祖柔。隋吏部尚書容城侯。大父元懿。是渭南尉。父元哲。是廬州慎縣丞。維天寶三載五月五日。故修文館學士著作郎京兆杜府君諱某之繼室。范陽縣太君盧氏。卒於陳留郡之私第。春秋六十有九。嗚呼。以其載八月旬有。一日發引。歸葬於河南之偃師。以是月三十日庚申。將入著作之大塋。在縣首陽之東原。我太君用甲之穴禮也。墳南去大道百二十步。奇三尺。北去首陽山二里。凡塗車芻靈。設熬置銘之名物。加庶人一等。蓋遵儉素之遺意。塋內西北去府君墓二十四步。則壬甲可知矣。遺奠之祭畢。一。二家相進曰。斯至止。將欲啓府君之墓門。安靈榭於其右。

豈厥飾未具時不練歟。前夫人薛氏之合葬也。初太君令之。諸子受之。流俗難之。太君易之。今茲順壬取甲。又遺意焉。嗚呼孝哉。孤子登號如嬰兒。視無人色。且左右僕妾。泊廝役之賤。皆蓬首核心。嗚呼流涕。寧或一哀所感。片善不忘而已哉。實惟太君積德以常。臨下以恕。如地之厚。縱天之和。運陰教之名數。秉女儀之標格。嗚呼得非太公之後。必齊之姜乎。薛氏所生子。適曰某。故朝議大夫。兗州司馬。次曰升。幼卒。報復父讎。國史有傳。次曰傳。歷開封尉。先是不祿。息女長。適鉅鹿魏上瑜。蜀縣丞。次適河東裴榮期。濟王府錄事。次適范陽盧正均。平陽郡司倉參軍。嗚呼三家之女。又皆前卒。而某等夙遭內艱。有長自太君之手者。至於婚姻之禮。則盡是太君主之。慈恩穆如人。或不知者。咸以爲盧氏之腹生也。然則某等亦不無平津孝謹之名於當世矣。登卽太君所生。前任武康尉。二女曰適。京兆王佑任。硤石尉。曰適。會稽賀擣。卒常熟主簿。其往也。旣哭成位。有若冢婦。同郡盧氏。介婦。榮陽鄭氏。鉅鹿魏氏。京兆王氏。女通諸孫子三十人。內宗外宗。寢以疎闊者。或元纁玉帛。自他至。若以爲杜氏之葬。近於禮而可觀。而家人亦不敢以時繼年。式志之金石銘曰。

太君之子。朝儀所尊。貴因長子。釋就私門。亳邑之都。終天之地。享年不永。歿而猶視。

祭遠祖當陽君文

維開元二十九年歲次辛巳。月日。十三葉孫甫。謹以寒食之奠。敢昭告于先祖晉駙馬都尉鎮南大將軍當陽成侯之靈。初陶唐出自伊祁。聖人之後。世食舊德。降及武庫。應乎虬精。恭聞淵深。罕得窺測。勇功是立。智名克彰。繕甲江陵。祀清東吳。建侯于荆。邦于南土。河水活活。造舟爲梁。洪濤莽汜。未始騰毒。春秋主解。檣隸躬親。嗚呼筆跡。流宕何人。蒼暮孤墳。獨出高頂。靜思骨肉。悲憤心胸。峻極于天。神有所降。不毛之地。儉乃孔昭。取象邢山。全模祭仲。多藏之誠。悼序前文。小子築室。首陽之下。不敢忘本。不敢違仁。庶刻豐石。樹此大道。論次昭穆。載揚顯號。予以采蘋。于彼中園。誰其尸之。有齊列孫。嗚呼。敢告茲辰。以永薄祭。尙饗。

祭外祖母文

維年月日。外孫滎陽鄭宏之。京兆杜甫。謹以寒食庶羞之奠。敢昭告于外王父母之靈。嗚呼。外氏當房。祭祀無主。伯道何罪。元陽誰撫。緬惟夙昔。追思艱窶。當太后秉柄。內宗如縷。紀國則夫人之門。舒國則府君之外父。聿以生居。貴戚釁結。狂豎雌伏。單棲雄鳴。折羽憂心。懨懨獨行。踽踽悲夫。景忽分飛。間于鳳皇。咄彼讒人。有詞異於鸚鵡。初我父王之遭禍。我母妃之下室。深狴殊塗。酷吏同律。夫人於是布裙屏屨。提餉潛出。昊天不備。退藏于密。久成凋瘵。溘至終畢。蓋乃事存于義陽之誅。名播于燕公之筆。嗚呼哀哉。宏之等從母昆弟。兩家因依。弱歲俱苦。慈顏永違。豈無世親。不如所愛。豈無舅氏。不知所歸。誓以偏往。測戀光輝。漸瀆相勸。居諸造微。幸遇聖主。願發清機。以顯內外。何當奮飛。洛城之北。邛山之曲。列樹風烟。寒泉珠玉。千秋古道。王孫去兮不歸。三月晴天。春草萋兮增綠。頃物將牽。累事未遂。欲使淚流頓盡。血下相續者矣。捧奠遲迴。炯心依屬。庶多載之灑掃。循茲辰之軌（一作軌）躅。

爲閬州王使君進論巴蜀安危表

臣某言。伏自陛下平山東。牧燕薊。泊海隅。萬里百姓感動。喜王業再康。瘡痍蘇息。陛下明聖。社稷之靈。以至於此。然河南河北。貢賦未入。江淮轉輸。異於曩時。唯獨劍南。自用兵已來。稅斂則殷。部領不絕。瓊林諸庫。仰給最多。是蜀之土地膏腴。物產繁富。足以供王命也。近者賊臣惡子。頻有亂常。巴蜀之人。橫被煩費。猶相勸勉。充備百役。不敢怨嗟。吐蕃今下松維等州。成都已不安矣。楊琳師再脅普合。顯顯兩川。不得相救。百姓騷動。未知所裁。况臣本州。山南所管。初置節度。庶事尊創。豈暇力及東西兩川矣。伏願陛下聽政之餘。料巴蜀之理亂。審救援之得失。定兩川之異同。問分管之可否。度長計大速。以親賢出鎮。哀罷人以安反仄。犬戎侵軼。羣盜窺伺。庶可遏矣。而三蜀天府也。徵取萬計。陛下忍坐見其狼狽哉。不卽爲之。臣竊恐蠻夷得恣屠割耳。實爲陛下有所痛惜。必以親王委之。節鉞此古之維城盤石之義明矣。陛下何疑哉。在近擇親賢。加以醇厚明哲之老。爲之師傅。則萬無覆敗之跡。又何疑焉。其次付

重臣舊德。智略經久。舉事允愜。不隕穫于蒼黃之際。臨危制變之明者。觀其樹勳庸於當時。扶危塗於已墜。整頓理體。竭露臣節。必見方面小康也。今梁州既置節度。與成都足以久遠相應矣。東川更分管數州於內。幕府取給。破弊滋甚。若兵馬悉付西川。梁州益坦爲聲援。是重斂之下。免至多門。西南之人。有活望矣。必以戰伐未息。勢資多軍。應須遣朝廷任使舊人。授之使節。留後之寄。綿歷歲時。非所以塞衆望也。臣於所守封界。連接梓州。正可爲成都東鄙。其中別作法度。亦不足成要害哉。徒擾人矣。伏惟明主裁之。又天下徵收赦文。減省軍用外。諸色雜賦名目。伏願損之又損之。劍南諸州。亦困而復振矣。將相之任。內外交遷。西川分盡。以仗賢俊。愚臣特望以親王總戎者。意在根固流長。國家萬代之利也。敢輕易而言。次請慎擇重臣。亦願任使舊人。鎮撫不缺。借如犬戎俶擾。臣素知之。臣之兄承訓。自沒蕃已來。長望生還。僞親信于贊普。探其深意。意者報復摩彌。青海之役決矣。同謀誓衆於前後沒落之徒。曲成翻動。陰合應接。積有歲時。每漢使回。蕃使至。帛書隱語。累嘗懇論。臣皆封進。上聞屢達。臣兄承訓。憂國家緣邊之急。願亦勤矣。況臣本隨兄在蜀。向二十年。兄既辱身蠻夷。相見無日。臣比未忍離蜀者。望兄消息時通。所以戮力邊隅。累踐班秩。補拙之分淺。待罪之日深。蜀之安危。敢謁聞見。臣子之義。貴有所盡於君親。愚臣迂闊之說。萬一少裨聖慮。遠人之福也。愚臣之幸也。昨竊聞諸道路出吐蕃已來。草竊歧隴。逼近咸陽。似是之間。憂憤隕迫。益增尸祿。寄重之懼。寤寐報効之懇。謹冒死具巴蜀成敗形勢奉表以聞。

附錄

他集互見

哭長孫侍御

杜少陵全集

附錄

道爲謀（一作諫一作詩）書重。名因賦頌雄。禮闈曾擢桂。憲府舊（一作近）乘驄。流水生涯盡。浮雲世事空。唯餘
舊臺柏。蕭瑟九原中。

■號國夫人

號國夫人承主恩。平明上馬入宮（祐集作金）門。卻嫌脂粉澆顏色。淡掃蛾眉朝至尊。

■軍中醉飲寄沈八劉叟

酒渴愛江清。餘甘（一作酣）漱晚汀。軟沙欹坐穩。冷石醉眠醒。野膳隨行帳。華音發從伶。數盃君不見。醉（一作
都）已遣沉溟。

■杜鵑行見陳浩給本亦見黃鶴本

古時杜宇稱望帝。魂作杜鵑何微細。跳枝竄葉樹木中。搶伴（英華作翔）警振雌隨雄。毛衣慘黑貌（一作自）慙
悴。衆鳥安肯相尊崇。墮（英華作陋）形不敢栖華屋。短翮唯願巢深叢。穿皮啄朽芣欲禿。苦饑始得食一蟲。誰言餐
雛不自哺。此語亦足爲愚蒙。聲音咽咽如有謂（英華作咽噉若有謂注云咽平聲）號啼略與嬰兒同。口乾垂血轉
迫切。似欲（英華作欲以）上訴於蒼穹。蜀人聞之皆起立。至今敦學傳遺風（英華作相效傳遺風）迺知變化不可
窮。豈知昔日居深宮。嬪嬙（一作妃）左右如花紅。

吳若本逸詩

■聞惠二過東溪特一送

惠子白駒（一作魚坡作驢）瘦。歸溪惟病身。皇天無老眼。空谷滯（一作值）斯人。崖蜜松花熟（一作白一作古）
山杯（一作村醪）竹葉新。柴門了無（一作生）事。黃（一作園）綺未稱臣。

李祁蕭遠校書云。陳恬叔易傳東坡記此詩云。右一篇劉斯立得於管城人家。册子葉中題云。工部員外詩集。名甫。字東甫。其餘諸篇。語多不同。如故園桃李今搖落。安得愁中卻盡生也。草堂本右一篇見洪駒父詩話。劉路左車言嘗收得唐人雜篇詩册有之。

舟泛洞庭一作過洞庭湖

蛟室圍青草。龍堆擁一作隱白沙。護江一作堤盤古木。迎櫂舞神鷗。破浪南風正。收颿一作回檣一作歸舟。畏日斜雲山千萬疊。底處上仙槎。草堂作湖光與天遠。直欲泛仙槎。

右洪玉甫云。有人得之江中石刻。王直方云。此老杜過洞庭湖詩也。潘淳云。元豐中有人得此詩刻于洞庭湖中。不載名氏。以示山谷。山谷曰。子美作也。今蜀本已收入。

李鹽鐵二首後一首題云李監宅在正集中

落葉一作華館春風起。高城烟霧開。雜花分戶映。嬌燕入簷回。一見能傾產一作座。虛懷只愛才。鹽官雖絆驥。名是漢庭來。

長吟

江渚鸛鷗戲。官橋帶柳陰。江飛競渡日。草見踏春草堂作青心。已撥形骸累。真爲爛漫深。賦詩歌草堂作新句穩。不免一作覺自長吟。

絕句九首前六首在正集中

聞道巴山裏。春船正好行。都將百年興。一望九江城。草堂本云行。趙作還城。趙作山。

水檻溫江口。茅堂石笋西。移船先主廟。洗藥浣沙草堂作花溪。設一作護道春來好。狂風大放顛。吹一作飛花隨水去。鸛卻釣魚船。

右謝克家任伯題云。右五詩。得盛文肅家故書中。猶是吳越錢氏時人所傳。格律高妙。其爲少陵不疑。詩說雋永。晁氏嘗於中盡緘線纒夾中。得吳越人寫本杜詩諱流字之類。乃盛文肅故書也。如日出籬東水等絕句六首。乃九首其一云。漫道春來好云云。

草堂詩箋逸詩拾遺

■瞿唐懷古見吳若本又見英華

西南萬壑注。勅敵兩崖開。地與山根裂。江從月窟來。削成當白帝。空曲隱陽臺。疏鑿功雖美。陶鈞力大哉。

■送司馬入京見吳若本

羣盜至今日。先朝忝從臣。歎君能戀主。久客羨歸秦。高閣長司諫。丹墀有故人。向來論社稷。爲話涕沾巾。

■惜別行送劉僕射判官見陳浩然本又見英華

聞道南行市駿馬。不限正數軍。一作官中須。襄陽幕府天下異。主將儉省憂艱虞。祇收壯健勝鐵甲。豈因格鬪求龍駒。而今西北自反胡。騏驎蕩盡一正無。龍媒真種在帝都。子孫永落西南隅。向非戎事備征伐。君肯辛苦越江湖。江湖凡馬多顛顛。衣冠往往乘蹇驢。梁公富貴於身疎。號令明白人安居。俸錢時散士子盡。府庫不爲驕豪虛。以茲報主寸心赤。氣卻西戎迴北狄。羅網羣馬籍。一作鳥籍馬多氣在。一作用驅馳出金帛。劉侯奉使光推擇。滔滔才略滄溟窄。杜陵老翁秋繫船。扶病相識長沙驛。強梳白髮提胡盧。手把。一作兼菊花路旁摘。九州兵革浩茫茫。三歎聚散臨重陽。當杯對客忍流涕。一作涕淚君。一無此字不覺老夫神內傷。

■呀鶻行見陳浩然本又見英華

病鶻孤。陳作卑飛俗眼醜。每夜江邊宿衰柳。清秋落日。英華作月已側身。過雁歸鷗錯迴首。緊腦雄姿迷所

向疎翻稀毛不可狀。強神迷復阜雕前。俊才早在蒼鷹上。風濤颯颯寒山陰。態態欲蟄（一作蟄）龍蛇深。念爾此時有一擲。失聲濺血非其心。

狂一作短歌行贈四兄見陳浩然本又見英華

與兄行年校一歲。賢者是兄愚者弟。兄將富貴等浮雲。弟切功名好權勢。長安秋雨十日泥。我曹騎馬聽晨雞。公卿朱門未開鎖。我曹已到肩相齊。吾兄睡穩方舒膝。不襪不巾踏曉日。男啼女哭我莫知。身上須繪腹中實。今年思我來嘉州。嘉州酒重（一作香）花纔（一作滿）樓。樓頭吃酒樓下臥。長歌短詠（一作歌）還相酬。四時八節還拘禮。女拜弟妻男拜弟。幅巾鞶帶不挂身。頭脂足垢何曾洗。吾兄吾兄巢許倫。一生喜怒長任真。日斜枕肘寢已熟。啾啾唧唧爲何人。（浩然本作何爲人）

右五篇乃蘇州太守裴煜如晦所收。見舊集補遺。

逃難見陳浩然本

五十頭白翁。南北逃世難。疏布纏枯骨。奔走苦不暖。（叶去聲）已衰病方入。四海一塗炭。乾坤萬里內。莫見容身畔。妻孥復隨我。回首共悲歎。故國莽丘墟。鄰里各分散。歸路從此迷。涕盡湘江岸。

寄高適

楚隔乾坤遠。難招病客魂。詩名惟我共。世事與誰論。北闕更新主。南星落故園。定知相見日。爛熳倒芳尊。

送靈州李判官

羯胡腥四海。回首一茫茫。血戰乾坤赤。氛迷日月黃。將軍專策略。幕府盛材良。近賀中興主。神兵動朔方。

與嚴二郎奉禮別

別君誰暖眼。將老病纏身。出涕同斜日。臨風看去塵。商歌還入夜。巴俗自爲鄰。尙媿微軀在。遙聞盛禮新。山東羣

盜散闕下受降頻。諸將歸應盡。題書報旅人。

□巴西驛亭觀江漲呈竇使君二首

轉驚波作怒。卽恐岸隨流。賴有盃中物。還同海上鷗。關心小剡縣。傍眼見揚州。爲接情人飲。朝來減半（一作片）。

愁。

向晚波微（一作猶）綠。連空岸脚青。日兼春有暮。愁與醉無醒。漂泊猶杯酒。躊躇此驛亭。相看萬里外。同是一浮萍。

□遣憂

亂離知又甚。消息苦難真。受諫無今日。臨危憶古人。（顧作傷故臣）紛紛乘白馬。攘攘著黃巾。隋氏留（顧作營）宮室。焚燒何太頻。

□早花

西京安穩未。不見一人來。臘日（一作月）巴江曲。山花已自開。盈盈當雪杏。豔豔待春（一作香）梅。直苦風塵暗。誰憂容（一作客）鬢催。

□巴山

巴山遇中使。云自峽（一作陝）城來。盜賊還奔突。乘輿恐未回。天寒邵伯樹。地闊望仙臺。狼狽風塵裏。羣臣安在哉。

□收京

復道收京邑。兼聞殺犬戎。衣冠却屣從。車駕已還宮。尅復成如此。安危（一作扶持）在數公。莫令回首地。慟哭起悲風。

□巴西聞收宮闕送班司馬入京

聞道收宗廟。鳴鑾自陝歸。傾都看黃屋。正殿引朱衣。劍外春天遠。巴西勅使稀。念君經世亂。匹馬向王畿。

□花底

繁萼扶千藥。黃鬚照萬花。忽疑行暮雨。何事入朝霞。恐是潘安縣。堪留衛玠車。深知好顏色。莫作委泥沙。

□柳邊

古道梅花發。那知柳亦新。枝枝總到地。藥藥自開春。紫燕時翻翼。黃鸝不露身。漢南應老盡。霸上遠愁人。

□送竇九歸成都

文章亦不盡。竇子才縱橫。非爾更苦節。何人符大名。讀書雲閣觀。問絹錦官城。我有浣花竹。題詩須一行。

□贈表南都聞袁判官自來欲有按問

塵滿萊蕪飯。堂橫單父琴。人皆知飲水。公輩不偷金。梁獄書因上。(一作應作)秦臺鏡欲臨。獨醒時所嫉。羣小謗能深。卽出黃沙在。何須白髮侵。使君傳舊德。已見直繩心。

□奉使崔都水翁下峽

無數涪江筏。鳴橈總發時。別離終不久。宗族忽相遺。白狗黃牛峽。朝雲暮雨祠。所過頻問訊。到日自題詩。

□題鄴縣郭三十二明府茅屋壁

江頭且繫船。爲爾獨相憐。雲散灌壇雨。春青彭澤田。頻驚適小國。一擬問高天。別後巴東路。逢人問幾賢。

□遣問戲呈路十九曹長

江浦雷聲喧昨夜。春城雨色動微寒。黃鸝竝坐交愁濕。白鷺羣飛大劇乾。晚節漸於詩律細。誰家數去酒盃寬。惟吾最(一作君醉)愛清狂客。百遍相看(一作過)意未闌。

隨章留後新亭會送諸君

新亭有高會。行子得良時。日動映江幕。風鳴排檻旗。絕董終不改。勸酒一作醉欲無詞。已墮峴山淚。因題零雨詩。

東津送韋諷攝閩州錄事

聞說江山好。憐君吏隱兼。龍行舟遠汎。怯別酒頻添。推薦非承乏。操持必去嫌。他時如按縣。不得慢陶潛。

客舊館

陳迹隨人事。初秋別此亭。重來梨葉赤。依舊竹林青。風幔何一作前時卷。寒砧昨夜聲。無由出江漢。愁緒一作秋落日冥冥。

閩州奉送二十四舅使自京赴任青城

聞道王喬鳥。名因太史傳。如何碧雞使。把詔紫微天。秦嶺愁回馬。涪江醉泛船。青城漫污雜。吾舅意淒然。

愁坐

高齋常見野。愁坐更臨門。十月山寒重。孤城月水昏。葭萌氏種迴。左擔戎戎存一作屯。終日憂奔走。歸期未敢論。

陪鄭公秋晚北池臨眺

北池雲水闊。華館闢秋風。獨鶴元依渚。衰荷且映空。采菱寒刺上。踏藕野泥中。素楫分曹往。金盤小逕通。萋萋露草碧。片片晚旗紅。盃酒霑津吏。衣裳與釣翁。異方初豔菊。故里亦高桐。搖落關山思。淹留戰伐功。嚴城殊未掩。清宴已知終。何補參卿事一作參軍乏。歡娛到薄躬。

去蜀

五載客蜀郡。一年居梓州。如何關塞阻。轉作瀟湘遊。世（一作萬）事已黃髮。殘生隨白鷗。安危大臣在。不（一作何）必淚長流。

放船

收帆下急水。卷幔逐回灘。江市戎戎暗。山雲淅淅寒。村荒（一作荒林）無徑入。獨鳥怪人看。已泊城樓底。何曾夜色闌。

哭台州鄭司戶蘇少監

故舊誰憐我。平生鄭與蘇。存亡不重見。喪亂獨前途。豪俊何人（一作人誰）在。文章掃地無。羈遊萬里闊。凶問一年俱。白首中原上。清秋大海隅。夜臺當北斗。泉路著東吳。得罪台州去。時危棄碩儒。移官蓬閣後。穀貴沒潛夫。流勳嗟何及。銜冤有是夫。道消詩興廢。心息酒爲徒。許與才雖薄。追雖跡未拘。班揚名甚盛。嵇阮逸相須。會取君臣合。寧銓品命殊。賢良不必展。廊廟偶然趨。勝決風塵際。功安造化鑪。從容拘（一作詢）舊學。慘淡閱陰符。擺落嫌疑久。哀傷志力輸。俗依綿谷異。客對雪山孤。童稚思諸子。交朋列友于。情乖清酒送。望絕撫墳呼。瘡病（一作痢）餐巴水。瘡痍老蜀都。飄零迷哭處。天地日榛蕪。

右二十七篇。朝奉大夫員安宇所收。

送王侍御往東川放生池祖席

東川詩友合。此贈怯輕爲。况復傳宗近。時然惜別離。梅花交近野。草色向平池。儻憶江邊臥。歸期願早知。

惠義寺送王少尹赴成都得峯字

苒苒谷中寺。娟娟林表峯。闌干上處遠。結構坐來重。騎馬行春徑。衣冠起晚鐘。雲門青寂寂。此別惜相從。

右二篇。見王原叔本。

避地

避地歲時晚。竄身筋骨勞。詩書遂牆壁。奴僕且旌旄。行在僅聞信。此生隨所遭。神堯舊天下。會見出腥臊。

右一篇。見趙次翁本。題云至德二載丁酉作。

惠義寺園送辛員外

朱櫻此日垂朱實。郭外誰家負郭田。萬里相逢貪握手。高才仰望足離筵。

又送

雙峯寂寂對春臺。萬竹青青照一作送。客杯。細草留連侵坐軟。殘花悵望近人開。同舟昨日何由得。竝馬今朝未擬迴。直到綿州始分首。江邊樹裏共誰來。

右二篇。見卞園本。竝見吳若木。

65查4

111649





國立中央圖書館台灣分館



3 1111 000032613